

Namo tassa bhagavato arahato sammāsambuddhassa.

Rasavāhinī

Paṇāmādikathā

1. Satthuppasatthacaraṇaṃ saraṇaṃ janānaṃ,
Brahmādimoli maṇiraṃsi samāvahantaṃ,
Paṅkeruhābhamudukomalacāruvaṇṇaṃ;
Vandāmi cakkavaralakkhaṇamādadhānaṃ.
2. Siddhaṃ jinaena cirakālamatanditena,
Yaṃ bhāvako samadhigacchati khemamaggaṃ;
Yaṃ kapparukkha rucidāna maṇiva bhāti,
Taṃ dhammamagga masamaṃ paṇamāmi niccaṃ.
3. Santindriyaṃ sugatasūnuvaraṃ visuddhaṃ,
Yaṃ dakkhiṇeyyamatadaṃ sucipuññakhettaṃ;
Tānesinaṃ saraṇamujjhitasabba dukkhaṃ,
Vandāmi saṅgha managhaṃ sirasā mahagghaṃ.
4. Yampattamettha ratanattayathomanena,
Puññaena tena duritaṃ sakalaṃ paṇujja,
Vakkhāmaṃ sumadhuraṃ rasavāhinintaṃ,
Bho bho suṇantu sujanā bhimudāvahā sā.
5. Tatthatatthūpapannāni, vatthūni arahā pure;
Abhāsuṃ dīpabhāsāya, ṭhapesuṃ taṃ purātanā.
6. Mahāvihāre taṅgutta, vaṅkavariveṇavāsiko;
Raṭṭhapālota nāmena, sīlacāra guṇākaro.
7. Hitāya parivattesi, pajānaṃ pālībhāsato;
Punaruttādīdosehi, tamāsi sabbamākulaṃ;
Anākulaṃ karissāmi, taṃ suṇātha samāhitā.
8. Vitarāgā pure vocuṃ, yasmā tasmā hi bhāsitaṃ;
Etamādaraṇīyañhi, sādhu sādhuhi sabbadāti.

Jambudīpuppatti vatthūni.

Dhammasoṇḍakavaggo

1. Dhammasoṇḍakassa vatthumhi ayamānupubbīkathā

Tattha tesam vatthūna muppattiyo dvidhā bhavanti jambudīpe sīhaḷadīpecāti, tattha jambudīpe tāḷisa, sīhaḷadīpe tesatthi, tesu tāva jambudīpuppattivatthūni āvi bhavissanti, tatopi dhammasoṇḍakassa vatthu ādi, kathaṃ, amhākaṃ kira bhagavato pubbe imasmiṃyeva bhaddakappe kassaponāma satthā loke udapādi, tassa kho pana bhagavato sāsanantaradhānato na cireneva kālena amhākaṃ bodhisatto bārāṇasīrañño aggamaheṣiyā kucchismiṃ nibbatti, tassu ppatti kālasamanantameva sabbasattānaṃ manasi dhammasaṇḍā udapādi, tasmāssa dhammasoṇḍotināma makamsu, so paneso kumāro mahantena parivārena vaḍḍhento sabbasippesu nipphattiṃ patvā pitarā uparajjena pūjito hutvā dānādayo dasakusalakammapathe pūrento pituaccayenāmaccehi rajjenābhisiñcīto ahosi, so panesa dhammasoṇḍakamahārājā devanagarasādise bārāṇasīnagare

cakkavattisadisam bārāṇasīrajjam kārento māsaddhamāsaccayena sirisayanagato evaṃ cintesi, mamevaṃ rajjasirimanubhavanam na sobhati dhammaviyogena, divākara virahito nabho viyātiādina nānākāraṇam cintesi, tenettha.

1. Puññaena sīlādimayena pubbe,
Katena pattosmi atanditena,
Masakkasāre viya devarājā;
Rājattamiddhe puramuttamamhi.
2. Rūpena hārīnayanussavena,
Saddena sammā savaṇāmatena,
Gandhena ghānussavasobhanena,
Rasaññapuññaena rasenacāpi.
3. Phassena gattassa suphassadena,
Samiddhipattosmi mahiddhikoḥam,
Nevettakeneva pamādabhāva,
Mā pajjitum yuttarūpanti ñatvā.
4. Dassāmi aṅgaapi jīvitañca,
Dhaññaṃ dhanam cāpi pasannacitto,
Sossāmi dhammam sīvamādadhānam,
Jineritam jātijarāpahānam.
5. Na sobhati yathākāsam, jalam dhāmapatiṃvinā,
Rajjakaraṇam tathā mayham, vinā dhammā na sobhati.
6. Na sobhati hathā ratti, nisānātham vinā sadā,
Rajjakaraṇam tathā mayham, vinā dhammā na sobhati.
7. Alaṅkatopi ce hatthī, vinā dāṭhā na sobhati,
Rajjakaraṇam tathā mayham, vinā dhammā na sobhati.
8. Yathā kallolamālīyam,
Vinā velā na sobhati,
Rajjakaraṇam tathā mayham,
Vinā dhammā na sobhati.
9. Yathā sumaṇḍito rājā,
Kupaṭo neva sobhati,
Rajjakaraṇam tathā mayham,
Vinā dhammā na sobhati.
10. Dhammameva suṇissāmi, dhamme me ramatī mano,
Na hi dhammā param atthi, dhammamūlam tisampadanti.

Evaṃ cintetvā pātova sirigabbhā nikkhamma susajjite samussitasetacchatte rājapalleṅke amaccagaṇa parivuto nisīdi devarājāvīya virocamaṇo, nisinno pana rājā amacce evamāha, yo panettha bhonto buddhabhāsitesu dhammesu kiñcidhammam jānāti, so bhāsatu, sotomicchāmidhammanti, te sabbepi mayam deva na jānāmāti āhaṃsu, tam sutvā a na tta ma no rājā evaṃ cintesi, yannūnāham hatthikkhandhe sahasam ṭhapetvā nagare bherimcarāpeyyam, yam appevanāma koci dhanalobhena cātuppadikāyapi gāthāya dhammam deseyya. Tam me dīgharattam hitāya sukhāya bhavissatīti, tato so tathā katvāpi dhammadesakam alabhanto puna dvisahassam ticatupañcasahassantiyāvakoṭippakoṭimdammiti, tato gāma nigama janapade, tato seṭṭhiṭṭhānam senāpati uparājāṭṭhānā dayopi, puna setacchattam dammi, rājavesam pahāya attānam dāsam sāvetvā

dhammadesentassa dammiti vatvā bheri carāpetvāpi dhamma desakamalabhitvā samviggō kimme dhammaviyogena rajjenāti amaccānaṃ rajjaṃ nīyyātetvā saddhammagavesako dhammasoṇḍakamahārājā mahāvanaṃ pāvīsi gāma nigama rājadhāni paramparāya, tenettha.

11. Pure bheriṃ carāpetvā,
Dhammasoṇḍo narādhipo;
Saddhammajjesakaṃ satthu,
Aladdhā dhanakoṭihi.
12. Dāso homi pahāyāhaṃ,
Rājattaṃ desakassa me;
Iccāha so mahīpālo,
Aho dhammesu lolatā.
13. Rajjaṃ nīyyātayitvāna, amaccānaṃ manoramaṃ,
Vanaṃ pāvīsi so rājā, gavesaṃ dhammamuttamanti.

Mahāvanaṃ pavitṭhakkhaṇe pana mahāsattassa puññatejena sakkassānaṃ uṇhākāraṃ dassesi, atha devarājā cintesi akāmaṃ me paṇḍukambala silāsaṇaṃ uṇhamahosi, kinnukho kāraṇanti lokaṃ olokento sakko devarājā dhammasoṇḍaka mahārājānaṃ sakalajambudīpaṃ vicinitvā saddhammajjesakaṃ alabhitvā vanaṃ pavitṭhabhāvaṃ addasa, dhammasoṇḍakamahārājā saddhammatthāya rajja dhana bandhu jīvitampi pahāya araññaṃ pavitṭho, na so vatāyaṃ yovā sovā satto, imasmiṇyeva kappe buddho bhavissati, buddhabodhisatto cāyaṃ ajjeva mahāraññaṃ pavitṭho saddhammaṃ aladdhā mahādukkhaṃ pāpuṇeyya, na cetāṃ yuttaṃ, ajja mayā tattha ganthabbaṃ dhammāmatarasena tamabhisiñcitvā rajje pahitṭhāpetunti cintetvā attabhāvaṃ vijahitvā bhayānakaṃ mahantaṃ rakkhasavesaṃ nimmiṇitvā mahāsattābhīmukho avidūre attānaṃ dassesi, tenettha.

14. Byagghacchasīhamahiso ragahatthidīpi,
Migākulaṃ kaṇṭakaselarukkhaṃ;
Narānamindo pavisitvakānaṃ,
Itocito vibbhami dhammakāmo.
15. Tassānubhāvena purindadassa,
Silāsaṇaṃ uṇhamahosi kāmaṃ;
Teneva so lokamudikkhamāno,
Addakkhi dhīraṃ vipine carantaṃ.
16. Mayajja taṃ dhammarasena sammā,
Santappayitvā gamaṇaṃ varanti;
Mantvā subhīmañjanakūṭavaṇṇaṃ,
Mahāmukhaṃ niggata bhīmadāṭhaṃ.
17. Dittaggisaṅkāsa visālanettaṃ,
Majjhena bhaggaṃ cipiṭaggaṇāsamaṃ;
Kharatambadāṭhiṃ ghanamassuvantaṃ,
Nīlodaraṃ gajjitabhīmaghosamaṃ.
18. Karoruaṃ tikkhasalohitāyataṃ,
Visāladhotāyatakaggahatthaṃ;
Gadāyudhenaṅkitamaññabāhuṃ,
Daṭṭhotṭhabhīmaṃ savalīlalāṭhaṃ.
19. Manussamaṃsādanarattapānaṃ,
Bhayānakaṃ kakkhalayakkhavaṇṇaṃ;
Sumāpayitvāna vanantarasmīṃ,

Dassesi attam sa narādhīpassāti.

Atha mahāsatto attano avidūre ṭhitaṃ rakkhasaṃ addakkhi, taṃ disvānāssa bhayaṃvā chambhitattaṃvā citthutrāsamattaṃvā nāhosi, kimatra cintesi, apināma evarūpo pirakkhaso dhammaṃ jāneyya, yannūnāhaṃ tassa santike dhammaṃ suñissāmi, tamme dīgharattaṃ hitāya sukhāya bhavissatīti cintesi. Cintetvā capana ajja mayā tamupasaṅkamma pucchitaṃ vaṭṭatīti gantvā rakkhasena saddhiṃ sallapanto āha.

20. Asmiṃ vanasmiṃ tarusaṇḍa maṇḍite;
Suphullitānekalatākulākule;
Adhiggahīto si mahānubhāva,
Pucchāmi taṃ deva vadehi kaṅkhaṃ.
21. Dhammaṃ gavesaṃ vanamāgatomi,
Pahāya rajjaṃ api ñātisaṅghaṃ;
Jānāsi ce samma vadehi mayhaṃ,
Ekampi gāthaṃ sugatena desitaṃ.

Tato yakkho āha.

22. Dhammaṃ pajānāmahamekadesaṃ,
Jineritaṃ sādhitaraṃ rasānaṃ,
Desemi cehaṃ tava dhamma maggaṃ,
Tuvañhi kiṃ kāhasi desakassāti.

Atha mahāsatto āha.

23. Rajje ṭhito assamahaṃ sace bho,
Anapparūpaṃ pakaromi pūjaṃ;
Idāni eko vanamajjhapatto,
Karomi kiṃ dehamimaṃ ṭhapetvā.
24. Yadicchasi tvaṃ mama maṃsalohitaṃ,
Karomahaṃ saṅghamaṃ tena,
Na catthi aññaṃ tava accaṇṇyaṃ,
Desehi dhammaṃ sugata ppassatthanti.

Tato yakkho āha.

25. Bhutvāna maṃsaṃ suhitova santo,
Hantvā pipāsaṃ rudhiraṃ pivitvā;
Dhammaṃ kathetuṃ pabhavāmi tuyhaṃ,
Vattuṃ na sakkomi khudāparetoti.

Atha mahāsatto āha.

26. Bhutvā tuvaṃ maṃ pathamañhi yakkha,
Pacchā tu desessasi kassa dhammaṃ;
Dhammassa mayhaṃ tava maṃsalābhaṃ,
Tvameva jānāhi yathā bhavēyyāti.

Evam vutte sakko devānamindo sādhu mahārāja ahameva yuttaṃ jānāmīti vatvā tassāvidūre tigāvutubbedhaṃ añjanavaṇṇaṃ mahantaṃ pabbataṃ māpetvā mahārāja imamāruyha pabbatamuddhaniṭṭhito mama mukhe patatu, ahaṃ patanthassa te dhammaṃ desessāmi, evaṃ sante tuyhaṃ dhammapaṭilābho, mayhaṃca maṃsapaṭilābho bhavissatīti. Taṃ sutvā mahāsatto

anamatagge saṃsāre saṃsarato me sīhabyagghacchamacchakacchapavihaṅgādīnaṃ
bhakkhabhūtaṃ jātīsu pamāṇaṃ natti, ajja mayā sambuddhassa dhammatthāya jīvitam pariccajitum
vaṭṭatīti cintetvā evamāha.

27. Saṃsāravatṭesu vivaṭṭamānā,
Papponti dukkhaṃ janatā anekā;
Etañhi bho attano vā parassa,
Atthāya nāhosi ahosi tucchaṃ.
28. Tvamadinnahārī tica pārādāriko,
Pāṇātipātīsi musā abhāsi;
Tva majjapāyīti akāsi dosaṃ,
Paggayha dukkhaṃ bahuso dadanti.
29. Etañhi bho attano vā parassa,
Atthāya nāhosi ahosi tucchaṃ;
Rukkhā papātā papatitvakeci,
Dubbandhiyā duggavisādanena.
30. Byādhīhi nānākharavedanāhi,
Maranti sattā utuvedanāhi;
Etañhi bho attano vā parassa,
Atthāya nāhosi ahosi tucchaṃ.
31. Byagghacchamaccho ragakucchiyañhi,
Matassa me natthi pamāṇasaṅkhā;
Etañhi bho attano vā parassa,
Atthāya nāhosi ahosi tucchaṃ.
32. Etajja me ducca ja mattadānaṃ,
Na hoti devissariyādikāya;
Sabbaññubhāvaṃ pana pāpuṇitvā,
Saṃsārato nittaraṇāya satte.
33. Tvaṃ samma mayhaṃ bahuso pakārī,
Tasmā tavetaṃ vacanaṃ karomi;
Asaṃkito desaya mayhadhammaṃ,
Samijjhate dāni manoratho teti.

Evañca pana vatvā mahāsatto pabbatamāruya ṭhito āha, ahamajja rajjena saddhiṃ jīvitañca
sarīramāsañca saddhammatthāya dammīti somanassappatto hutvā samma dhammaṃ desehīti vatvā
tasmīṃ mahādāṭhaṃ mahāmukhaṃ vivarivā ṭhite tassābhimukho upapati. Atha sakko devānamindo
somanasso acchariyappatto attabhāvaṃ vijahitvā alaṅkatadibbattabhāvaṃ māpetvā ākāse
taruṇasuriyo viya obhāsamāno ākāso patantaṃ mahāsattaṃ ubho hi hatthehi daḷhaṃ patigaṇhitvā
devalokaṃ netvā paṇḍukambala silāsane nisīdāpetvā dibbamayehi gandhamālādīhi pūjetvā sayam
dhammaṃ sutvā pasanno pasannākāraṃ katvā kassapadasabalena desitāya aniccādirapidīpikāya.

34. Aniccāva ta saṅkhārā, uppādavayadhammino;
Uppajjitvā nirujjhanti, tesam vūpasamo sukhoti.

Gāthāya dhammadesanena tassa manorathaṃ matthakaṃ pāpetvā devaloke mahantaṃ
sirivibhavaṃ dassetvā ānetvā sakarajjeyeva patiṭṭhāpetvā appamatto hoti mahārājāti ovaditvā
devalokameva agamāsīti.

35. Iti amitasiriṃ vā jīvitam vāpi santo,

Na sumariya pasattham dhammamevā caranti;
Tanutara vibhavānaṃ appamāyūnamambho,
Iha kusalapamādo ko nu tumhādisānanti.

Dhammasoṇḍakavatthum paṭhamam.

2. Migaluddakassa vatthumhi ayamānupubbikathā

Ito kira eka tiṃsatime kappe sikhīnāma sammāsambuddho samatiṃsa pāramiyo pūretvā paramātisambodhiṃ patvā sadevakam lokaṃ saṃsārakantārā uttārento dhammaratanavassam vassāpento dhammabheriṃpaharanto dhammaketuṃ ussāpento ekasmiṃ samaye viveka manubrūhanto araṇṇāyatanaṃ pāvīsi, pavisitvā capana supupphitanāgapunnāgādīnānātarusaṇḍamaṇḍite suphullasumanamālatippabhutinānālatākule anekavidhadipadacatuppadasaṅghanisevite ramaṇīye sītalasilātale catugguṇam saṅghāṭiṃpaññapetvā nisīdi chabbaṇṇaramsihi disaṃ pūrayanto, tadā tattha devabrahmanāgasupaṇṇādayo sannipatitvā dibbamayehi gandhamālādīhi bhagavantam pūjayamānā thomayamānā namassamānā aṭṭhamṣu, tasmīṃ panasamāgame bhagavā madhurassaram nicchārento brahmaghosena catusaccapaṭisaṃyuttam dhammam deseti amatavassam vassāpentoviya. Tadā eko migaluddako vanaṃ pavitṭho migasūkare hantvā maṃsam khādanto tam thānam patvā addasa bhagavantam dhammam desentaṃ. Disvā ekamantaṃ thito dhammam sutvā cittaṃ pasādetvā tato cuto devaloke nibbattitvā chasu kāmasaggesu manusseṣu aparāparaṃ issariyam anubhavanto imasmīṃ buddhuppāde sāvattiyaṃ kulagehe nibbattitvā viññutaṃ patto bhagavato sāsane pabbajitvā ekadivasam dhammam desentassa bhagavato catusaccapaṭi saṃyuttam dhammakatham sutvā catupaṭisambhidāhi arahattaṃ patvā ekadivasam bhikkhusaṅghamajjhagato attano katakammappakāsanena pītivācamudāhari.

1. E ka tiṃ se ito kappe,
Loke uppajji nāyako;
Pattiṃsa lakkhaṇātiṇṇo,
Sambuddho sa sikhīvhayo.
2. Jalanto dīparukkhova, sūriyova nabha muggato;
Merurājāva sambuddho, janesaggo patāpavā.
3. Pūretvā dhammanāvāyaṃ, sa nātho sakalam pajam;
Patiṭṭhapento saṃsāra, kantārā santibhūmiyaṃ.
4. Dhammaketuṃ samussento, hananto dhammadundubhiṃ;
Satte dukkhā pamocento, vasī tattha jino vasī.
5. Ekasmiṃ samaye nātho,
Lokapajjotako jino;
Vivekakāmo sambuddho,
Surammaṃ kānanaṃ gato.
6. Punnāganāgapūgādi, nānāpādapasaṃkulaṃ;
Latā liṅgitasākhāhi, sā modakusumāyutaṃ.
7. Kusumā modasammatta, chappadāli nisevitaṃ;
Nānāmiga gaṇākiṇṇam, mayūragaṇa naccitaṃ.
8. Sītalacchodikāsādhu, supatitthajalāsayaṃ;
Āsāra sāradhārāhi, nijjharāsata saṃkulaṃ.
9. Gantvāna so mahāraññaṃ,

Sītaḷaṃ sikaṭāṭalaṃ;
 Silātale nisinnosi,
 Vissajjento charaṃsiyo.

10. Devā tattha samāgantvā, pūjesuṃ dvipaduttamaṃ;
 Dibbehi gandhamālāhi, naccehi turiyehica.
11. Devadevo tadā deva, saṅghamajjhe nisīdiya;
 Catusacca madesesi, niccharaṃ madhuraṃ giraṃ.
12. Tadāhaṃ luddako āsiṃ, migasūkaramārako;
 Migamaṃsena jivāmi, tena posemi dārake [\[posentoputtadārake itikatthaci\]](#).
13. Tadāhaṃ migavaṃ yāto,
 Sabāṇo sasarāsano;
 Addasaṃ virajaṃ buddhaṃ,
 Devasaṅghapurakkhataṃ.
14. Candaṃva tārakākiṇṇaṃ, meruṃvaṇṇavamajjhagaṃ;
 Virocamāna māsīnaṃ, catusaccappakāsakaṃ.
15. Ekapasse ṭhito tattha, assosiṃ dhammamuttamaṃ;
 Tattha cittaṃ pasādetvā, somanassaṃ pavedayiṃ.
16. Ekatiṃse ito kappe,
 Yaṃ puññaṃ pasutaṃ mayā;
 Tenāhaṃ puññaakammena,
 Jātosīṃ devayoniyāṃ.
17. Sampattimanubhutvāna, chakāmagge parāparaṃ;
 Devasaṅghaparibbūḷho, vimāne ratanāmaye.
18. Manusseuca yaṃ aggamaṃ, tassa bhāgī bhavāmahaṃ;
 Bhoge me ūnatā natthi, saddhammasavaṇe phalaṃ.
19. Imasmiṃ bhaddake kappe,
 Sāvattipuramuttame;
 Aḍḍhe mahaddhane sāle,
 Jātohaṃ udīte kule.
20. Mahatā parivārena, patto vuddhiṃca viññutaṃ;
 Cārikaṃ caramānohaṃ, patto jetavanaṃ varaṃ.
21. Addasaṃ saha sissehi, nisinnaṃ sugataṃ tadā;
 Assosiṃ madhuraṃ dhammaṃ, catusaccappakāsakaṃ.
22. Sutvāna madhuraṃ dhammaṃ, pabbajitvāna sāsane;
 A jarā maraṃ sītibhūtaṃ, patto nibbānamuttamaṃ.
23. Sutaṃ ekamuhuttaṃ me, tadā dhammaṃ sudesitaṃ;
 Tenamhi caturāpāye, na jāto na kutobhayaṃ.
24. Karamukkippa vakkhāmi, karothe kagiraṃ mama;
 Mamo pamaṃ karitvāna, dhammaṃ suṇātha sādhuṃkanti.

Evañca pana vatvā satte dhammasavaṇe niyojesīti.

25. Iti tanutarakālaṃ sādhu dhammaṃ suṇitvā,
Adhigatavibhavānaṃ ānubhāvaṃ suṇitvā;
Bhavavibhavasukhaṃ bho patthayantā kusītaṃ,
Jahatha suṇatha dhammaṃ dullabhaṃ dullabhassāti.

Migaluddakassa vatthum dutiyaṃ.

3. Tiṇṇaṃjanānaṃ vatthumhi ayamānupubbikathā

Jambudīpasmiṃ kira pubbe mahānidāgho ahosi, tadā nidāghasuriyena sakiraṇakarā vāpi pokkharāṇi nadī girikandaranijjharādīsu udakaṃ nissesam katvā pītāmiva udake parikkhīṇe macchakacchapādayo yebhuyyena vināsaṃ pattā. Atha mahāraññabhūmiyaṃ rukkhataṇalabhādayo atīva milātā ahesum. Migapakkhinopighammābhitattā pipāsito marīciṃ toyantimaññaṃ mānā itocitoca dhāvanta mahādukkhappattā ahesum. Tadā eko suvapotako pipāsito tattha tattha pānīyaṃ pariyesanto mahāraññe ekasmiṃ pūtipādape saṭṭhiratane narakāvāṭe pānīyagandhaṃ ghāyitvā lobhena pātuṃ otiṇṇo atipānena bhāro tattheva patitvā uggantuṃ nāsakkhi. Athāparopi sappoca manussocāti dve janā tattheva paṭimsu, sappānāma vivekaṃ laddhāva attam vijahanti. Tasmāyaṃ aladdhā vivekattaṃ uggantuṃ nāsakkhi. Anālambattā manussopi. Te uggantuṃ asakkontā maraṇabhayaabhītā aññaṃañña maviheṭṭhenta tattheva vasiṃsu. Atheke barāṇasīvāsiko manusso vanaṃ pavitṭho tattheva pānīyaṃ pariyesamāno taṃ ṭhānaṃ patvā te tayopi disvā kampamānahadayo valliyaṃ piṭakaṃ bandhitvā sikkāya pakkhipitvā otāretvā te tayopi uddhari, athānena te amhākaṃ jīvitaṃ dinnanti somanassā tassevamāhaṃsu, sāmi mayaṃ tumhe nissāya jīvitaṃ labhimha, tumhe ito paṭṭhāya amhākaṃ sahāyo, mayampi te sahāyā, amhākaṃ vasanaṭṭhānāni āgantukāmāti vatvā tesu tāva suvapotako āha, sāmi bārāṇasiyaṃ dakkhiṇadvāre mahānigrodho atthi, tathāhaṃ vasāmi, tava tathārūpe kicce sati mama santikamāgamaṃ suvāti saddaṃkarohīti vatvā mettithiraṃ katvā pakkāmi, sappopi sammāhaṃ tasseva nigrodhassā vidūre mahantaṃ vammikaṃ atthi, tattha vasāmi, tavatthe sati tathāgantvā dīghāsisaddaṃ karohīti vatvā tathevapakkāmi, manussopi bārāṇasiyaṃ asukāyanāma vīthiyaṃ asukagehe vasāmi, tavatthe sati mama santikaṃ āgacchāti vatvā pakkāmi, athā parabhāge so upakārako puriso attano kicce sañjāte mama sahāyānaṃ santikaṃ gamissāmīti saṅketānusārena gantvā nigrodhamūle ṭhito suvassa saddamakāsi, taṃ sutvā suvapotako vegenāgantvā tena saddhiṃ paṭisammoditvāsamma cirenā gatosi, āgatakāraṇaṃ me ācikkhāti āha. Sopāha sammāhaṃ jīvitū masakkonto puttadārake nātīnaṃ paṭipādetvā tava santikamāgatohiti, suvapotakopi sādhu samma tayā kataṃ mama santikamāgacchantena, tayā mama jīvitaṃ dinnaṃ, mayāpi tava jīvanupāyaṃ kātuṃ vaṭṭati, yāvāhaṃ āgacchāmi, tāvettha thokaṃ vissamāti vatvā pakkāmi jīvanupāyaṃ pariyesamāno, tasmīṃ kira samaye bārāṇasīrājā nagarato nikkhamma susajjituyyānaṃ pavisitvā sapaṇiso kīṭitvā majjhantikasamaye suphullitaṃ pañcapadumasañchanvaṃ maṅgalapokkharāṇiṃ disvā nahāyitukāmo sabbābharaṇāni omuñcitvā rājapurise paṭipādetvā nahāyitum otari, tadā suvapotako taṃ ṭhānaṃ patto sākhantare nilīno rājapurisānaṃ pamādaṃ disvā rañño muttāhāraṃ ḍasitvā ākāsaṃ pakkhanditvā vegenāgantvā attano sahāyassa datvā appamatto imaṃ valañjehi sammāti vatvā adāsi, tato so naṃ gahetvā imaṃ kuhiṃ paṭisāmessāmīti cintonto mameko sahāyako antonagare vasati, tasmīṃ ṭhappessāmīti cintetvā yathāsaṅketamupagamma taṃ disvā paṭisanthāraṃ katvā suvapotakena kato pakāraṃ pakāsetvā imaṃ muttāhāraṃ sādhukaṃ ṭhapehīti vatvā adāsi, taṃkhaṇe rājā nahātvānulitto ābharaṇāni pilandhento muttāhāraṃ nāddasa. Tato rājapurisā antoca bahica pariyaṇe upaparikkhitvā muttāhāraṃ apassantā nagare bheriṃ carāpesum, yo muttāhāraṃ passati, tassa rājā mahantaṃ yasaṃ dassatīti. Taṃ sutvā so mittadūbhī evaṃ cintesi, ahaṃcamhi dukkhito, yannūnāhaṃ muttāhāraṃ rañño dassetvā sukkena vaseyyaṃ, kimme etenāti tena kataṃ tathārūpaṃ upakāraṃ asallakkhento mahāmittadūbhī puriso rājapurise upasaṅkamma muttāhāraṃ attano santike ṭhapitabhāvaṃ kathesi, bho mama santike eko puriso muttāhāraṃ ṭhapesīti. Evaṃ asappurisasamsaggoti, tathāhi.

1. Yathā saṃvaḍḍhito nimbo, madhukhīro dasiñcanā;
Na yāti madhuraṃ taṃ vo, pakāra masataṃ kataṃ.

2. Sīsenu daka mādāya, vaḍḍhitopi nuhītaru;
Na yāti madhuraṃ taṃvo, pakāramasataṃ kataṃ.
3. Niccaṃ khīrodapānena, vaḍḍhito siviso yathā;
Visaṃva parivatteti, tathā nīcopakāraṃ.
4. Yathāttanā kato aggi, sītaṃ na dade khalu;
Tathā nīce kataṃ kāraṃ, aggīva dahate tanuṃ.
5. Tasmā upaparikkhitvā, hāvabhāvena buddhiyā;
Kātabbā metti jantūhi, nāmitto labhatesukhanti.

Athassa mittadubhino vacanena rājapurisā muttāhāraṃcatama gahetvā sabhaṇḍakaṃ purisaṃ dassesuṃ. Atha rājā sabhaṇḍakaṃ coraṃ disvā kuddho imaṃ netvā dakkhiṇadvāre jīvasūle uttāsethāti āṇāpesi, rājapurisā tassa rājānaṃ karonto agamaṃsu, tehi nīyamāno puriso dakkhiṇadvārā nikkhamma sappasahāyaṃ saritvā appevanāme tassa santikā kiñci soṭṭhi bhavyeyāti pubbe vuttasaṅketā nusārena vammikaṃ disvā samma dīghāti saddamakāsi, so vammikā nikkhammataṃ tathā niyamānaṃ disvā saṃviggo dukkhappatto sahāyassame ajja avassayena upatthambhaṃ bhavituṃ vaṭṭatīti taṃ samassāsetvā attabhāvaṃ vijahitvā aññataravesena rājapurise upasaṅkamma imaṃ purisaṃ muhuttaṃmā mārethāti daḷhaṃ vatvā muhuttana rañño aggamahesiyā vasanaṭṭhānaṃ gantvā sappavaṇṇena devīṃ ḍasitvā tāya visena mucchitakāle manussavaṇṇena vajjhappatto visosadhaṃ jānātīti vatvā taṃkhaṇeva sahāyassa santikaṃ gantvā rañña tava pakko sitakāle gantvā udakappasatena deviyā sarīre paharitvā nibbisaṃ karāhīti vatvā pakkāmi, atha rājā visavejja pariyesanto taṃ pavattiṃ sutvā vajjhappattaṃ ānethāti āṇāpetvā deviyā nibbisaṃ karothāti āha, so nāgarājena vuttanayena nibbisamakāsi, sā sukhitā arogā ahosi, rājā taṃ disvā tuṭṭho tassa khettavatthuyānavāhanādīdānena mahāsakkāramakāsi, atha so rājānaṃ upasaṅkamma attanā kataṃ sabbaṃ pakāsesi. Tena vuttaṃ.

6. Ekadāhaṃ mahārāja, vanaṃ kammena kenaci;
Gatoddasam mahāvāṭe, patitaṃ suvapotaṃ.
7. Atho ragaṃ manussaṃca;
Dukkhappatte khudāpare;
Ukkipiṃ karuṇāyāhaṃ;
Te me vocuṃ tadā tayo.
8. Adāsi jīvamamhākaṃ, upakārosi no tuvaṃ;
Tava kicce samuppanne, amhākaṃ ehi santikaṃ.
9. Evaṃ tehi pavuttohaṃ, agañchiṃ suvasantikaṃ;
Tena katūpakārohaṃ, manussassāpi santikaṃ.
10. Tenāhaṃ maraṇappatto, addasaṃ uragādhipaṃ;
Sodāsi jīvitaṃ mayhaṃ, alatthaṃ [\[aladdha itisabbattha\]](#) vipulaṃ dhanam.
11. Sujano nāvamantabbo, khuddakoti narādhipa;
Suvoca uragocete, mittadhamme patiṭṭhitā.
12. Kāraṇaññū manusseseso,
Amhehi samajātiko;
Katūpakāro evampi,
Diso jāto narādhamo.
13. Akasmā deva kuppanti, pasīdantinimittato;
Sīlaṃ hetamasādhūnaṃ, bālānamavijānataṃ.

14. Manussāpi mahārāja, keci vissāsiyā na ve;
Tiracchānāpi honteva, ajimhamanasāsathāti.

Evam so attano pavattim katesi, rājā taṃ sutvā pasanno imassa purisassa mahantaṃ geḥaṃ katvā mahāparihāraṃ karoṭhāti āṇāpesi, so pana mama geḥaṃ nigrodhassa ca vammikassa ca antare karoṭhāti vatvā tathā kāretvā tattha vasanto rājūpaṭṭhānaṃ karonto tehi sahāyehi saddhim sammodamāno yāvajīvaṃ vasitvā āyu pariyosāne tehi saddhim yathākammaṃ gatoti.

15. Iti patitasukhamhā aṅgato vā dhanamhā,
Paramatarapatiṭṭhā honti mittā sakhānaṃ;
Virahitasakhinaṃ bho natthi yasmābhivuddhi,
Ciñutha kusaladhammaṃ mittavanta mahantaṃ.

Tiṇṇaṃ janānaṃ vatthum tatiyaṃ.

4. Buddheniyā vatthumhi ayamānupubbikathā

Jambudīpe kira pubbe pāṭaliputtanagare sattāsītikoṭīnihitadhaṇaṃ ekaṃ seṭṭhikulaṃ ahosi, tassa pana seṭṭhino ekāyeva dhītā ahosi nāmena buddhenināma, tassā sattavassikakāle mātāpitaro kālamakaṃsu, tasmim kule sabbaṃ sāpateyyaṃ tassāyeva ahosi, sā kira abhirūpā pāsādikā paramāya vaṇṇapokkharatāya samannāgatā devaccharapaṭibhāgā piyāca ahosi manāpā, saddhā pasannā ratanattayamāmikā paṭivasati, tasmim pana nagare seṭṭhisenāpatiuparājādayo taṃ attano pādapariṇāyikaṃ kāmayamānā manusse pesesaṃ paṇṇākārehi saddhim, sā taṃ sutvā cintesi, mayhaṃ mātāpitaro sabbaṃ vibhavaṃ pahāya matā, mayā pana tathā agantabbaṃ, kiṃ me patikulena, kevalaṃ vittavināsāya bhavati, mayā pani maṃ dhaṇaṃ buddhasāsaneyeva nidahitum vaṭṭatīti cintesi, cintetvā ca pana tesam na mayhaṃ patikulenatthoti paṭikkhipi, sā tato paṭṭhāya mahādānaṃ pavattenti samaṇabrahmaṇe santappesi, tenettha.

1. Catuddisāyātajinatrajānaṃ,
Āpānabhūtaṃ ghamaṃsi tassā;
Yadicchita ppaccayaḷābha hetu,
Devaddumovāsi mahānubhāvo.
2. Pupphūpahārādi vitānalaṅkatā,
Paḍīpa paññatta subhāsanāvalī;
Sukhāsanāsīna vasīhilaṅkatā,
Tassāsi tasmim varadānasālā.
3. Sudhotahatthā sucipuññacittā,
Sadādarā rakkhitapañcasīlā;
Buddhenināmā karuṇā guṇaggā,
Adā mahādānavaraṃ pasatthanti.

Athāparabhāge eko assavāṇijako assa-vāṇijjāya pubbantāparantaṃ gacchanto āgamma imissā gehe nivāsaṃ gaṇhi, atha so vāṇijo taṃ disvā dhītusinehaṃ pati ṭṭhā pe tvā gandhamālavatthālaṅkāradīhi tassā upakārako hutvā gamanakāle amma etesu assesu tava rucanakaṃ assaṃ gaṇhāhīti āha, sāpi asse oloketvā ekaṃ sindhavapotakaṃ disvā etaṃ me dehīti āha, vāṇijo amma eso sindhavapotako, appamattā hutvā paṭijaggāhīti vatvā taṃ paṭipādetvā agamāsi. Sāpi taṃ paṭijaggamānā ākāsaḡāmibhāvaṃ ṇatvā sammā paṭijagganti evaṃ cintesi, puññakaraṇassa me sahāyo laddhoti, agatapubbāca me bhagavato samāraṃ mārabalaṃ vidhametvā buddhabhūtaṃ jayamahābodhibhūmi, yannūnāhaṃ tattha gantvā bhagavato jayamahābodhim vandeyyanti cintetvā ba hū rajatasuvaṇṇamāḷādayo kārapetvā ekadivasaṃ assa mabhiruyha ākāseṇa gantvā bodhimālake ṭṭatvā āgacchantuayyā suvaṇṇamāḷā pūjetuṃti ugghosesi. Tenettha.

4. Yato paṭṭhāyaḥaṃ buddha, sāsane suddhamānasā;

Pasannā tena saccena, mamānuggahabuddhiyā.

5. Āgacchantu namassantu, bodhiṃ pūjentu sādhuḥkaṃ;
Soṇṇamālāhi sambuddha, puttā ariyasāvaka.
6. Sutvā taṃ vacanaṃ ayyā, bahū sīhaḷavāsino;
Āgamma nabhasā tattha, vandim̐ suca mahimsucāti.

Tato ppatuti sā kumārikā buddhasāsane atīva pasannā niccaveva assa mabhiruyha āgantvā ariyehi saddhiṃ mahābodhiṃ suvaṇṇamālāhi pūjetvā gacchati, atha pāṭaliputtanagaropavane vanacarā tassā abhiṇṇhaṃ gacchantiyā ca āgacchantiyā ca rūpasampattiṃ disvā rañño kathesuṃ. Mahārāja evarūpā kumārikā assa mabhiruyha āgantvā nibaddhaṃ vanditvā gacchati. Devassānurūpā aggamaheṣī bhavitunti, rā jā taṃ sutvā tenahi bhāṇe gaṇhatha naṃ kumāriṃ, mama aggamaheṣiṃ karomīti purise payojesi, tena payuttapurisā bodhipūjaṃ katvā āgacchantiṃ gaṇhāmāti tattha nilīnā gahaṇasajjā aṭṭhaṃsu, tadā sā kumārikā assa mabhiruyha mahābodhimaṇḍaṃ gantvā vītarogehi saddhiṃ pupphapūjaṃ katvā vanditvā nivatti, atha tesu eko dhammarakkhita ttheronāma tassā eva māha, bhagini taṃ antarāmagge corā gaṇhitukāmā ṭhitā, asukaṭṭhānaṃ patvā appamattā sīghaṃ gacchāti, sāpi gacchantī taṃ ṭhānaṃ patvā corehi anubandhitā assassa paṇhiyā saññaṃ datvā pakkāmi, corā pacchato pacchato anubandhiṃsu. Asso vegaṃ ja ne tvā ākāsa mullaṅghi, kumārikā vegaṃ sandhāretuṃ asakkontī assassa piṭṭhito parigalivā patantī mayā katūpakāraṃ sara puttāti āha, so patantiṃ disvā vegenā gantvā piṭṭhiyaṃ nisīdāpetvā ākāsaṃ netvā sa ka ṭṭhā ne yeva patiṭṭhāpesi. Tasmā.

7. Tiracchānagatāpevaṃ, sarantā upakāraṃ;
Na jahantīti mantvāna, kataññū hontu paṇinoti.

Tato sā kumārikā sattā sītikotiḍhanaṃ buddhasāsaneyeva cajitvā yāvajīvaṃ sīlaṃ rakkhitvā uposathakammaṃ ka tvā ta to cutā sutta ppabuddho viya devaloke nibbattīti.

8. Atitaruṇavayā bho mātuḡāmāpi evaṃ,
Vividhakusalakammaṃ katva saggaṃ vajanti;
Kusalaphalamahantaṃ maññaṃānā bhavantā,
Bhavatha katha mupekkhā dānamānādikamme.

Buddheniyā vatthuṃ catutthaṃ.

5. Ahituṇḍikassa vatthumhi ayamānupubbikathā

Imasmiṃ kira bhaddakappamhi amhākaṃ kira bhagavato pubbe kassaponāma sathā loke uppajjitvā sadevakaṃ lokaṃ saṃsārasāgarā tāretvā sabbabuddhakiccāni niṭṭhapetvā atthaṃ gato divasakaroviya setabyamhi anupādisesāya nibbāṇadhātuyā parinibbāyi, tadā sakalajambudīpavāsino manussā sannipatitvā ekekaṃ suvaṇṇiṭṭhakaṃ koṭiagghanaṃ ratanaviccittāṃ bahicinanatthāya ekekaṃ aḍḍhakoṭiagghanaṃ abhantarūpapūraṇatthaṃ manosilāya mattikākiccaṃ karontā yojanabbedhaṃ thūpaṃ katvā mahantaṃ sakkāraṃ karonti. Tadā eko ahituṇḍiko gāmanigamarājadhānīsū sappe kīlāpetvā jīvikaṃ kappento ekaṃ gāmaṃ patvā tattha sappe kīlāpetvā santuṭṭhehi gāmaṃvāsīhi dinnavividhopāyano khādanīyabhojanīyaṃ khā di tvā bhūñjitvā tattheva nivāsaṃ gaheṭvā nisīdi. Tasmīṃ kira gāmake manussā yebhuyyena ratanattayamāmakā. Tasmā te rattibhāge sayantā “namo buddhāyāti” evamādiṃ vadanti. So pana ahituṇḍiko micchādiṭṭhiko tiṇṇaṃ ratanānaṃ guṇaṃ na jānāti. Tasmā tesāṃ taṃ vacanaṃ sutvā sayampi ke ḷiṃ kurumāno parihasavasena “namo buddhāyāti” vadati, athekadivasāṃ so attano kīlāpanasamatthaṃ ekaṃ sappāṃ bhattha tattha pariyesamāno āhiṇḍati. Tadā eko nāgarājā kassapadasabalassa thū paṃ ga ntvā vanditvā ekaṃ vammikaṃ pavasati. Taṃ di svā ahituṇḍiko vegenā gantvā nāgarājaṃ gaṇhituṃ mantāṃ parijapi, so mantāṃ sutvā kujjhitvā taṃ māretukāmo anubandhi, taṃ di svā ahituṇḍiko ve ge na palāyanto ekasmiṃ pāsāṇe pakkhalitvā patamāno pubbevuttaparihasā vacanapariyayena “namo buddhāyāti” vadanto pati. Tassa taṃ vacanaṃ anubandhantassa nāgarañño

sotapathe amatamviya pati. Atha so ratanattayagāravena tasmim kodham nibbāpetvā samma mā bhāyi. Aham ratanattayamantānubhāvapāsena baddho. Tasmā tu vaṃ ḍasitum mayham ananurūpaṃ. Ajja ta yi pasannomhi, paṇṇākāraṃ tedammi, gaṇhāti tīṇi suvaṇṇapupphāni adāsi. Evaṃ ratanattayaṃ nāma ghorāsivisānampi sappānaṃ manam piṇeti. Honti cettha.

1. Buddhoti vacanaṃ seṭṭhaṃ, buddhoti pada muttamam;
Natthi tena samaṃ loke, aññaṃ sotarasāyanaṃ.
2. Dhammotivacanaṃ seṭṭhaṃ, dhammoti padamuttamam;
Natthi tena samaṃ loke, aññaṃ sotarasāyanaṃ.
3. Saṅghoti vacanaṃ seṭṭhaṃ, saṅghoti padamuttamam;
Natthi tena samaṃ loke, aññaṃ sotarasāyanaṃ.
4. Tassa mukhaṃ mukhaṃ nāma, yaṃ vattati mukhe sadā;
Dullabhaṃ buddhavacanaṃ, sabbasampattidāyakaṃ.
5. Tassa mano mano nāma, yaṃ ce manasi vattati;
Dullabhaṃ buddhavacanaṃ, sabbasampattidāyakaṃ.
6. Tameva kavacaṃ dehe, tameva maṇi kāmado;
Tameva surabhī dhenu, tameva surapādapo.
7. Tasseva sotaṃ sotaṃva, yaṃ suṇāti jano ayaṃ
Dullabhaṃ buddhavacanaṃ, sabbasampattidāyakaṃ.
8. Evaṃ vidho rago ghero, haḷāhaḷaviso sadā;
Buddhoti vacanaṃ sutvā, santuṭṭho dāsi jīvitam.
9. Soṇṇapupphattayaṃcāpi, mahagghaṃ bahalaṃ adā;
Passa buddhoti vācāya, ānubhāvamahantatanti.

Atha nāgarājā tassa tāni suvaṇṇapupphāni datvā evamāha. Samma etesu ekaṃ tava puññattāya ekaṃ mama puññattāya pūjehi. Itarena yāvajīvaṃ sukhena jīvanto puttadāre posento dānādīsu appamajjanto jīvikam kappehi. Mā hīnakamme byavaṭo hohi, micchādiṭṭhiṅca pajahāti ovaditvā pakkāmi. Ahituṇḍikopi somanassappatto tena vuttanayeneva dvihi pupphehi cetiyam pūjetvā ekena sa ha ssaṃ labhitvā te na puttadāre posento kapaṇaddhikavaṇibbakādīnaṃ dānaṃ dento ahituṇḍikakammaṃ pahāha kusalameva upacinanto āyupariyosāne saggaparāyano ahoṣi.

10. Iti aviditasatto kiñci buddhānubhāvaṃ,
Labhati dhanavisesaṃ yassa nāmappakāsā;
Viditajananikāyo kinnu tassānubhāvaṃ,
Na lapati jinanāmaṃ kicca maññappahāyāti.

Ahituṇḍikassa vatthum pañcamaṃ.

6. Saraṇattherassa vatthumhi ayamānupubbīkathā

Sāvattiyam kira sumano nāme ko gahapati ahoṣi. Tassa bhariyā sujampatikā nāma. Te agāraṃ ajjhāvasantā aparabhāge puttaṃca dhītaraṃca labhiṃsu. Atha tesam daharakāleyeva mātāpitaro kalam karontā jeṭṭhakampakkositvā mayaṃ putta tuvaṃ patirūpe ṭhāne nivesitum nāsakkhimha, yaṃ no ghare vibhavaṃ, sabbam taṃ gaṇha. Imāyaca te kaṇiṭṭhikāya vuddhiṃtvameva jānāhīti vatvā jeṭṭhakassa hatthe kaṇiṭṭhikāya hattham ṭhapetvā kalamakamsu. Atha so mātāpitunnam accayena āḷāhanakiccaṃ katvā vasanto kālantarena kaṇiṭṭhikaṃ patirūpena kulena sambandhitvā sayampi dārapariggahamakāsi. Athāparabhāge tassa kaṇiṭṭhikā gabbhinī hutvā ekadivasaṃ sāmikaṃ āha, sāmi

mama bhātaraṃ daṭṭhukāmāmhīti. Sopi sādhu bhaddeti anurūpena paṇṇākārena tāya saddhiṃ nikkhami. Tadā pana bhagavā sunivattho supāruto bhikkhusaṅghaparivuso piṇḍāya nagaraṃ pāvīsi chabbaṇṇaghanabuddharaṃsiyo vissajjento, ta to te bhagavantaṃ disvā pasannacittā pañcapatiṭṭhitena vanditvā aṭṭhaṃsu, atha sattā tesāṃ jayampatikānaṃ upanissayasampattimdisvā te saraṇesuca sīlesuca patiṭṭhāpetvā evamāha, kadāci vo dukkhe uppanne tathāgato anussaritabboti. Tathāhi.

1. Yaṃkiñci bhayamuppannaṃ, rājacorādisambhavaṃ;
Tadā sareyya sambuddhaṃ, nicchantota dupaddavaṃ.
2. Yaṃ ve upaddavaṃ hoti, yakkhapetā disambhavaṃ;
Tadā sareyya sambuddhaṃ, nicchanto tadupaddavaṃ.
3. Sīhabyagghataracchādi, puṇḍarīkādisambhavaṃ;
Tadā sareyya sambuddhaṃ, nicchanto tadupaddavaṃ.
4. Yamātapaggi vātādi, udakāsanisambhavaṃ;
Tadā sareyya sambuddhaṃ, nicchanto tadupaddavaṃ.
5. Pajjarādīhi rogehi, visamo tuhisambhavaṃ;
Tadā sareyya sambuddhaṃ, nicchanto tadupaddavaṃ.
6. Maccunā ce yadā yuddhaṃ, kare tenāpi jantunā;
Saritabbo tadā buddho, patthentenattano jayanti.

Tato te bhagavato vacanaṃ paṭinanditvā vanditvā agamaṃsu. Atha jeṭṭhako āgate te disvā yathānurūpaṃ sakkāra makāsi. Tassā sāmiko katipāhaṃ tattha vasitvā bhariyaṃ jeṭṭhakassa paṭipādetvā mama gāme kiccaṃ atthīti vatvā pakkāmi. Athassā bhātā bhariyaṃ pakkositvā āha bhaddhe imissā sabbaṃ kattabbaṃ karohīti. Sā tato paṭṭhāya tassā udakanna pānā dinā veyyāvaccam kurumānā etissā hatthapādagīvūpagesu ābharaṇesu lobhaṃ uppādetvā taṃ vūpasametum asakkontī āhārū pacchedaṃ katvā gilānāvīya mañcakaṃ upagūhitvā nīpati. Atha so gehaṃ gantvā taṃ tathā sayitaṃ disvā mañcake nisinno kiṃ bhaddhe aphāsukanti pucchi, sā tuṇhī hutvā katipayavāre pucchitā na sakkā kathetunti āha. Puna sāmikena gālhaṃ nibandhite sā cintesi, ujukaṃ mayā tassā piḷandhanaṃ patthemīti vutte na ppatirupaṃ, tassā pañcamadhura maṃsaṃ patthemīti vutte taṃ māressati, tadā piḷandhanāni mayhamevāti, tato sāmī tava kaṇiṭṭhikāya pañcamadhuramaṃsaṃ patthemī, alabhamānāya me jīvitaṃ natthīti āha, taṃ sutvā so anekapariyāyena manussamāraṇaṃ nāma bhāriyanti vatvā nivārentopī nivāretum nāsakkhi, atha tāya paṭibaddhacitto kāmamucchito mohamūlho hutvā sādhu labhissasīti tassā vacanaṃ sampañcchi. Tathāhi.

7. Hāyanti idhalokatthā, hāyanti pāralokikā;
Hāyanti mahatā atthā, ye itthīnaṃ vasaṅgatā.
8. Esā mātā pitā eso, bhaginī bhātaro ime;
Garutabbe na jānanti, ye itthīnaṃ vasaṅgatā.
9. Kāraṇākāraṇantetaṃ, kattabbaṃvā na vā idaṃ;
Kāmandhattā na jānanti, ye itthīnaṃ vasaṅgatā.
10. Pāṇaṃ vā atipātentī, hontī vā pāradārikā;
Bhāsanti alikaṃ vācaṃ, ye itthīnaṃ vasaṅgatā.
11. Sandhicchedādikaṃ theyyaṃ, majjapānaṃca pesunaṃ;
Karonti sāhasaṃ sabbaṃ, ye itthīnaṃ vasaṅgatā.
12. Aho acchariyaṃ loke, sarantānaṃ bhayā vahaṃ;

Bhariyāya vasaṃ gantvā, sodariṃhantumicchātī.

Atha so sāhasiko puriso bhagini eva māha, ehi amma amhākaṃ mātāpitunnaṃ iṇaṃ sādheṣāma, appevanāma no disvā iṇāyikā iṇaṃ dassantīti, taṃ sutvā tāya sampaṭicchite sukhayānake nisīdāpetvā iṇāyikānaṃ gāmaṃ gacchanto viya mahātaṇḍavimpatvā yānaṃ maggā okkamma ṭhapetvā viravantimeva naṃ hatthe gahetvā chindissāmīti cintetvā kese gahetvā bhūmiyaṃ pātesi, tasmim̐ khaṇe tassā kammajavātā calim̐su. Sā bhātulajjāya sāmi kammajavātā me calim̐su, yā vā haṃ vijāyāmi, tāva upadhārehīti vadantīpi apanetuṃ asakkontī puttāṃ vijāyī, atha so taṃ samīpe vaṭarukkhamūle māressāmīti cikure gahetvā ākaḍḍhi, tasmim̐ kāle sā sāmi tava bhāgineyyassa mukhaṃ oloketvā tassa sinehenāpi maṃ na mārehīti vadantī yāci, atha so kakkhaḷo tassā taṃ kāruṇikavacanaṃ asuṇanto viya māretuṃ ussahateva, tato sā kumārīkā attano asaraṇā cintesi, mama saddenā gantvā yo koci mama bhātu anayaṃ kareyya, taṃ na ppatirūpanti bhātusinehena nissaddā attanā gatitasaraṇaṃ āvajjamānā nipajji, athassā bhā ta ri mettānubhāvenaca anussaritasaraṇānubhāvenaca tasmim̐ nigrodhe adhivatthā devatā evarūpo mātugāmo ettha māritā abhavissā, addhāhaṃ devasamāgamaṃ pavisitūṃ na labhissāmīti cintetvā etissā sā mi ko viya taṃ ta jje tvā palāpetvā tvaṃ mā bhāyīti samassāsetvā yā na ke sa pu ttaṃ kumārīṃ nisīdāpetvā taṃ divasameva sāvattimāgama antonagare sā lā ya naṃ nipajjāpetvā antaradhāyī. Tathāhi.

13. Sabbasampattidātāraṃ, sabbalokekanāyakaṃ;
Manasāpi yo vibhāveti, taṃ ve pārenti devatā.
14. Muhuttampica yo mettaṃ, bhāveti yadi sādhuṃ;
Taṃ ve pārenti devāpi, tosayanti upāyanāti.

Tato tassā pana sāmiko nagarā nikkhamma gacchanto attano bhariyaṃ disvā tvaṃ kadā āgatā, kenānītāsīti pucchi. Sā devatāya ānītābhāvaṃ ajānantī kiṃ tvaṃ bhaṇasi, nanu tayā ānītāmhīti, sopi kiṃbhoti bhaṇasi, tava bhātugāme diṭṭhakālato ppatuti ajja cattāro māsā jātā, ettakaṃ kālaṃ tvaṃ na diṭṭhapubbā, kathaṃ tvaṃ mayā saddhimāgatāti pucchi. Sā taṃ sutvā tenahi māññassa imaṃ rahassaṃ kathehi sāmīti vatvā bhā ta rā attano kataṃ sabbāṃ vitthārena katesi. Taṃ sutvā tassa sāmiko saṃviggo bhayappatto hutvā taṃ attano gehaṃ pāpesi, tato katipāhaṃ tāya vissamite te ubhopi sathhāraṃ nimantetvā mahādānaṃ datvā vanditvā ekamante nisīdim̐su, atha sā bhagavato saraṇasīlānubhāvena attano jīvitapaṭilābhaṃ pakāsetvā attano puttāṃ bhagavantaṃ vandāpetvā saraṇotināmamaṃsu, sathhā te saṃ ajjhāsayaṃ ñatvā tadanurūpaṃ dhammaṃ desesi, desanāvasāne ubhopi sotāpannā ahesuṃ, athassā putto saraṇakumāro vīsatime vasse buddhasāsane pabbajitvā vipassanaṃ vaḍḍhetvā arahattaṃ patto saraṇattheronāma paññāyīti.

15. Khaṇamapi manasevaṃ devadevaṃ sarantā,
Paramatarapatiṭṭhaṃ pāpuṇantīti mantvā;
Bhavagati guṇarāsīṃ jānamānā janā bho;
Bhajatha saraṇasīlaṃ sabbathā sabbakālanti.

Saraṇattherassa vatthuṃ chaṭṭhamāṃ.

7. Vessāmittāya vatthumhi ayamānupubbīkathā

Jambudīpe kira kosambinagare kosambirañño vessāmittānāma aggamahesī ahoṣi. Tadā bhagavā kosambiyaṃ paṭivasati mahatā bhikkhusaṅghena saddhim̐ cārikaṃ caramāno. Tasmim̐ samaye sā rañña saddhim̐ vihāraṃ gantvā anopamāya buddhalīlāya madhurena sarena desentassa bhagavato dhammaṃ sutvā pasannā saraṇesu paṭiṭṭhāya buddhamāmikā hutvā viharati. Athā parabhāge tassa rañño rajjathāya paccantarājā yuddhasajjo rajjaṃ vā detu, yuddhamvāti paṇṇaṃ paṇiṇi. Taṃ sutvā rājā mahatiyā senāya parivuto yuddhabhūmiṃ gacchanto mahesiyā saddhim̐ gantvā khandhāvāraṃ nivāsetvā tassā evamāha. Bhadde saṅgāmasīse jayaparājayo nāma na sakkā viññātuṃ. Sace me parājayo abhavissa, puretameva rattapatākaṃ ussāpessāmi, tena abhiññānena tvaṃ kosambimeva gacchāhīti anusāsītvā saṅgāma maṇḍalaṃ gantvā mahāraṇaṃ karonto attano parājāyabhāvaṃ ñatvā mātugāmaṃ saritvā rattaddhaṃ ussāpetvā yujjhanto raṇe pati. Atha sā rattapatākaṃ disvā parājito

nūna me sāmikoti bhayena palāyitumārabhi. Atha taṃ corarañño manussā disvā nūnāyaṃ rañño aggamaheṣīti ñatvā attano rājānaṃ dassesuṃ, rājā taṃ disvā paṭibaddhacitto mametaṃ abhisekaṃ karoṭhāti amacce āṇāpesi. Amaccā taṃ abhisekatthāya yāciṃsu, sā na me bhāṇe abhisekenatthoti na icchi. Amaccā tamatthaṃ rañño ārocesuṃ. Rājā naṃ pakkosāpetvā kasmā na icchasīti pucchi. Sā evamāha.

1. Suṇohi sādhukaṃ deva, bhāsamānāya me vaco;
Bhattā mayhaṃ mato ajja, sabbasampattidāyako.
2. Katvāna sobhisekaṃ maṃ, attano hadayaṃ viya;
Pāleti taṃ sarantassā, sokaggi dahate maṃ.
3. Mahārāja sacaññassa, assa maggamahesikā;
Tamhā dukkhā na muccāmi, tenāhaṃ taṃ na patthaye.
4. Sokagginā padittāhaṃ, soke sokaṃ kathaṃ khipe;
Jalantaggimhī ko nāma, palālaṃ pakkhipe budho.
5. Piyavippayogadukkhaṃ, taṃ cintayantī punappunaṃ;
Tamhā dukkhā na muccāmi, tasmāhaṃ taṃ na patthayeti.

Taṃ sutvā rājā kodhenābhibhūto sace nābhisiñcissasi, aggimhi taṃ pakkhipissāmīti vatvā mahantaṃ dārucitakaṃ kārapetvā aggim datvā ekapajjote jāte etta pavisāti āha. Atha sā yācantī rājānaṃ āha.

6. Pāpo nippāpinaṃ rāja, pātanaṃ khalu pāvake;
Hoti pāpaphalaṃ tassa, paccatteca paratthaca.
7. Purātanehi bhūpāla, samaṇabrahmaṇesuca;
Mātāpitusu bālesu, rogenā turaitthisu;
Nappasattho vadho deva, tasmāhaṃ na vadhārahāti.

Taṃ sutvāpi rājā asaddahanto manusse āṇāpesi. Etāya hatthapāde gahetvā aggimhi pakkhipathāti te tathā karimṃsu, atha sā aggimhi pakkhipamānā natthettha me koci paṭisaraṇoti saraṇameva saraṇaṃ karomīti cintetvā “buddhaṃ saraṇaṃ gacchāmi, dhammaṃ saraṇaṃ gacchāmi, saṅghaṃ saraṇaṃ gacchāmīti” vadantī manasāca anussarantī aggimhi pati, tathāvidhopi aggi tassā sarīre lomakūpamattampī uṇhākāraṃ kātuṃ nāsakkhi. Padumagabbhaṃ pavittā viya sītibhūtasarīrā ahoṣi. Rājā taṃ acchariyaṃ disvā saṃviggo lomahaṭṭhajāto vegena taṃ upasaṅkamitvā ubhoṃ hatthehi paggayha ure nipajjāpetvā rājāsane nisīdāpetvā añjalim gaggayha ṭhito kasmā te taṃ aggi sarīraṃ mā paridahīti pucchi. Sā taṃ kāraṇaṃ kathentī eva māha.

8. Mātā pitāca ñātīca, parivārāca sohadā;
Manto sadhādayocāpi, mahesakkhāca devatā.
9. Eteca ññeca bhūpāla, sattānaṃ bhaya māgate;
Rakkhituṃ neva sakkonti, hitvāna saraṇattayaṃ.
10. Agāhaṃ buddhaṃ saraṇaṃ, buddho me saraṇaṃ iti;
Tena tejena maṃ rāja, jalanto aggi no dahi.
11. Agāhaṃ dhammaṃ saraṇaṃ, dhammo me saraṇaṃ iti;
Tena tejena maṃ rāja, jalanto aggi no dahi.
12. Agāhaṃ saṅghaṃ saraṇaṃ, saṅgho me saraṇaṃ iti;
Tena tejena maṃ rāja, jalanto aggi no dahi.

13. Evaṃ mahānubhāvantaṃ, paccakkhaṃ ehipassikaṃ;
Nāno paddava viddhaṃsiṃ, nānāsampattidāyakaṃ.
14. Saraṇattayañhi yo satto, na samādāya gaṇhati;
Idhavā paratthavā loke, so sukhaṃ nānubhossati.
15. Saraṇattayañhi yo satto, susamādāya gaṇhati;
Idhavāparatthavā loke, so sukhā na vihāyati.
16. Tasmā tuvampi bhūpāla, gaṇhāhi saraṇattayaṃ;
Taṃ te bhavati sabbattha, tāṇaṃ leṇaṃ parāyaṇanti.

Taṃ sutvā rājā ativiya pasannamānaso taṃ khamāpetvā mahantaṃ sakkārasammānaṃ katvā ajjappaṭṭhāya tvaṃ mama mātāti taṃ mātuṭṭhāne ṭhapetvā saraṇa magamaṃsi. Tasmim̃ sannipatitvā ṭhitamahājanā taṃ pāṭihāriyaṃ disvā saraṇesuca sīlesuca paṭiṭṭhāya dānādīni puññakammaṃ katvā yathākammaṃ gatāti.

17. Iti saraṇavaraṃ sā kevalaṃ uggahetvā,
Jalitadahanamajjhe sītibhāvaṃ alattha;
Paramasaraṇasīlaṃ pālayantā kathaṃ vo,
Na labhatha bhavabhogaṃ nibbutiñcāpi anteti.

Vessāmittāpa vatthum sattamaṃ.

8. Mahāmandhātuvatthumhi ayamānupubbīkathā

Ito kira ekanavutikappamatthake vipassīnāma sammāsambuddho loke uppajjitvā pavattavaradhammacakko sadevakehi lokehi pūjyamāno bandhumatīnagare paṭivasati. Tadā so mandhātā tasmim̃ nagare tunnakāro hutvā nibbatti. Tunnakārakammaṃ jīvikaṃ kappento viharati. Tadā sakalanagaravāsino buddhapamukhaṃ bhikkhusaṅghaṃ nimantetvā mahādāna madamsu. Atha so evaṃ cintesi, sabbepime nagaravāsino dānaṃ dadanti. Ahamekova seso duggatattā, yajjāhamajja bījaṃ na ropemi, imamhā dukkhā na parimuccissāmīti. So vegena tunnakārakammaṃ pariyesitvā kiñcimūlaṃ labhitvā tena ekassāpi dānaṃ dātuṃ okāsa maladdhā āpaṇaṃ gantvā rājamāsake gahetvā caṅkoṭakaṃ pūretvā ādāya buddhapamukhassa bhikkhusaṅghassa bhattagaṃ gantvā ṭhito evaṃ cintesi, natthi dāni okāsaṃ ekassāpi bhikkhuno patte okirituṃ, addhāhaṃ ime ākāse vikirissāmīti appevanāma patamānānaṃ ekassāpi bhikkhuno patte ekampi pateyya, taṃ me bhavissati dīgharattaṃ hihāya sukhāyāti pasannamānaso uddhaṃ khiṃpi, ta to patamānā te parivārikadevatānaṃ bhagavato ānubhāvenaca bahi apatitvā bhagavantamādiṃ katvā sabbesaṃ bhikkhūnaṃ patteyeva patimsu. Atha so taṃ acchariyaṃ disvā pasannamānaso sirasi añjaliṃ paggayha ṭhito evaṃ patthanamakāsi.

1. Iminā me adhikārena, pasādena yatissare;
Kāmabhogīnaṃ aggo, bhaveyyaṃ jātijātiyaṃ.
2. Paharivā yadā pāṇiṃ, olokemi nabhotalaṃ;
Sattaratanasampannaṃ, vassaṃ vassatu sabbadāti.

So tato paṭṭhāya devamanussesu saṃsaranto mahantaṃ dibbasampattiṃ anubhavitvā imasmim̃ bhaddakappe ādimhi mahāsammato nāma rājā ahoṃsi. Tassa putto rojo nāma. Tassa putto vararojo nāma, tassa putto kalyāṇo nāma, tassa putto varakalyāṇo nāma. Varakalyāṇassa putto uposatho nāma. Uposathassa putto mandhātā nāma hutvā nibbatti. So sattaḥ ratanehi catūhi ca iddhīhi samannāgato cakkavattirajjaṃ kāresi, tassa vāmahatthaṃ sammiñjitvā dakkhiṇatthena appoṭṭhite ākāsaṃ dibbameghā viya jaṇṇuppannaṃ sattaratanavassaṃ vassati. Evarūpo acchariyo ahoṃsi. So caturāsītivassasahassāni kumārakīḷaṃ kīḷi. Caturāsītivassasahassāni oparajjaṃ kāresi. Caturāsītivassasahassāni cakkavattirajjaṃ kāresi, āyu panassa asaṅkhyeyaṃ ahoṃsi. So ekadivasaṃ kāmataṇhaṃ pūretuṃ asakkonto ukkaṇṭhitākāraṃ dassesi, amaccā deva kinnakho ukkaṇṭhā sīti

pucchiṃsu. So bhaṇe mayhaṃ puññakamme olokiyamāne imaṃ rajjaṃ nappahoti, katarannu kho ṭhānaṃ ramaṇīyanti. Devaloko mahārājāti. So cakkaratanaṃ abbhukkiritvā parisāya saddhiṃ cātumahārājikadevalokaṃ agamāsi, athassa cattāro mahārājāno dibbamālagandha- hatthā devagaṇaparivutā paccuggamaṇaṃ katvā taṃ ādāya cātumahārājikadevalokaṃ gantvā rajjaṃ adāṃsu, tassa parisāya parivutassa tasmiṃ rajjaṃ karontassa dīgho addhā vītivatto. So tatthapi taṇhaṃ pūretu masakkonto ukkaṇṭhitā kāraṃ dassesi. Tato cattāro mahārājāno kinnukho mahārāja ukkaṇṭhitoti pucchiṃsu. Imamahā devalokā katarannu kho ṭhānaṃ ramaṇīyanti, deva paresaṃ upaṭṭhākamanussasadisā mayaṃ. Tāvatiṃsadevaloko ito satagaṇena ramaṇīyoti. Mandhātā cakkaratanaṃ abbhukkiritvā attano parisaparivuto tāvatimsābhimukho pāyāsi, athassa sakko devarājā dibbamālagandhahattho devagaṇaparivuto paccuggamaṇaṃ katvā taṃ hatthe gahetvā ito ehi mahārājāti āha. Tato rañño devagaṇaparivutassa gamanakāle pariṇāyakarataṇaṃ cakkaratanaṃ ādāya saddhiṃparisāya manussapathaṃ otarivā attano gharaṃ pāvīsi. Sakko mandhātuṃ sakkabhavanaṃ netvā devatā dve koṭṭhāse katvā attano rajjaṃ majjhe bhindivā adāsi. Tato paṭṭhāya dvepi rājano rajjaṃ kāresuṃ. Evaṃ kāle gacchante sakko saṭṭhisatasahasādhikāni tissoca vassakoṭṭiyo āyuaṃ khepetvā cavi. Añño sakko nibbatti, sopi tatheva devarajjaṃ kāretvā āyukkayena cavi, etenu pāyena chattiṃsa sakkā caviṃsu, mandhātā pana manussaparihārena devarajjaṃ kāresiyeva, tassevaṃ kāle gacchante bhīyyoso mattāya kāmataṇhā uppajji, so kimme upaḍḍharajjena. Sakkaṃ māretvā ekarajjaṃ karissāmīti cintesi. Sakkaṃ pana māretuṃ na sakkā, kāmataṇhā panesā vipattimulā. Tathāhi.

3. Varamatra sukhantyaatra, atricchāvihato naro;
Idhavā paratthavā kiñci, na sātamaṃ vindate sadā.
4. Taṇhāya jāyate soko,
Taṇhāya jāyate bhayaṃ;
Taṇhāya vippamuttassa,
Natthi soko kuto bhayaṃ.
5. Taṇhādāso naro ettha, rājacorādisambhavaṃ;
Hattacchedādikaṃ dukkhaṃ, pāpuṇāti vihaññati.
6. Yena lobhena jātena, sadā jīyanti pāṇino;
Khettaṃ vatthuṃ hiraññaṃca, gavāssaṃ dāsaporisaṃ;
Sabbatthāmena so lobho, pahātabbova viññunāti.

Tato atricchāvihatassa tassa āyusaṅkhāro parihāyi, jarā sarīraṃ pahari, manussasarīrañhi nāma na devalokebhijjati, tatha so devalokā bhassitvā bandhumatīnagaruyyānaṃ pāvīsi, uyyānapālo tassa āgatabhāvaṃ rājakulaṃ nivedesi. Rājā rājakulā āgantvā uyyāneyeva āsanaṃ paññāpesi. Tato mandhātā uyyāne paññattavarāsane nipanno anuṭṭhānaseyyaṃ kappesi. Tato amaccā deva tumhākaṃ parato kinna kathesāmāti pucchiṃsu, mama parato tumhe imaṃ sāsanaṃ mahājanassa katheyyātha, mandhātumahārājā dvisahassadīparivāresu catūsu mahādīpesu cakkavattirajjaṃ kāretvā cātumahārājikesu rajjaṃ kāretvā chattiṃsasakkānaṃ āyuparimāṇena devaloke rajjaṃ kāretvā kālamakāsīti. So evaṃ vatvā kālamakatvā yathākamamaṃ gatoti imamatthaṃ pakāsetuṃ bhagavā cātumahāparisamajjhe imā gāthāyo āha.

7. Yāvatā candimasuriyā, pariharanti disā bhanti virocanaṃ;
Sabbeva dāsā mandhātā, ye pāṇā pathavinissitā.
8. Na kahāpaṇavassena, titti kāmesu vijjati;
Appassadā dukhā kāmā, iti viññāya paṇḍito.
9. Api dibbesu kāmesu, ratimso nādhigacchati;
Taṇhākkhayarato hoti, sammāsambuddhasāvakoti.

Taṃ sutvā bahū sotāpattiṃphalādīni pāpuṇiṃsūti.

10. Iti gatiniyatānaṃ bodhiyā uttamānaṃ;
Sakavasamupanetvā deti dukkhātitaṇhā;
Aniyatagatikānaṃ kā kathā mādisānaṃ;
Jahatha tamiti mantvā bho bhajavho tivatthumti.

Mahāmandhātuvatthum aṭṭhamam.

9. Buddhavammavāṇijakavatthumhi ayamānupubbikathā

Jambudīpe kira pāṭaliputtanagare buddhavammo nāma vāṇijako ahosi vāṇijakakammena jīvamāno. So aparabhāge satthavāhehi saddhiṃ gāmanigamajanapada rājadhānīsu vāṇijjaṃ payojayamāno vicarati, tasmim samaye bhagavānekabhikkhusahassaparivuto janapadacārikaṃ carati bahū devamanusse saṃsārakantārā uttārento. Tadā so bhagavantaṃ addasa dvattiṃsalakkhaṇānubyañjanapatimaṇḍitaṃ jalamānasuvaṇṇameruṃ viyavīrocamānaṃ mahābhikkhusaṅghaparivutaṃ, disvā paramapītiyā phuṭasarīro añjaliṃ paggayha bhagavantaṃ upasaṅkamitvā vanditvā sāyaṇhe bhagavantaṃ bhattena nimantesi buddhasāsane aparicitabhāvena. Athassa bhagavā vikālabhojanā paṭiviratā tathāgatāti āha. Atha so bhagavantaṃ vanditvā kiṃ bhante bhagavantaṃ vikāle bhuñjissanti, athassa katham paṭicca bhagavā aṭṭhavidham pānaṃ tathāgatānaṃ vikāle bhuñjitum kappati. Seyyathidaṃ, ambapānaṃ jambupānaṃ cocapānaṃ mocapānaṃ phārusakapānaṃ madhupānaṃ muddikapānaṃ sālūkapananti. Taṃ sutvā vāṇijo sahasakkārārasehi muddikapānaṃ katvā buddhapamukhassa bhikkhusaṅghassa adāsī, sabhikkhusaṅgho satthā paribhuttapānīyāraso tassa dhammaṃ desetvā janapadacārikaṃ pakkāmi. Sopi pasannamānaso hutvā nivatto saddhiṃ vāṇijakehi tesu tesu janapadesu vāṇijjaṃ payojento mahāvattaniyānāma kantāraṃ pāpuṇi, tatta tesam sabbesuyeva sakaṭesu pānīyaṃ parikkhayamagamāsī. Tattha sabbamanussānaṃca balīvaddānaṃca pānīyaṃ nāhosi. Atha so vāṇijo pipāsābhūto tesu tesu sakaṭesu pānīyaṃ pariyesanto vicarati. Athekasmim sakaṭe manussā taṃ disvā kāruṇṇena etthāgaccha, imasmim koḷambe thokaṃ pānīyaṃ atthi pivāti vadiṃsu. Ta to so gantvā pānīyaṃ pivi. Tassa taṃ rasaṃ muddikapānārasasadisam ahosi, pivantova so evaṃ cintesi. Sammāsambuddhassa tadā me dinnamuddikapānassa nissando ajja sampatto bhavissati accherabbhutatitto somanassajāto gantvā sayameva cāṭiyā pidhānaṃ vivari. Sakalāpi sā cāṭi muddikapānena paripuṇṇā ahosi. Tato so ra sava ntaṃ ojavantaṃ aparikkhayaṃ dibbapānasadisam pānīyaṃ disvā paramāya pītiyā phuṭasarīro ugghosesi sabbe pānīyaṃ pivantūti. Taṃ sutvā sabbe sannipatitvā pānīyaṃ disvā abbhutacittā jātā. Vāṇijo tesam majjhe buddhānubhāvaṃ pakāsento āha.

1. Passathedaṃ bhavanto bho, ānubhāvaṃ mahesino;
Acintaniyamaccheraṃ, sandiṭṭhika makālikam.
2. Pasannamanasā buddhe, dinnam pānīyakaṃ mayā;
Vipaccati idāneva, taṃ dānaṃ munivāhasā.
3. Ojavantaṃ sukhanamva, sītalam madhuro dakaṃ;
Dibbapānaṃva devānaṃ, jātamabbhutamakkhayaṃ.
4. Sīlavantesu ko nāma, na dadeyya vicakkhaṇo;
Idha loke paratteca, sukhadaṃ dāna muttamam.
5. Yathi cchitam gahetvāna, pivantu madhuro dakaṃ;
Bhājanānica pūretvā, yantu sabbe yathicchitanti.

Evañca pana vatvā sabbe manusseca balīvaddeca muddikaraseneva santappesi. Tato tato āgatāpi pānīyaṃ pivantova pānīyaṃ akkhayaṃ ahosi. Tato vāṇijo satthavāhehi saddhiṃ vāṇijjaṃ payojetvā sakanagaraṃ āgacchanto bhagavantaṃ passitvā gamissāmīti veḷuvanaṃ gantvā satthāraṃ vanditvā katānuñño ekamante nisīdi. Satthāpi tena saddhiṃ madhurapaṭisanthāramakāsī. Upāsakopi bhante tumhākaṃ pāṭihāriyaṃ disvā pasanno vanditvā gamissāmīti āgatomhi, evañce vañca pāṭihāriyanti vitthārena katesi. Athassa bhagavā dhammaṃ desesi. So dhammaṃ sutvāna satthāraṃ svātānāya

nimantetvā mahādānaṃ datvā attano gehameva agamāsi. So tato paṭṭhāya dānādīni puññāni katvā tato cuto devaloke dvādasayojanike kanakavimāne devaccharāparivuto devissariyasamannāgato nibbatti. Tassa pubbakammaapakāsanatthaṃ tattha tattha ratanabhājanesu dibbamayehi muddikapānehi paripuṇṇaṃ ahosi. Pānīyaṃ pivitvā devā naccanti vādenti kīḷantīti.

6. Na vipulajinasāraṃ jānamāno janevaṃ,
Labhati vipulabhogaṃ toyamattassa dānā;
Viditagunaṅgaṇā bho tīsu vatthūsu tumhe,
Labhatha khalu visesaṃ sīlavantesu dānāti.

Buddhavammavāṇījakassa vatthum navamaṃ.

10. Rūpadeviyā vatthumhi ayamānupubbīkathā

Atīte kira vipassissa bhagavato kāle tasmim nagare ekā gāmadārikā vihāre āhiṇḍantī ekaṃ gilānabhikkhuṃ disvā kampamānahadayā upasaṅkamitvā vanditvā bhante kote ābādho sarīraṃ pīḷetīti pucchi. Tenāpi bhagini kharābādho me pīḷetīti vutte sā tenahi bhante ahaṃ taṃ rogaṃ vūpasamessāmīti nimantetvā gehaṃ gantvā taṃ pavattim mātāpitunnaṃ kathetvā tehi anuññātā puna divase nānaggarasena bhesajjāhāraṃ sampādesi, tato so bhikkhu punadivase cīvaraṃ pārūpitvā bhikkhāya caranto tassā gehaṃ gantvā aṭṭhāsi. Sā theram āgataṃ disvā somanassajātā pattam gahetvā āsanaṃ paññāpetvā adāsi. Tattha nisinnaṃ taṃ āhārena sādhukaṃ parivisitvā sakkāra makāsi. Athassā saddhābalena bhuttamatteyeva so ābādho vūpasami. Tato so vūpasantarogo dutiyadivase tassā gehaṃ nā gamāsi. Atha sā vihāraṃ gantvā taṃ vanditvā kasmānāgatatthāti pucchitvā tena me bhagini byādhi vūpasami, tasmā nāgatosmīti vutte sā sādhu bhanteti somanassajātā gehameva agamāsi. Sā tena puññakammaena kālaṃ katvā devaloke nibbatti. Tassā tattha dvādasayojanikaṃ kanakavimānaṃ nibbatti. Sā tattha devissariyaṃ anubhavanti chabuddhantaram khetvā amhākaṃ bhagavato kāle jambudīpe devaputtanagare udiccabrahmaṅkule jeṭṭhabrahmaṅassa bhariyāya kucchimhi paṭisandhim gaṇhi, sā paripāka manvāya mātukucchito nikkhami. Tassā mātukucchito nikkhantakālato paṭṭhāya divase divase aṭṭhaṭṭhanālimattaṃ taṇḍulaṃ nibbattati. Tassā rūpasampattim disvā pasannā mātāpitāro rūpadevīti nāma makamsu. Pacchā taṃ patirūpena dārakena niyojesuṃ. Athassā taṇḍula- nālimattaṃ gahetvā pacituṃ āradhe icchiticchitamamsādībyañjanaṅja sappinavanīdadadhikīradīgorasaṅca jīramaricādīkaṭukabhaṅḍaṅca kadālipanasamadhugulādiupakaraṅca bhājanāni pūretvā nibbattati, tāya hatthena gahitaṃ kiñci khādanīyaṃ bhojanīyaṃvā pūtibhāvaṃ na gacchati, bhattukkhaliṃ gahetvā sakalanagaravāsino bhojentiyāpi ekakaṭacchumattaṃ bhattaṃ gahitaṭṭhānaṃ na paññāyati. Evaṃ aparikkhayapuññā ahosi, sakaladevaputtanagare candasuriyāva pākāṭā ahosi, atha sā pañcasatabhikkhū nimantetvā niccaṃ sakanivesaneyeva bhojeti, tadā tesam antare paṭisambhidāpatto mahāsaṅgharakkhitattheronāma imissā puññānubhāvaṃ dibbacakkhunā disvā na jānāti esā atthanaṃ pubbe katakammaṃ. Yannūnāhaṃ assā pakāseyyanti ekadivasaṃ tassā nivesane bhuñjitvā anumodanaṃ karonto jānāsi bhagini tayā pubbe katakammanti pucchi, na jānāmi bhante. Sotumicchāmīti, athassā so pubbakammaṃ pakāsentō.

1. Ekanavute ito kappe,
Vipassīnāma nāyako;
Ahoṣi loke lokeka,
Nāyako chinnabandhano.
2. Tadā tasmim pure ramme, āsi tvaṃ gāmadārikā;
Āhiṇḍantī vihārasmim, addakkhi jinasāvakaṃ.
3. Rogāturaṃ kisaṃ paṇḍuṃ, assasantaṃ muhuṃ muhuṃ;
Disvāna kampitā cittā, nimantetvāna taṃ munim.
4. Bhesajjaṅceva bhattaṅca, adā tvaṃ tena so yati;
Abyābādho anīghoca, ahoṣi anupaddavo.

5. Tato tvaṃ tena kammaṇa, sukateṇa tato cutā;
Jātāsi devalokasmiṃ, sabbakāmasamiddhinī.
6. Tattha te puññatejēna, pāsādo ratanāmayo;
Mañithūpisatākiṇṇo, kūṭāgārehi laṅkato.
7. Nekagabbhasatākiṇṇo, sayanāsanamaṇḍito;
Accharāsatasamkiṇṇo, naccagītādisamkulo.
8. Rambhāmbajambusannīra, pūgapunnāgapāṭalī;
Nāgāditarusaṇḍehi, maṇḍituyyānapantihi.
9. Padumuppakalāra, kundakānanamaṇḍite;
Madhumattālipālīhi, sārāsīsarasaṃkule.
10. Devaputtehi nekehi, tathā devaccharāhica;
Niccussave mahābhoge, vimāne mananandane.
11. Tvamevaṃ devalokamhi, vindamānā mahāyasam;
Addhānaṃ vītināmetvā, nibbute gotame jine.
12. Jambudīpe idāni tvaṃ, nibbattā udite kule;
Puññapaññāguṇāvāsā, rūpenaggā piyaṃvadā.
13. Etaṃ te devalokasmiṃ, devissariyamabbhutaṃ,
Imaṃ te idha lokasmiṃ, sabbaṃ mānusikaṃ sukhaṃ.
14. Vipassimunino kāle, tvaṃ tassekassa bhikkhuno;
Adā dānaṃ gilānassa, tassa taṃ phalamīdisaṃ.
15. Kātabbañhi sadā puññaṃ, icchantena sukhappadaṃ;
Tasmā tvaṃ sabbadā bhadde, ussukkā kusale bhavāti.

Evaṃ so tassa purimattabhāve katakammaṃ pakāsetvā idāni puññakamme appamādā bhavāti anusāsi. Sā therassa dhammadesanaṃ sutvā paramasomanassā tato paṭṭhāya dānādīsu niratā puññāni karontī teneva somanassena sotāpannā ariyasāvīkā ahoṣīti.

16. Iti taruṇakumārī puññakammesu sāraṃ,
Aviditagūṇamattā datva bhikkhussa dānaṃ;
Divimanujasukhaṃ sālatta tumhe bhavantā,
Viditakusalapākā kiṃ na labbhettha santiṃ.

Rūpadeviyā vatthum dasamaṃ.

Dhammasoṇḍakavaggo pathamo.

Nandiyarājavaggo

11. Nandiyarājassa vatthumhi ayamānupubbīkathā

Ito kira kappasatasahassamatthake padumuttaro nāma satthā loke udapādi sadevakaṃ lokaṃ saṃsārakantārā uttārento. Tasmīṃ kira samaye eko kuṭumbiko satthu dhammadesanaṃ sutvā pasannamānaso buddhapamukhaṃ bhikkhusaṅghaṃ nimantevā mahādānaṃ sajjevā attano bhavanaṃ devabhavanamiva alaṅkaritvā buddhārahaṃ mahāsaṇaṃ paññāpetvā gantvā bhagavantaṃ yāci kāloyaṃ bhante bhagavato bhattachagassa upasaṅkamanāyāti. Atha bhagavā

bhikkhusaṅghaparivuto mahatā buddhānubhāvena gantvā nisīdi paññattavarabuddhāsane, tato kuṭumbiko haṭṭho udaggo saporiso bhagavantam parivisati anekehi madhurannapānādīhi. Tadā tassa bhagavato sāsane dhutaṅgadharānaṃ aggo vasabhattheronāma mahāsāvako sapaḍānavattena piṇḍāya caramāno tassa kuṭumbikassa gehadvāre aṭṭhāsi, atha so theram disvā bhante satthā antogehe nisinno, tumhepi pavisathāti yāci, thero apavisitvāva agamāsi, kuṭumbiko bhagavantam upasaṅkamitvā tamattam vatvā kiṃ bhante sadevake loke bhagavatāpi uttaritaro guṇena saṃvijjatīti āha. Athassa satthā puttopamaṃ dassetvā therassa guṇe vaṇṇento evamāha.

1. Pāleni nimmalam katvā, pātimokkhādisaṃvaram;
Samādinnaḍḍhutaṅgāca, appicchā munisūnavo.
2. Nicca mantakayuddhamhi, naddhā yodhāva dappitā;
Puññānaṃ vatthubhūtā te, devamānusakā dinaṃ.
3. Dhāremahaṃ vaṇṇavantaṃ, sīveyyampica cīvaram;
Buddhaputtā mahānāgā na dhārenti tathāvidham.
4. Dhārenti te paṃsukūlam, saṅghāṭetvā pilotike;
Vaṇacchādanacolaṃva, icchālobha vivajjitā.
5. Sādiyāmi sadā hambho, upāsakanimantanaṃ;
Neva sādenti sambuddha, putto pāsakayācanaṃ.
6. Sapaḍānena yaṃ laddham, lūkhamvāpi paṇītakam;
Tena tussanti me puttā, rasagedhavivajjitā.
7. Nipajjāmi aham sādhu, santhate sayane subhe;
Na te seyyam pakappenti, saṃsārabhayabhīrukā.
8. Ṭhānā sanagamanena, kappenti iriyāpatham;
Nekabhūmisamākiṇṇa, pāsādesu vasāmahaṃ.
9. Buddhaputtā tathācchannaṃ, na kadā pavisanti te;
Rukkhamūle susānasmim, abbhokāse ramanti te.
10. Bhāvetvā bhavanāsāya, hetum bhāvanamuttamaṃ;
Aham gāme vasissāmi, pāpento janatam sivaṃ.
11. Ramanti mama puttā te, pantasenāsane kakā;
Tesaṃ mahattaro santo, theroyam vasabho mahā;
Dhutapāpo dhutaṅgaggo, ñātoyam mama sāsāneti.

Evam bhagavā hattham ukkhipitvā candamaṇḍale paharanto viya therassa guṇe pakāsesi, tato so tassa guṇakatham sutvā sayampitam ṭhānantaram kāmāyamāno yannūnāham anāgate aññatarassa sammāsambuddhassa sāsane dhutaṅgadharānaṃ aggo bhavissāmīti tam ṭhānantaram patthento bhagavato pādāmūle nipajji, satthā tam kāraṇam upaparikkhitvā ito kappasatasahassamatthake gotamo nāma satthā uppajjissati. Tvam tadā dhutaṅgadharānaṃ aggo hutvā kassa poti paññāyissatīti byākaraṇa madāsi. Tato paṭṭhāya so somanasso puññakammaṃ katvā tato cuto devamanussesu devissariyam anubhavanto vipassīsammasambuddhakāle ekasāṭako nāma brāhmaṇo hutvā mahādānaṃ adāsi. Tato cuto kassapasammāsambuddhe parinibbute bārāṇasīnagare bārāṇasīsetṭhi hutvā nibbatto dānādīni puññāni katvā tato cavitvā saṃsāre saṃsaranto dasavassasahassā yukesu manussesu bārāṇasiyam eko kuṭumbiko hutvā nibbatti. So panāyam kuṭumbiko araṇṇe jaṅghāvihāram anuvararanto paccantime janapade araṇṇāyatane aññataram paccekabuddham addasa. So ca paccekabuddho tattha cīvarakammaṃ karonto anuvāte appahonte saṃharitvā ṭhapetum āradhho. Kuṭumbiko tam disvā bhante kiṃ karothāti pucchi. So paccekabuddho appicchatāya tena

puṭṭho na kiñci vutto hoti. So cīvaradussaṃ nappahotīti ñatvā attano uttarasātakam paccekabuddhassa pādamūle ṭhapetvā agamāsi. Paccekabuddho taṃ gahetvā anuvātakam āropento cīvaram katvā pārupi. Kuṭumbiko jīvitapariyosāne kālam katvā tāvatimsabhavane nibbattitvā tattha yāvātāyukam dibbasampattiṃ anubhavitvā tato cavitvā bārānasīto tiyojanamattake ṭhāne aññatarasmiṃ nagare nibbatti, tassa mātāpitaro nandiyoti [nandītināmaṃ itisabbattha] nāmaṃ akaṃsu, tassa satta bhātaro ahesuṃ, sesā cha bhātaro nānākammantesu byāvaṭā mātāpitunnaṃ posenti. Nandiyō pana akammasīlo geheyeva vasati. Tasmā tassa sesā kujjhanti. Mātāpitaropi nandiyam āmantetvā ovadanti. So tuñhī hoteva. Athāparasmiṃ samaye gāme nakkhattam saṅghuṭṭham, tadā so mātaram āha. Amma sātakaṃ dehi, nakkhattam kīḷissāmīti, sā dhota- vattham nīharitvā adāsi, amma thūlam idanti, sā aññaṃ nīharitvā adāsi, tampi paṭikkhipi. Atha naṃ mātā āha. Tāta yādise mayam gehe jātā, natthi ito sukhumatarassa paṭilābhāya puññanti, labhanaṭṭhānam gamissāmi ammāti. Putta aham ajjeva tava bārānasīnagare rajjapaṭilābham icchāmīti āha. So sādhu ammāti mātaram vanditvā padakkhiṇam katvā pakkāmi. Mātuyā panassa evam ahoṣi. Kham so gamissati, pubbeviya idhavā etthavā gehe nisīditvā āgacchatīti, so pana puññaniyāmena codiyamāno gāmato nikkhamitvā bārānasīṃ gantvā senaguttassa gehe paṭivasati, athekadivasam so tassa kammakārehi saddhiṃ sallapanto nisīditvā pacalāyanto supinaṃ addasa. Mukhena antam nikkhamitvā sakalajambudīpe pattharitvā antokucchimeva pāvīsi. Pabuddho so bhīto mahāsaddamakāsi. Atha naṃ mahāsenagutto pucchi. Nandiyō supinaṃ addasanti āha. Atha tena kīdisanti puṭṭho kathesi, tato senagutto taṃ attano kulūpagam paribbājikam pucchi ko tassa vipākoti. Paribbājikā yadi bho itthī passati. Sattadivasabbhantareyeva abhisekam labhati, yadi puriso passati, tatheva rājā hotīti kathesi. Senagutto tassā taṃ katham sutvā imam mama ñātiṃ karomīti attano satta dhītare pakkositvā paṭipāṭiyā pucchi. Nandiyassa santike vasathāti, sesā sabbā na icchīsu, na mayam jānāma etaṃ adhunāgatam kulavantam vā dukkulavantamvāti. Atha kaṇiṭṭhikam pucchi. Sā yassa maṃ mātāpitaro dassanti. Tesam vacanam na bhindissāmīti sampaṭicchi, atha senagutto nandiyam pakkositvā attano dhītaram datvā tassa mahāsampatti madāsi. Tato sattame divase nandiyō tattha tattha āhiṇḍanto rañño maṅgaluyyānam passissāmīti gantvā dhaṅgalasilāpaṭṭesāsīsam pārupitvā nipajji, so ca bārānasīrañño kālaṅkatassa sattamo divaso hoti. Amaccāca purohitoca rañño sarīrakiccaṃ kāretvā rājaṅgaṇe nisīditvā mantayīsu. Rañño ekāva dhītā atthi, putto panassa natthi. Arājikam rajjam na tiṭṭhati. Phussaratham vissajjessāmāti. Te kumudapattavaṇṇe cattāro sindhave yojetvā setacchattapamukhampañcavidharājakakudhabhaṇḍam rathasmiṃyeva ṭhapetvā ratham vissajjetvā pacchato turīyāni paggaṇhāpesuṃ. Ratho pācīdvārena nikkhamitvā uyyānābhimukho ahoṣi. Paricayena uyyānābhimukho gacchati. Nivattemāti keci āhaṃsu. Purohito mā nivārayitthāti āha. Ratho kumārakam padakkhiṇam katvā ārohaṇasajjo hutvā aṭṭhāsi. Purohito pārupaṇakaṇṇam apanetvā pādatalāni olovento tiṭṭhatu ayam dīpo. Dvisahassadīpa parivāresu catūsu mahādīpesu ekarajjam kātum samatthotivatvā tassa dhitiṃ upadhāretum tikkhattum turīyāni paggaṇhāpesi. Atha kumāro mukham vivaritvā oloketvā kena kāraṇena āgatathāti āha, deva tumhākam rajjam pāpuṇātīti, rājā kahanti, devattam gato sāmīti, kati divasā atikkantāti, ajja sattamo divasoti. Putto vā dhītā vā natthīti, dhītā atthi deva. Putto na vijjatīti, tenahi karissāmi rajjanti, te tāvadeva abhisekamaṇḍapam kāretvā rājadhītaram sabbalāṅkārehi alāṅkāritvā uyyānam netvā kumārassa abhisekam akaṃsu, athassa katābhisekassa satahassagghanakam vattham ānesuṃ, so kimidaṃ tātāti āha, nivāsanavattham devāti, nanu tātā thūlamti, manussānam paribhogavatthesu ito sukhumataram natthi devāti, tumhākam rājā evarūpam nivāsesīti, āma devāti. Na maññe puññavā tumhākam rājāti vatvā handa suvaṇṇabhīnkāram āharatha, labhissāma vatthanti, te suvaṇṇabhīnkāram āharīsu, so utṭhāya hatthe dhovitvā mukham vikkhāletvā hatthena udakam ādāya puratthimadisāya abbhukkiri, tāvadeva ghanapathaviṃ bhinditvā soḷasakapparukkā utṭhahīsu, puna udakam hatthena gahetvā dakkhiṇam pacchimaṃ uttaranti evam catassopi disā abbhukkiri, sabbadisāsu soḷasa soḷasa hutvā catusaṭṭhikapparukkā utṭhahīsu, so ekaṃ dibbadussaṃ nivāsetvā ekaṃ pārupitvā nandiyarañño vijjite suttakantikā itthiyo mā suttam kantantūti bherim carāpethāti vatvā chattaṃ ussāpetvā alāṅkatapaṭiyatto hatthikkhandhavaragato nagaram pavisitvā pāsādamabhiruyha mahāsampattiṃ anubhavi. Aho tadā paccekabuddhassa dinnānuvātakassa vipāko. Tenāhu porāṇā.

12. Yathā sāsapamattamhā, bījā nigrodhapādapo;
Jāyate satasākhaḍḍho, mahānīlambudopamo.
13. Tatheva puññakammamhā, aṇumhā vipulam phalam;

Hotūti appapuññanti, nāvamaññeyya paṇḍitoti.

Evam gacchante kāle ekadivasam devī rañño sampattim disvā aho tapassīti kāruññākāram dassesi. Kimidaṃ devīti ca puṭṭhā atimahaṭi te deva sampatti. Atītamaddhānaṃ kalyāṇaṃ katattā. Idāni anāgatassatthāya kusalaṃ karothāti āha. Kassa dassāma. Silavantā natthīti. Asuñño deva jambudīpo arahantehi, tumhe dānaṃ sajjetha, ahaṃ arahante lacchāmīti āha. Punadivase rājā mahārahaṃ dānaṃ sajjāpesi. Devī sace imissā disāya arahanto atthi, idhā gantvā amhākaṃ bhikkhaṃ gaṇhantūti uttarahimavantābhimukhī pupphāni uddhaṃ khipitvā urena nipajji. Atha tāni pupphāni ākāsatō gantvā himavantapadesa vasantānaṃ padumavatiyā puttānaṃ pañcasatānaṃpaccekabuddhānaṃ jeṭṭhakamahāpadumapaccekabuddhassa pādāmūle paṭiṃsu. Tathāhi.

14. Aho passatha bho dāni, vimhayaṃ puññakammuno;
Acetanāpi pupphāni, dūtakicesu byāvaṭā.
15. Kattukāmena lokasmiṃ, sakalaṃ attano vasaṃ;
Sabbatthāmena kattabbaṃ, puññaṃ paññavatā sadāti.

Tato mahāpadumapaccekabuddho taṃ ñatvā sesabhātare āmantesi. Mārisā nandiyarājā tumhe nimantesi. Adhivāsetha tassa nimantananti. Te adhivāsetvā tāvadeva ākāsenā gantvā uttaradvāre otariṃsu. Manussā pañcasatā deva paccekabuddhā āgatāti rañño ārocesuṃ, rājā saddhiṃ deviyā gantvā vanditvā patte gahetvā paccekabuddhe pāsādaṃ āropetvā tattha tesam dānaṃ datvā bhattakiccāvasāne rājā saṅghattherassa devī saṅghanavakassa ca pādāmūle nipajjitvā ayyā paccayehi na kilamissantu, mayaṃ puññaena na hāyissāma, amhākaṃ idha vāsāya paṭiññaṃ dethāti paṭiññaṃ kāretvā uyyāne nivāsaṭṭhānādayo kāretvā yāvajīvaṃ paccakabuddhe upaṭṭhahitvā tesu parinibbutesu sādhuṃkāṇaṃ kāretvā candanā garuādīhi sarīrakiccaṃ kāretvā dhātuyo gahetvā cetiyaṃ paṭiṭṭhāpetvā evarūpānampi mahānubhāvānaṃ mahesīnaṃ maraṇaṃ bhavissati, kimaṅgaṃ pana mādisānanti saṃvegajāto jeṭṭhaputtaṃ rajje paṭiṭṭhāpetvā sayam pabbajam pabbaji, devīpi raññe pabbajite ahaṃ kiṃkarissāmīti pabbajitvā dvepi uyyāne vasantā jhānābhīññaṃ nibbattetvā jhānasukhena vītināmentā āyupariyosāne brahmaloke nibbattiṃsu. Te amhākaṃ bhagavato kāle brāhmaṇakule nibbattitvā buddhasāsane pabbajiṃsu, tadā nandiyarājā dhutaṅgadharānaṃ aggo mahākassapattheronāma hutvā cando viya suriyo viyaca loke pākaṭo hutvā bhagavati pari- nibbute buddhasāsanaṃ ativiya sobheti. Bhariyāpissa bhaddakāpīlāni nāma ahoṣīti.

16. Datvā pureko vipine caranto,
Paccekabuddhassanuvātamattaṃ;
Katvā saraṭṭhaṃ kurudīpasobhaṃ,
Mahānubhāvo vasudhā dhiposi.
17. Tumheca bhonto khalu sīlavante,
Dadātha dānāni anappakāni;
Taṃ vo paṭiṭṭhāca bhavantarasmim,
Cintāmaṇiṃ kappataruṃva sāranti.

Nandiyarājassa vatthum pathamaṃ.

12. Aññataramanussassa vatthumhi ayamānupubbikathā

Amhākaṃ bhagavati parinibbute pāṭaliputtasamīpe aññatarasmim gāme aññataro duggatamanusso vasati, so panekadivasam aññataram gāmaṃ gacchanto dve sātaka nivāsetvā mahantaṃ aṭaviṃpāpuṇi, tadevaṃ gacchantam disvā etassa vattham gaṇhissāmīti eko coro anubandhi, so dūrato va āgacchantam coram disvā cintesi, ahametasmā palāyituṃ vā tena saddhiṃyujjhituṃ vā na sakkomi, ayamāgantvā avassam anicchantassāpi me vattham gaṇhissati. Mayāpissa niratthakena harituṃ na sakkā, dānavasenassa dassāmīti sannitthāna makāsi, atha coro āgantvā vatthakam parāmasi, atha so puriso cittaṃ pasādetvā imaṃ mama vatthadānaṃ

bhavabhogasukhatthāya paccayo hotūti vattham datvā ducchāditattā mahāmaggaṃ pahāya aññena jaṅghāmaggena gacchanto āsivisena daṭṭho kālaṃ katvā himavantappadese dvādasayojanike kanakavimāne nekaccharāsahassaparivuto nibbatti. Vimānaṃ panassa parivāretvā tiyojanike ṭhāne kapparukkā nibbattiṃsu, so mahantaṃ dibbasampattiṃ disvā somanassaṃ pavedento āha.

1. Pariṇāmitamattena, dānassa sakasantakaṃ;
Dadāti vipulaṃ bhogaṃ, dibbamissariyaṃ varam.
2. Dvādasayojanubbedhaṃ, duddikkhaṃ cakkhumūsaṃ;
Kūṭā gāvarupetaṃ, sabbasovaṇṇayaṃ subhaṃ.
3. Mama puññaena nibbattaṃ, nekarāgaddhajākulaṃ,
Tatheva parisuddhehi, vitānehi ca laṅkataṃ.
4. Pāsādapariyantamhi, dibbavatthāni lambare;
Vāteritā te sobhanti, avhentāva sudhāsino.
5. Pāsādassa samantā me, bhūmibhāge tiyojane;
Icchiticchitadātāro, jātāsuṃ surapādapā.
6. Tattha naccehi gītehi, vādehi turiyehi ca;
Ne kaccharāsahassehi, modāmi bhavane mama.
7. Na sammā dinnavatthassa, akkhette phalamī disaṃ;
Khetta sammā dadantassa, ko phalaṃ vaṇṇayissatīti.
8. Evaṃ vidhampi kusalaṃ manujo karitvā,
Pappoti dibbavibhavaṃ munivaṇṇanīyaṃ;
Mantvāna bho dadatha dānavaraṃ susīle,
Saddhāya suddhamanasāssa visesabhāgīti.

Aññataramanussassa vatthum dutiyaṃ.

13. Visamalomakumārassa vatthumhi ayamānupubbikathā

Atīte kira imasmiṃ jambudīpe kassapo nāma sammāsambuddho pāramiyo pūretvā sabbaññutaṃ patto lokassa dukkhāpanudo sukhāvaho paṭivasati lokaṃ nibbānamahānagaravare paripūrento. Tasmīṃ samaye aññataro puriso satthu dhammadesanaṃ sutvā pasanno bhikkhusaṅghassa dānaṃ dento sīlaṃ rakkhanto uposathakammaṃ karonto nānāvidhāni puññakammāni katvā suttappabuddhoviya gantvā devaloke nibbatti sabbaratanamaye dibbavidhāne devaccharāsahassaparivuto. Tattha yāvātāyukaṃ ṭhatvā tato cuto amhākaṃ bhagavati parinibbute jambudīpe pāṭaliputtanagare āṇācakkavattidhammāsokamahānarindassa aggamahesiyā kucchimhi nibbatti. Tassa nāmaṃ karonto sīse lomaṃ visamaṃ hutvā jātattā visamalomakumāroti sañjāniṃsu. So kamena viññutaṃ patto balasampanno ahosi. Mahāthāmo abhirūpoca ahosi. Dassanīyo pāsādiko yasaparivārasampanno paṭivasati. Tato aparena samayena dhammāsokamahānarindo caturāsītisahassarājaparivuto anantabalavāhano kī ḷā pa ro himavantaṃ gantvā yathābhirantaṃ kīḷitvā āgacchanto candabhāgaṃ nāma gaṅgaṃ sampāpuṇi. Sā pana yojanavittatā tigāvutagambhīrā ahosi. Tadā sā adhunāgatehi oghehi mahāpheṇasamākulā bahūmiyo ubhokūle uttarantī mahāvegā [\[mahāvegāgacchantī itisabbattha\]](#) gacchanti. Tadā rājā gaṅgaṃ disvā ko nāmettha puriso evaṃvidhaṃ mahāgaṅgaṃ taritum samattho bhavissatīti āha. Taṃ sutvā visamaloma kumāro āgantvā vanditvā ahaṃ deva gaṅgaṃ taritvā gantuṅca āgantūca sakkomīti āha. Rājā sādhitī sampācchi. Atha kumāro gālhaṃ nivāsetvā makaradantiyā kese bandhitvā gaṅgākūle ṭhito aṭṭhārasahattaṃ abhuggantvā usabhamattaṭṭhāne patitvā taritu mārabhi. Tato caṇḍasotaṃ chinditvā taranto gamanā gamanakāle gaṇhanatthāya āgate caṇḍasuṃsumāre pāninā paharitvā cuṇṇavicuṇṇaṃ karonto vīsasataṃ māretvā uttāretvā talamuggamma rājānaṃ vanditvā aṭṭhāsi. Rājā taṃ kāraṇaṃ

disvā bhayappatto eso kho maṃ māretvā rajjampi gahituṃ samattho. Etaṃ māretuṃ vaṭṭatīti cintetvā nagaraṃ sampatto kumāraṃ pakkosāpetvā amacce āha. Imaṃ bhaṇe bandhanāgāre karoṭhāti. Te tathā kariṃsu, athassa bandhanāgāre vasantassa cattāro māsā atikkantā. Tato rājā catumāsaccayena dīghato saṭṭhihatthappamaṇe saṭṭhiveḷukalāpe āharāpetvā gaṇṭhiyo soḍhāpetvā anto ayosāraṃ pūretvā rājaṅgaṇe ṭhapāpetvā visamalomakumāraṃ bandhanāgārato āharāpetvā [āṇāpetvā itisabbattha] amacce evamāha. Bhaṇe svāyaṃ kumāro iminā khaggena ime veḷukalāpe caturaṅgulaṃ katvā chindatu. No ce chindituṃ sakkoti. Taṃ mārethāti āha, taṃ sutvā kumāro ahaṃ bandhanāgāre ci ra vu ttho jighacchāpīlito āhārena kilamiṃ, yannūnāhaṃ āhāraṃ bhuñcitvā chindeyyanti. Te natthi dāni tuyhaṃ āhāraṇi āhaṃsu. Tenahi pokkharāṇiyā pānīyaṃ pivissāmīti āha. Te sādḥūti pokkharāṇiṃ nesuṃ. Kumāro pokkharāṇiṃ otarivā nahāyivā nimuggo yāvadatthaṃ kalalaṃ bhuñcitvā pānīyaṃ pivitvā uṭṭhāya asipattaṃ gahetvā mahājanānaṃ [mahājanānaṃpassantameva itisabbattha] passantānameva aṭṭhāsītihatthaṭṭhānaṃ ākāsaṃ ullaṅghitvā sabbaveḷukalāpe caturaṅgulamattena khaṇḍākhaṇḍaṃ kurumāno otarivā mūle thūlaayasalākaṃ patvā kiṇṭi saddaṃ sutvā asipattaṃ vissajjetvā rodamaṇo aṭṭhāsi. Tato rājapurisehi kimattaṃ rodasīti vutte ettakānaṃ purisānamantare mayhaṃ ekopi suhaddo natti. Sace bhavēyya, imesaṃ veḷukalāpānamantare ayo sāraṃ atthibhāvaṃ katheyya, ahaṃ pana jānamāno ime veḷu kalāpe aṅgulaṅgulesu chindeyyanti āha. Tato rājā kumārena katakammaṃ oloketvā pasanno uparājāṭṭhānaṃ bahuñca vibhavaṃ dāpesi, evamassa balasampattilābho nāma na jātigottakulapadesādīnaṃ balaṃ. Na pāṇātipātādiduccarītānaṃ balaṃ. Kassettaṃ balanti. Kassapasammāsambuddhakāle bhikkhusaṅghassa dinnadānādisucaritakammavipākaṃ. Tena vuttaṃ.

1. Kassapassa munindassa, kāle aññataro naro;
Sambuddhamupasaṃkamma, sutvā dhammaṃ sudesitaṃ.
2. Paṭiladdhasaddho hutvā, sīlavantāna bhikkhunaṃ;
Madhurannaṃ pacure, adāsi sumano tadā.
3. Adāsi cīvare patte, tatheva kāyabandhane;
Adā khīrasalākañca, bahū kattarayaṭṭhiyo.
4. Adā supassayaṃ dānaṃ, mañcapīṭhādikaṃ tathā;
Pāvāra kambalādīni, adā sītanivāraṇe.
5. Adā bhesajjadānāni, ārogyatthāya bhikkhunaṃ;
Evaṃ nānāvidhaṃ puññaṃ, katvāna tidivaṃ gato.
6. Tattha dibbavimānaṃhi, uppanno so mahiddhiko;
Devaccharāparivuto, devasenāpurakkhato.
7. Dibbehi naccagītehi, dibbavāditatantihi;
Modamāno anekehi, dibbasampattiyā saha.
8. Yāvatāyuṃ tahiṃ ṭhatvā, jambudīpe manorame;
Pure pāṭaliputtamhi, dhammāsokassa rājino.
9. Putto hutvāna nibbatti, mahāthāmo mahābalo;
Mahāyaso mahābhogo, āsi buddhādīmāmakko.
10. Kātabbaṃ kusalaṃ tasmā, bhavasampatti micchatā;
Pāletabba matho sīlaṃ, bhāvetabbañca bhāvananti.

Tato kumāro uparājāṭṭhānaṃ labhitvā sampattiṃ manubhavamāno moggaliputtatissattheramādiṃ katvā mahābhikkhusaṅghassa cīvarapiṇḍapātasenāsanagilānapaccayadānā divasena sakkāraṃ katvā sīlaṃ rakkhitvā uposathakammaṃ katvā āyupariyosāne yathākammaṃ gatoti.

11. Evaṃvidhaṃ sucaritaṃ sumano karitvā,
Bhāgissa nekavibhavassa bhavābhavesu;
Tumhepi bho sucaritaṃ vibhavānurūpaṃ,
Katvāna nibbutipadaṃ karaṃ karothāti.

Visamalomakumārassa vatthum tatiyaṃ.

14. Kañcanadeviyā vatthumhi ayamānupubbikathā

Jambudīpe kira devaputtanagaraṃ nāma dassanīyaṃ ekaṃ nagaraṃ ahoṣi. Tasmim samaye manussā yebhuyyena pattamaḥaṃ nāma pūjaṃ karonti, bhagavatā paribhuttapattaṃ gahetvā katānekapūjāvidhānā ussavaṃ karonti. Taṃ pattamahanti vuccati. Tasmim samaye devaputtanagare rājā sabbaratanamayaṃ rathaṃ sabbālankārehi alaṅkārapetvā kumudapattavaṇṇe cattāro sindhave yojetvā susikkhitasippācariyehi sattaratanapariniṭṭhite asītihatthaveḷagge satthunā paribhuttaṃ selamayapattaṃ muttājālādīhi alaṅkaritvā veḷaggaṃ āropetvā veḷum rathe ṭhapāpetvā nagaraṃ devanagaraṃ viya alaṅkaritvā dhajapatākādayo ussāpetvā toraṇagga kapantiyoca puṇṇaghaṭṭāpamālādayoca patitṭhāpetvā anekehi pūjāvidhānehi nagaraṃ padakkhiṇaṃ kāretvā nagaramajjhe susajjitaratanamaṇḍape pattadhātum ṭhapetvā sattame divase mahādhammasavaṇaṃ kārapesi. Tadā tasmim janapade bahū manussāca devatāca yakkharakkhasanāgasupaṇṇādayoca manussavesena yebhuyyena taṃ samāgamaṃ otaranti, evamacchariyaṃ taṃ pūjāvidhānaṃ ahoṣi.

Tadā eko nāgarājā uttamarūpadharaṃ agatapubbapurisaṃ ekaṃ kumārikaṃ dhammaparisantare nisinnaṃ disvā tassā paṭibaddhacitto anekākārehi taṃ yā ci tvā tassā aladdhamāno kujjhitvā nāsāvātaṃ vissajjesi imaṃ māressāmīti. Taṃ tassā saddhābalena kiñci upaddavaṃ kātum samattho nāhoṣi. Athassā nāgo pādato paṭṭhāya yāvasakalasarīraṃ bhogena veṭhetvā sīse phaṇaṃ katvā bhāyāpento aṭṭhāsi. Anaññāvihitāya tāya dhammasavaṇabalena aṇumattampi dukkhaṃ nāhoṣi. Pabhātāya rattiyā taṃ disvā manussā kimetanti kāraṇaṃ pucchimsu, sāpi tesam kathetvā evaṃ saccakiriyamakāsi. Tathāhi.

1. Brahmācārī ahoṣāhaṃ, sañjātā idha mānuse;
Tena saccena maṃ nāgo, khippameva pamuñcatu.
2. Kāmāturassa nāgassa, nokāsamakariṃyato;
Tena saccena maṃ nāgo, khippameva muñcatu.
3. Visavātena khittassa, kupitassoragassahaṃ;
Akuddhā tena saccena, so maṃ khippaṃ pamuñcatu.
4. Saddhammaṃ suṇamānāhaṃ, garugāravabhattiyā;
Assosiṃ tena saccena, khippaṃ nāgo pamuñcatu.
5. Akkharaṃvā padaṃvāpi, avināsetvāva ādito;
Assosiṃ tena saccena, khippaṃ nāgo pamuñcatūti.

Saccakiriyāvasāne nāgarājā tassā atīva pasanno bhogaṃ viniveṭhetvā phaṇasataṃ māpetvā taṃ phaṇagabbhe nisīdāpetvā bahūhi nāgamānavakehi saddhiṃ udakapūjaṃ nāma pūja makāsi, taṃ disvā bahū nagaravāsino acchariyabbhutaṃjātā aṭṭhārasakoṭidhanena pūja makamsu. Tathāhi.

6. Natthi saddhāsamo loke, suhādo sabbakāmado;
Passathassā balaṃ saddhā, pūjentevaṃ nara ragā.
7. Idha lokeva sālatta, bhavabhoga manappakaṃ;
Tasmā saddhena kātabbaṃ, ratanattayagāravanti.

Athevaṃ sā paṭiladdhamahāvibhavā yāvajīvaṃ komāriya brahmācāriṇī hutvā āyupariyosāne

kālaṃ katvā tasmimyeva nagare rañño aggamaheṣiyā kucchimhi paṭisandhiṃ gaṇhitvā dasamāsaccayena mātukucchito nikkhami. Nikkhantadivase panassā sakaladevapputtanagare ratanavassaṃ vassi. Tenassā kañjanadevīti nāmaṃ kariṃsu. Samantapāsādikā ahoṣi. Abhirūpā devaccharapaṭibhāgā. Mukhato uppalagandho vāyati. Sarīrato candanagandho vāyati. Sakalasarīrato bālasuriyo viya raṃsiyo nicchārentī caturatanagabbhe padīpakiccaṃ nāma natthi. Sabbo gabbho sarīrā lokena eko bhāso hoti, tassā rūpasampatti sakalajambudīpe pākaṭā ahoṣi. Tato sakalajambudīpavāsī rājāno tassā atthāya piturañño paṇṇākārāni paṇiṇiṃsu. Sā pana pañcakāme ananulittā pitaraṃ anujānāpetvā bhikkhunū passayaṃ gantvā pabbajitvā vipassanaṃ vaḍḍhetvā saha paṭisambhidāhi arahattaṃ pāpuṇīti.

8. Sutvāna sādārasena kumārikevaṃ;
Dhammañhi sīlamamalaṃ paripālayantī;
Laddhāna nekavibhavaṃ vibhavaṃ payātā,
Mā bho pamajjatha sadā kusalappayogeti.

Kañcanadeviyā vatthum catutthaṃ.

15. Byagghassa vatthumhi ayamānupubbikathā

Jambudīpe cūlaratthā sanne bārāṇasīnagare ekaṃ paṃsupabbataṃ vinivijjhivā mahāmaggo hoti, tattha vemajjhe eko byaggho attano andhapitaraṃ pabbataguhāyaṃ katvā posento vasati. Tasseva pabbatassa vanadvāre tuṇḍilo nāma eko suvapotako rukkhasmiṃ vasati. Te ubhopi aññamaññaṃ piyasahāyā ahesuṃ, tasmim samaye paccantagāmaṃvāsī eko manusso attano mātugāmena saddhiṃ kalahaṃ katvā bārāṇasiṃ gacchanto taṃ vanadvāraṃ sampāpuṇi. Atha suvapotako parihīnattabhāvaṃ dukkhitam taṃ disvā kampamānahadayo taṃ pakkosivā bho kuhiṃ gacchasīti āha, tena parakhaṇḍam gacchāmīti vutte tuṇḍilo bho imasmim vanakhaṇḍamajjhe eko byaggho vasati. Kakkhalo pharuso sampattasampatte māretvā khādāti. Mā tvaṃ tena gacchāti āha. Svāyaṃ dubbhago manusso hitakāmassa tassa vacanaṃ anādiyivā gacchāmevāti āha. Tuṇḍilo tenahi samma yadi anivattamāno gacchasi. Eso byaggho mama sahāyo. Me vacanaṃ tava santikā sutvā na gaṇhātīti. Tassa taṃ anādiyanto so suvarāje paduṭṭhacitto muggarena paharivā māretvā araṇiṃ aggiṃ katvā maṃsaṃ khādi. Asappurisasamṣaggo nāme sa idha lokaparalokesu dukkhāvahoyeva. Tathāhi.

1. Mayā kataṃ mayhamidaṃ, iti vessānaraṃ nara;
Samāliṅgati sappemo, dahatevassa viggahaṃ.
2. Madhukhīrādīdānena, pemaṣā paripālito;
Sorago kupitovassa, ḍasatevassa viggahaṃ.
3. Evaṃ nihīnajaccena, pāpena akataññunā;
Narā dhamena dīnena, katopi khaṇasaṅgamo.
4. Asādhuko ayamtevaṃ, jānamānena jantunā;
Muhuttampi na kātabbo, saṅgamo so anattadoti.

Tato so asappuriso maṃsaṃ khādītvā gacchanto vanakhaṇḍamajjhaṃ sampāpuṇi. Atha byaggho taṃ disvā mahānādaṃ karonto gahaṇatthāya utthāsi. So byagghaṃ disvā bhayappatto tuṇḍilassa vacanaṃ saritvā ahaṃ bho tava sahāyatūṇḍilassa santikā āgatomhīti āha, taṃ sutvā byaggho attamano ehi sammāti taṃ pakkosivā attano vasanaṭṭhānaṃ netvā khādītabbhāreṇa taṃ santappetvā pitusantike nisīdāpetvā puna vanakhaṇḍa magamāsi. Athassa pitā puttassa gatakāle tena saddhiṃ sallapanto tassa vacanānusāreṇa tuṇḍilaṃ māretvā khādītabbhāvaṃ aññāsi. Tato so puttassa āgatakāle tava sahāyo tena māritoti āha. Taṃ sutvā byaggho anattamano vegena tassa vasanaṭṭhānaṃ gantvā samma tuṇḍilāti saddaṃ katvā apassanto luñcitapattamaṃcassa disvā nissamṣayaṃ tena mārito me sahāyoti socanto paridevanto āgañchi. Atha so asappuriso tasmim tattha gate tassa pitaraṃ pāsāṇena paharivā māretvā byagghaṃca dāni māressāmīti byagghāgamanamaggaṃ olovento nilīno

aṭṭhāsi. Tasmim̄ khaṇe byagghopi āgañchi. So tassā gatakāle tassa tejena bhīto gantvā jīvitam̄ me sāmī dehīti pādāmūle urena nipajji, byaggho pana tena katakammaṃ disvā tasmim̄ cittam̄ nibbāpetvā mama sahāyassa sāsanaṃmādāyāgatassa dubbhitum̄ na yuttanti cintento taṃ samassāsetvā gaccha sammāti sukham̄ pesesi. Evañhi sappurisasamāgamo nāma idha lokaparalokesu sukhāvahoyeva, vuttam̄hi.

5. Sabbhireva samāsetha, sabbhi kubbetha santhavaṃ;
Sabbattha santhavo tena, seyyo hoti na pāpiyo.
6. Sukhāvaho dukkhanudo, sadā sabbhi samāgamo;
Tasmā sappuriseheva, saṅgamo hotu jantunaṃ.

Tato so byaggho tena mettacittānubhāvena kālaṃ katvā sagge nibbattoti.

7. Evaṃvidhopi pharuso paramaṃsabhojī;
Byaggho dayāyupagato sugatiṃ sumedho;
Tasmā karoṭha karuṇaṃ satataṃ janānaṃ,
Taṃ vo dadāti vibhavañca bhavesu bhoganti.

Byagghassa vatthum̄ pañcamaṃ.

16. Phalakakhaṇḍadinnassa vatthumhi ayamānupubbīkathā

Sāvattiyam̄ kireko manusso uttarāpatham̄ gacchāmīti addhānamaggapaṭipanno gimhānamāse majjhaṇhe bahalātapena kilanto hutvā rukkacchāyam̄ pavisitvā tambulaṃ khādanto phalake nisīdi. Atha uttarāpathenāgacchānto eko tatheva ātapena kilanto āgantvā purimassa santike nisīditvā bho pānīyam̄ atthīti pucchi. Itaro pānīyam̄ natthīti āha. Athassa so mayhampi bho tambulaṃ dehi pipāsītomhiti vatvāpi na labhi. Catukahāpaṇena ekaṃ tambulapaṇṇam̄ kiṇitvā laddho tattheva nisīditvā khādītva pipāsaṃ vinodetvā tena upakārena tassa sineham̄ katvā attano gamanaṭṭhāna magamāsi, athā parabhāge so paṭṭanaṃ gantvā nāvāya vaṇijjattāya gacchanto samuddamajjham̄ pāpuṇi. Tato sattame divase nāvā bhijji. Manussā macchakacchapānaṃ bhakkhā jātā. So eva puriso arogo hutvā ekaṃ phalakakhaṇḍam̄ ure katvā samuddam̄ tarati. Athe taropi tatheva nāvāya bhinnāya seso hutvā samuddam̄ taranto purimena samāgami. Atha te sattadivasam̄ samudde tarantā aññamaññaṃ sañjāniṃsu. Tesu kahāpaṇe datvā tambulaṃ gahito ekaṃ phalakakhaṇḍam̄ ure katvā tarati. Itarassetam̄ natthi. Atha so kahāpaṇe gahetvā dinnatambulamattasso pakāram̄ saritvā attano phalakakhaṇḍam̄ tassa adāsi. So tasmim̄ sayitvā taranto taṃ pahāya agamāsi, aparo anādhārakena taranto ossaṭṭhaviriyo udake osīditumārati. Tasmim̄ khaṇe samudde adhivatthā maṇimekhalā nāma devadhītā osīdantaṃ taṃ disvā sappurisoti tassa guṇānussarantī vegenā gantvā taṃ attano ānubhāvena samuddatīraṃ pāpesi. Itaraṃpi sā etasseva guṇānubhāvena tīraṃ pāpesi. Atha phalakenotiṇṇapuriso taṃ disvā vimhito katham̄ purato ahosi sammāti pucchi. So na jānāmi. Apica kho sukheneva tīraṃ pattosmīti āha. Atha devadhītā dissamānakasarīreneva attanā ānītabhāvaṃ ārocentī āha.

1. Yo mātaram̄ pitaram̄vā, dhammena idha posati;
Rakkhanti taṃ sadā devā, samudde vā thalepi vā.
2. Yo ce buddhañca dhammañca, saṃghañca saraṇam̄ gato;
Rakkhanti taṃ sadā devā, samudde vā thalepi vā.
3. Pañcavidham̄ aṭṭhavidham̄, pātimokkhañca saṃvaram̄;
Pāleti yo taṃ pārenti, devā sabbattha sabbadā.
4. Kāyena vācā manasā, sucarittaṃ caratī dha yo;
Pārenti taṃ sadā devā, samudde vā thalepi vā.

5. Yo sappurisdhammesu, ðhito dha katavediko;
Pālenṭi taṃ sadā devā, samudde vā thalepi vā.

Tato so āha.

6. Neva dānaṃ adāsāhaṃ, na sīlaṃ paripālayiṃ;
Kena me puññakammena, mamaṃ rakkhanti devatā;
Pucchāmi samsayaṃ tuyhaṃ, taṃ me akkhāhi devateti.

Devatā āha.

7. Agādhā pārage bhīme, sāgare duritā kare;
Bhinnanāvo taranto tvaṃ, hadaye katvā kalingaraṃ.
8. Ṭhatvā sappurise dhamme, attāna manavekkhiya;
Khaṇasanthavassa purisassa, adāsi phalakaṃ sakaṃ.
9. Taṃ tuyhaṃ mittadhammañca, dānañca phalakassa te;
Patiṭṭhāsi samuddasmiṃ, evaṃ jānāhi mārisāti.

Evañca vatvā sā te dibbāhārena santappetvā dibbavattthālāṅkārehi alaṅkaritvā attano ānubhāvena sāvattthinagareyeva te patiṭṭhāpesi. Tato paṭṭhāya tameva ārammaṇaṃ katvā te dānaṃ dadantā sīlaṃ rakkhantā uposathakammaṃ karontā āyupariyosāne saggaparāyaṇā ahesuṃ.

10. Evaṃ parittakusalenapi sāgarasmiṃ,
Sattā labhanti saraṇaṃ khalu devatāhi;
Tumhepi sappurisaṃ na vināsayantā,
Mā bho pamajjatha sadā kusalappayogeti.

Phalakakhaṇḍadinnassa vatthum chaṭṭhamaṃ.

17. Corasahāyassa vatthumhi ayamānupubbīkathā

Amhākaṃ bhagavati parinibbute jambudīpe devadahanagare eko manusso dukkhito tattha tattha vicaranto paccante aññataraṃ gāmaṃ gantvā tattha ekasmiṃ kulagehe nivāsaṃ kappesi. Tattha manussā tassa yāgubhattaṃ datvā posesuṃ, tato so tattha manussehi mittasanthavaṃ katvā katipāhaṃ tattha vasitvā aññatṭhānaṃ gantvā aparabhāge corakammaṃ karonto jīvikaṃ kappeti. Athekadivasam corentam taṃ rājapurisā gahetvā rañño dassesuṃ. Rājā taṃ bandhanāgāre karothāti añāpesi, te taṃ bandhanāgāraṃ netvā saṅkhalikāhi bandhitvā ārakkhakānaṃ paṭipādetvā agamaṃsu, bandhanāgāre vasantassa tassa dvādasasamvaccharāni atikkantāni. Tato aparabhāge tassa pubbasahāyo paccantagāmaṃvāsī manusso kenaci kamma devadaha māgato tattha tattha āhiṇḍanto bandhanāgāre baddhaṃ taṃ addasa. Disvā tassa hadayaṃ kampi, so roditvā paridevitvā kiṃ te mayā kattabbaṃ sammāti pucchi. Tato tena samma bandhanāgāre vasantassa me idāni dvādasasamvaccharāni atikkantāni, ettakaṃ kālaṃ dubbhojanādinā mahādukkhaṃ anubhomi. Yāvāhaṃ āhāraṃ pariyesitvā bhuñjitvā āgamissāmi. Tāva maṃ ito muñcanupāyaṃ jānāhīti vutte so sappuriso.

1. Rūpena kintu guṇasīlavivajjitena,
Micchālayassa kitavassa dhiyā kimatthaṃ;
Dānā dicāgavigatena dhanena kiṃ vā;
Mittena kiṃ byasanakālaparammukhenāti.

Evañca pana vatvā sādhu samma karomi te vacananti ārakkhakānaṃ santikaṃ gantvā bhonto yāveso bhattaṃ bhuñjitvā āgacchati. Tāvāhaṃ tassa paṭibhogo bhavissāmi. Vissajjetha nanti āha, tehi na sakkā bho etaṃ vissajjetuṃ, api ca kho yāvāyaṃ āgacchati. Tāva tvaṃ ayasaṅkhalikāya baddho

nisīdissasi, evaṃ taṃ vissajjessāma, no ce na sakkāti āhaṃsu, so evampi hotu sammāti vatvā tassa pādato saṅkhalikaṃ muñcitvā attano pāde katvā bandhanāgāraṃ pavisitvā itaraṃ muñcāpesi. Sopi asappuriso bandhanā mutto na puna taṃ ṭhāna magamāsi, aho akatañño pakatiṃ ñātuṃ bhāriyaṃ. Yathāha.

2. Vāripūre yathā sobbhe, nevanto visamaṃ samaṃ;
Paññāyatevaṃsādhussa, bhāvaṃ manasi sambhavaṃ.
3. Bhāsanti mukhato ekaṃ, cintenti manasā paraṃ;
Kāyenaṃ karontevaṃ, pakatāyamasādhunaṃ.
4. Tesam yo bhāvamaññāsi, sova paṇḍitajātiko;
Bahussutopi soyeva, paracittavidūpi so.

Athassa bandhanāgāre vasantassa dvādasasaṃvaccharāni atikkantāni. Ettakaṃ kālaṃ jighacchāpīlītena tena āhārattāya paro na yācitapubbo, anucchiṭṭhāhāraṃ labhanadivasato alabhanadivasāyeva bahutarā honti, atha dvādasasaṃvaccharātikkame rañño putto nibbatti. Tadā rājā attano vijite sabbabandhanāgārāni vivarāpesi. Antamaso migapakkhinopi bandhanā muñcāpesi. Dvāre vivaṭamattēyeva bandhanāgāre manussā icchicchitaṭṭhānaṃ agamaṃsu. So panekova tehi saddhiṃ agantvā ohīyi. Ārakkhakehi tvaṃ bho kasmā na gacchasīti vutte ahaṃ bho paññātabhāvena idāni na gamissāmi. Atīva pariḥīnagattosmi. Andhakāre gamissāmīti vatvā andhakāre āgate nikkhamma antonagare vissāsikānaṃ abhāvena kuto āhāraṃ labhissāmīti cintento nikkhamma rattandhakāre āmakasusāna magamāsi. Etthāhāraṃ labhissāmīti. Tattha so adhunā nikkhattamatamanussaṃ disvā manussaṭṭhinā maṃsaṃ chinditvā sīsakapāle pakkhipitvā tīhi manussasīhehi katauddhane ṭhapetvā citakato omukkaalātehi aggim katvā susānaṃ nibbāpanatthāyā bhataudakena manussaṭṭhinā ālolento maṃsaṃ pacitvā otāretvā sākhābhaṅgena hirikoṇaṃ paṭicchādetvā nivatthapilokikaṃ vātāvaraṇaṃ katvānisīdi. Tasmim khāṇe tattha pippalīrukkhe adhiyatthā devatā tassa taṃ kiriyam disvā pucchissāmi tāva nanti taṃ upasaṅkamitvā evamāha. Bho tvaṃ ghanataratimirākule mahārattiyam tattha tattha vikiṇṇanaratṭhisamākiṇṇe soṇasigālādikuṇapādakākule manussamaṃsabhakkhayakkharakkhasākule tattha tattha pajjalantānekacitakabhayānake susāne manussamaṃsaṃ pacitvā kiṃkarosīti pucchantī āha.

5. Rattandhakāre kuṇapādakehi,
Samākule sīvathikāya majjhe;
Manussamaṃsaṃ pacasī dha sīse,
Vadehi kiṃ tena payojanaṃ teti.

Atha so āha.

6. Na yāgahetu na ca dānahetu,
Susānamajjhamhi pacāmi maṃsaṃ;
Khudāsamaṃ natthi narassa aññaṃ,
Khudāvināsāya pacāmimambhoti.

Tato devatā taṃ tathā hotu, iminā pilotikena vātāvaraṇaṃ karosi. Kimatthametanti pucchantī.

7. Nivatthasākho hirisaṃvarāya,
Pilotikaṃ tattha pasārayanto;
Karosi vātāvaraṇaṃ samma,
Kimatthametaṃ vada pucchito meti.

So tassā cikkhanto āha.

8. Subhā subhāmissitasītavāto,
Sayam acittova acittabhāvā;

Dehaṃ phusitvāna asādhukassa,
Akataññuno mittapadhaṃsakassa.

9. Samāvahanto yadi me sarīre,
Phusāti [[phusātisāsaṅgati majjadāni itikattaci](#)] taṃ vāyu mamā visitvā;
Dukkhaṃ dadātīti viṣaṃva taṃ bho,
Parivajjituṃ baddhamimaṃ kucelanti.

Devatā āha.

10. Ki makāsi bho so katanāsako te,
Dhanañca dhaññaṃ tava nāsayī ca;
Mātā pitā bandhavo khetta vatthū,
Vināsitā tena vadehi kiṃ teti.

Tato so āha.

11. Yaṃ rājato hoti bhayaṃ mahantaṃ,
Sabbassa haraṇādivadhādikañca;
Akataññunā sappurisena hoti,
Ārāva so bho parivajjanīyo.
12. Yamatthi corāribhayañhi loke,
Atho dakenāpi ca pāvakena;
Akataññunā taṃ sakalampi hoti,
Ārāva so bho parivajjanīyo.
13. Pāṇātipātampi adinnadānaṃ,
Parassa dārūpagamaṃ musā ca;
Majjassa pānaṃ kalahañca pesunaṃ,
Samphaṃ giraṃ dhuttajanehi [[akkhadhuttādiyogaṃ itikatthaci](#)] yogaṃ.
14. Sabbaṃ anattaṃ asivaṃ anittthaṃ,
Apāyikaṃ [[apāyikaṃ itikatthaci](#)] dukkhamananta maññaṃ;
Akataññunā sappurisena hoti;
Ārāva so bho parivajjanīyoti.

Vatvā attanā asappurisaṃsaggenānubhūtaṃ sabbaṃ dukkhaṃ kathesi, tato devatā ahampi bho
satthuno maṅgalasuttadesanādivase imasmimyeva rukkhe nisinno.

Asevanā ca bālānaṃ, paṇḍitānañca sevanā;
Pūjā ca pūjanīyyānaṃ, etaṃ maṅgala muttamanti.

Gāthāya bālassa dose assosiṃti vatvā tassa pasanno taṃ attano vimānaṃ netvā nahāpetvā
dibbavathālaṅkārehi alaṅkaritvā dibbannaṃpānaṃ datvā mahantaṃ sakkārasammānaṃ katvā attano
ānubhāvena tasmimṃ nagare rajje abhisiñcāpesi. So tattha rajjaṃ karonto dānādīni puññaṃni katvā
āyupariyosāne yathākammaṃ gatoti.

15. Evaṃ asādhujanasāṅgamasannivāsaṃ,
Sañcajja sādhusucisajjanasāṅgamaṃ;
Dānādī nekakusalaṃ paripūrayantā,
Saggā pavaggavibhavaṃ abhisambhunāthāti.

Corasahāyassa vatthuṃ sattamaṃ.

18. Maruttabrāhmaṇassa vatthumhi ayamānupubbīkathā

Jambudīpe candabhāgā nāma gaṅgātīre homagāmaṃ nāma atthi. Tasmim̐ eko marutto nāma brāhmaṇo paṭivasati. Tadā so vohāratthāya takkasīlaṃ gantvā gehaṃ āgacchanto antarāmagge ekāya sālāya kuṭṭharogā turaṃ sunakhaṃ disvā tasmim̐ kāruṇṇena nīlavallitakkambilena madditvā pāyesi. Sunakho vūpasantarogo pākatico hutvā brāhmaṇena attano katūpakāraṃ sallakkhento teneva saddhim̐ agamāsi. Aparabhāge brāhmaṇassa bhariyā gabbhaṃ paṭilabhi, paripuṇṇagabbhāya tāya vijāyanakāle dārako tiriyaṃpatitvā antogabbheyeva mato. Tadā taṃ satthena khaṇḍākhaṇḍikaṃ chinditvā nīhariṃsu, atha brāhmaṇo taṃ disvā nibbindahadayo gharāvāsaṃ pahāya isipabbajjaṃ pabbajitvā araṇṇe viharati. Athassa bhariyā aṇṇena saddhim̐ saṃvasantī ayaṃ maṃ pahāya pabbajitoti brāhmaṇe paduṭṭhacittā bho brāhmaṇaṃ mārehīti sāmikena saddhim̐ mantesi. Tesam̐ mantanaṃ sunakho sutvā brāhmaṇeneva saddhim̐ carati. Athekadivasaṃ tassā sāmiko tā pa saṃ māressāmīti dhanu kalāpaṃ gahetvā nikkhami, tadā tāpaso phalāphalathāya araṇṇaṃ gato. Su na kho assameyeva o hī yi. Puriso tāpasassāgamanamaggaṃ olovento gacchantare nīlno acchi. Sunakho tassa pamādaṃ oloketvā dhanuno guṇaṃ khādītva chindi. So puna guṇaṃ pākaticaṃ katvā āropesi. Evaṃ so āropitaṃ āropitaṃ khāditeva, atha so pāpapuriso tāpasassāgamaṃ nātva taṃ māressāmīti dhanunā saddhim̐ agamāsi. Athassa sunakho pāde ḍasitvā pātetvā tassa mukhaṃ khādītva dubbalaṃ katvā bhunkāramakāsi, evaṇhi sappurisā attano upakāraṇaṃ paccupakāraṃ karonti. Vuttaṇhi.

1. Upakāraṃ karonto so, sunakho katavediko;
Sattūpaghātaṃ katvā, isino dāsi jīvitam̐.
2. Tiracchānāpi jānanti, guṇamattani kataṃ sadā;
Iti utvāna medhāvī, kataṇṇū hontu paṇinoti.

Tato tāpaso sunakhassa saddenā gantvā tassa taṃ vipakāraṃ disvā kāruṇṇena paṭijjiggitvā vūpasantavaṇaṃ balappattaṃ posetvā tattheva vasanto jhānābhiṇṇaṃ nibbattetvā āyupariyosāne brāhmalokaparāyaṇo ahoṣīti.

3. Sutvāna sādhu sunakhena katūpakāraṃ,
Mettim̐disassa pakataṃ isinā ca sutvā;
Sammā karoṭha karuṇaṇca parūpakāraṃ,
Taṃ sabbadā bhavati vo bhavabhogahetūti.

Maruttabrāhmaṇassa vatthum̐ aṭṭhamam̐.

19. Pānīyadinnassa vatthumhi ayamānupubbīkathā

Jambudīpe aṇṇatarasmim̐ janapade kire ko manusso raṭṭhato raṭṭhaṃ janapadato janapadaṃ vicaranto anukkamena candabhāgānadīturaṃ patvā nāvāṃ abhiruhitvā paratīraṃ gacchati. Athāparā gabbhinittī tāya eva nāvāya gacchati, atha nāvā gaṅgāmajjhappattakāle tassā kammajavātā calīṃsu. Tato sā vijāyitumasakkontī kilantā pānīyaṃ me detha, pipāsītāmhiti manusse yāci. Te tassā vacanaṃ asuṇantā viya pānīyaṃ nādaṃsu, atha so jānapadiko tassā karuṇāyanto [\[karuṇāyapānīyaṃ, karuṇāyantopānīyaṃ, karuṇāyatoyaṃ iticakatthaci\]](#) toyaṃ gahetvā mukhe āsiṅci, tasmim̐ khaṇe sā laddhassāsā sukhena dārakaṃ vijāyi, atha te tīraṃ patvā katipayadivasena attano attano ṭhānaṃ pāpuṇṇiṃsu. Athāparabhāge so jānapadiko aṇṇatarakiccaṃ paṭicca tassā itthiyā vasananagaraṃ patvā tattha tattha āhiṇḍanto nivāsanaṭṭhānaṃ alabhitvā nagaradvāre sālāṃ gantvā tattha nipajji. Tasmim̐yeva divase corā nagaraṃ pavisitvā rājagehe sandhim̐ chinditvā dhanasāraṃ gahetvā gacchantā rājapurisehi anubandhā gantvā tāyeva sālāya chaḍḍetvā palāyiṃsu. Atha rājapurisā āgantvā core apassantā taṃ jānapadikaṃ disvā ayaṃ coroti gahetvā pacchābāhaṃ gālhaṃ bandhitvā puna divase raṇṇo dassesuṃ. Raṇṇā kasmā bhaṇe corakamma makāsīti pucchito nāhaṃ deva coro, āgantukomhīti vutte rājā core pariyesitvā alabhanto ayameva coro, imaṃ mārethāti āṇāpesi. Rājapurisehi taṃ gālhaṃ bandhitvā āghātaṃ nīte sā itthī taṃ tathā nīyamaṇaṃ disvā saṇjānitvā kampamānahadayaṃ muhuttana raṇṇo santikaṃ gantvā vanditvā deva eso na coro āgantuko

muñcathetaṃ devāti āha. Rājā tassā kathaṃ asaddahanto yajjetaṃ mocetu micchasi. Tassagghanakaṃ dhanam datvā muñcāpehīti, sā sāmi mama gehe dhanam natthi. Apica mama sattaputtehi saddhiṃ maṃ dāsiṃ karohi, etaṃ muñca devāti āha, atha rājā tvam etaṃ adhunāgatoti vadasi. Etaṃ nissāya puttehi saddhiṃ attānaṃ dāsattaṃ sāvesi. Kimeso te ñāti vā, udāhu upakārakoti pucchanto āha.

1. Kiṃte bhoti ayaṃ poso, tuvaṃ pucchāmi saṃsayam;
Bhātā vā te pitā hoti, pati vā devaro tava.
2. Ñāti sālohito kinnu, udāhu iṇadāyako;
Athopakāraḥ kinnu, kasmāssa desi jīvitamti.

Tato sā āha.

3. Eso me puriso deva, katapubbopakāraḥ;
Atāṇamekikaṃ [\[attānamekikaṃ itikatthaci\]](#) ceso, dukkhitam maraṇe tthitam.
4. Vijāyitu masakkontiṃ, gabbhiniṃ dukkhavediniṃ;
Toyena maṃ upaṭṭhāsi, tenāhaṃ sukhitaṃ tadā.
5. Bhaṅgakallolamālāya, uttarantaṃ mahaṇṇavaṃ;
Pahāya pātuṃ kūpassa, yāti loko pipāsito.
6. Tatheva vijjamānesu, janesu manujādhipa,
Ekasseva manasmimhi, guṇam tiṭṭhati sādhuḥkaṃ.
7. Pahatvāna mataṃ hatthiṃ, maṃsatthi keci jantuno;
Anubandhanti maṃsattham, sasam dhāvanta mekakaṃ.
8. Tatheva vijjamānesu, janesu manujādhipa;
Guṇavanta manubandhanti, sappurisaṃ katavedikaṃ.
9. Tasmā sappurise dhamme, patiṭṭhāsmi narādhipa;
Anussaranti etena, katapubbū pakāraḥkaṃ.
10. Ahañca mama puttā ca, etenamha sukhāpitā;
Jīvitampi pariccajja, muccaṇīyo ayaṃ mayāti.

Tato rājā dovārikaṃ pakkosivā tampi pucchitvā adhunāgatabhāvaṃ ñatvā tassā sappurisdhamme santuṭṭho tesam ubhinnampi mahantaṃ yasaṃ anuppadāsi. Te laddhayasā ta to paṭṭhāya dānādīni puññakammāni katvā saggaparāyaṇā ahesunti.

11. Dhamme patiṭṭhitamanā api mātugāmā,
Evaṃ labhanti vibhavañca pasamañca;
Dhammañca sādhucaṇitaṃ manasīkaronto,
Dhammesu vattatha sadā sucisajjanāti.

Pāṇiyadinnassa vatthum navamaṃ.

20. Sahāyassa pariccattajīvitakassa vatthumhi ayamānupubbikathā

Bhagavati parinibbute sāvattiyam somabrāhmaṇo somadattabrāhmaṇoti dve brāhmaṇā vasanti. Tattha somadattabrāhmaṇena saddhiṃ somabrāhmaṇo yebhuyyena dūtaṃ kīlati. Atheskadivasam somadatto somabrāhmaṇam tena parājetvā tassa uttarasaṅgañca lañchanamuddikañca gahetvā attano geham gacchanto somabrāhmaṇassa ehi geham gacchā- māti āha. Tato somo nāham samma

ekasāṭako hutvā antaravīthiṃ otarituṃ sakkomi. Gamanato ettheva me ṭhānaṃ varataranti āha, somadattena evaṃ sati samma imaṃ uttarāsaṅgaṃ gaṇhāti tassa taṃ datvā idāni samma ehīti vuttopi nāgacchati. Puna tena bho kasmā nāgacchasīti puṭṭho samma mama hatthe muddikaṃ apassantā me puttadārādayo mayā saddhiṃ kalahaṃ karontīti āha, atha so evaṃ sante yadā te pahoti. Tadā mayhaṃ dehīti muddikampi datvā taṃ gahetvā geḥaṃ agamāsi. Atha te ettakena sahāyā ahesuṃ. Aparabhāge somadattabrāhmaṇaṃ ayaṃ paradārakammaṃ akāsīti manussā gahetvā rañño dassesuṃ. Rājā tassa rūpasampattiṃ disvā rājānaṃ akatvā mā bho puna evamakāsīti ovaḍitvā vissajjesi. Rājā naṃ yāvattiyavāraṃ ovaḍanto vissajjetvā catutthevāre gacchathetaṃ āghātanaṃ netvā mārethāti āṇāpesi. Evaṃ pāpakamme niratā anekākārena ovaḍantāpi na sakkā nivāretuṃ. Tathāhi.

1. Soṇā ceva sigālā ca, vāyasā nīlamakkhikā;
Iccete kuṇape sattā, na sakkā te nisedhituṃ.
2. Tathā pāṇātipātesu, paradāre surāya ca;
Musāvādesu theyyesu, sattasattā na vāriyāti.

Tato rājapurisā taṃ bandhitvā pakkamiṃsu. Tadā somabrāhmaṇo somadattaṃ tathā nīyamānaṃ disvā kampamānahādayo rājapurisānaṃ santikaṃ gantvā imaṃ bho muhuttaṃ mā māretha. Yāva rājānaṃ jānāpessāmīti vatvā rañño santikaṃ gantvā vanditvā ṭhito deva mama jīvitaṃ somadattassa brāhmaṇassa dassāmi. Etaṃ muñcatha. Yadi māretukāmā, maṃ mārethāti āha. Rājā tuṇhī [tuṭṭho itikatthaci] ahoṣi, rājapurisā somadattaṃ muñcivā somabrāhmaṇaṃ āghātanaṃ netvā māresuṃ, aho katañño uno kataveditā.

Hoti cettha.

3. Kakūpakāra mattānaṃ, sarantā keci mānusa;
Jīvitaṃ denti somova, somadattassa attanoti.

So tena jīvitadānena devaloke nibbattitvā mahante kanakavimāne devaccharāsahassaparivuto dibbasampattimanubhonto paṭivasati. Tadā somadattabrāhmaṇo eso maṃ maraṇappattaṃ mocēsīti vatvā tassatthāya dānaṃ datvā pattiṃ adāsi. Tāvadevassa tato bahutaraṃ devissariyaṃ ahoṣi devānubhāvaṇca. Tato so somadevo attano devissariyaṃ olokeno sahāyassa attano jīvitadānaṃ addasa. Disvā atabhāvaṃ vijahitvā māṇavakavaṇṇena somadattabrāhmaṇaṃ upasaṅkamitvā paṭisanthāraṃ katvā attānaṃ devaloke nibbattabhāvaṃ pakāsetvā taṃ gahetvā attano ānubhāvena devalokaṃ netvā yathākāmaṃ sampatti manubhavāti vatvā sattāhaṃ devassariyaṃ datvā sattame divase netvā tassa geheyeva paṭiṭṭhāpesi. Tattha hi dibbasampatti manubhūtaṃ manussasampatti paṭikkulā hoti. Tato so dibbasampattimanussaranto kiso dubbalo uppaṇḍuppaṇḍukajāto ahoṣi. Athekadivasam devaputto taṃ olokeno tathā dukkhappattaṃ disvā na sakkā manussena dibbasampattimanubhavitunti icchicchitasampattidāyakaṃ ekaṃ cintāmaṇiṃ datvā tassa bhariyampi attano ānubhāvena rūpavanthaṃ yasavantaṃ vaṇṇavantaṃ atikkantamanussitthivaṇṇaṃ akāsi, aparabhāge te jayampatikā paccakkhato diṭṭhadibbasampattivibhavā dānaṃ datvā sīlaṃ rakkhitvā sahāyadevaputtassa santikeyeva nibbattiṃsūti.

4. Mandena nanditamanā upakārakena,
Pāṇampi denti sujanā iti cintayitvā;
Mittaddu mā bhavatha bho upakārakassa;
Pāsaṃsiyā bhavatha sādhujaṇehi niccaṃti.

Sahāyassa pariccattajīvitakassa vatthuṃ dasamaṃ.

Nandiyarājavaggo dutiyo.

Yakkhavañcitavaggo

21. Yakkhavañcita vatthumhi ayamānupubbīkathā

Bhagavati parinibbutamhi kosalarañño kira janapade tuṇḍagāmonāma ahoṣi. Tattheke buddhadāso nāma manusso ‘yāvajīvaṃ buddhaṃ saraṇaṃ gacchāmi. Buddho me saraṇaṃ tānaṃ leṇaṃ parāyaṇanti’ evaṃ jīvitapariyaṇtaṃ buddhaṃ saraṇaṃ gato paṭivasati, tasmim̐ samaye eko janapadavāsiko tattha tattha āhiṇḍanto taṃ tuṇḍagāmaṃ patvā tasseva ghare nivāsaṃ kappesi, tassa pana jānapadikassa sarīre eko yakkho āvisitvā pīleti, tadā tassa gāmassa pavisanakāle yakkho buddhadāso pāsakassa guṇatejēna tassa geḥaṃ pavisitumaṃ asakkonto taṃ muñcitvā bahigāme sattāhaṃ aṭṭhāsi tassāgamaṇaṃ olokeno. Tato so jānapadiko sattadivasāṃ tattha vasitvā sattame divase sakaraṭṭhaṃ gantukāmo gāmā nikkhāmi. Atha taṃ tathā nikkhantaṃ disvā yakkho aggahesi, atha so taṃ ettakaṃ kālaṃ kuhiṃgatosīti pucchi. Yakkho bho tavatthāya ettha vasantassa me sattāhaṃ atikkantanti. Tato so ko te mayā attho, kiṃ te dammīti, atha yakkhena bho ahaṃ khudāya pīlito bhāttena me atthoti vutto so evaṃ sati kasmā maṃ antogehe vasantaṃ na gaṇhīti āha. Yakkhena bho tasmim̐ ghare buddhaṃ saraṇaṃ gato eko upasako atthi, tassa sīlatejēna geḥaṃ pavisitumasakkonto aṭṭhāsinti vutto jānapadiko saraṇaṃ nāma kinti ajānanto kinti vatvā so saraṇaṃ aggahesīti yakkhaṃ pucchi. Yakkho ‘buddhaṃ saraṇaṃ gacchāmi’ ti vatvā saraṇaṃ aggahesīti āha. Taṃ sutvā jānapadiko idāni imaṃ vañcessāmīti cintetvā tenahi yakkha ahampi buddhaṃ saraṇaṃ gacchāmīti āha. Evaṃ vuttamatteyeva yakkho mahāsaddaṃ karonto bha ye na bhamanto palāyi, evaṃ sammāsambuddhassa saraṇaṃ idhaloke bhayo paddava nivāraṇatthaṃ hoti, paraloke saggamokkhāvahaṃ. Tathāhi.

1. Buddhoti vacanaṃ etaṃ, amanussānaṃ bhayāvahaṃ;
Buddhabhattikajantūnaṃ, sabbadā mudamāvahaṃ.
2. Sabbopaddavanāsāya, paccakkhadibbamosadhaṃ;
Dibbamantaṃ mahātejaṃ, mahāyantaṃ mahabbhutaṃ.
3. Tasmā so dāruṇo yakkho,
Disvā taṃ saraṇe ṭhithaṃ;
Ubbiggo ca bhayappatto,
Lomahaṭṭho ca chambhīto.
4. Bhamanto dhāvitaṃ disvā, timirova suriyuggate,
Simbalitūlabhaṭṭhaṃva, caṇḍavātena khaṇḍitaṃ.
5. Yaṃ dukkhaṃ rājacorāri, yakkhapatā disambhavaṃ;
Nicchantena manussena, gantabbaṃ saraṇattayaṃti.

Tato jānapadiko saraṇāgamaṇe mahāguṇaṃ mahānisamsaṃ oloketvā buddhe sagāravo sappemo ‘jīvitapariyaṇtaṃ buddhaṃ saraṇaṃ gacchāmi’ ti saraṇaṃ gantvā teneva saraṇāgamaṇānubhāvena jīvitapariyosāne sutappabuddhoviya devaloke nibbattīti.

6. Disvāna evaṃ saraṇaṃ gataṃ taṃ,
Apeni yakkhāpi mahabbhayena;
Pāletha sīlaṃ saraṇaṇca tasmā,
Jahātha duritaṃ sugatiṃ bhajavhoti.

Yakkhavañcivatthumaṃ pathamaṃ.

22. Micchādīṭṭhikassa vatthumhi ayamānupubbīkathā

Bhagavati dharamāne rājagahanagare kira eko brahmabhattiko micchādīṭṭhiko paṭivasati, tattheva sammādīṭṭhikopi. Tesā ubhinnaṃpi dve puttā ahesuṃ. Te ekato kīlāntā vaḍḍhanti. Athāparabhāge guḷakīlāṃkīlāntānaṃ sammādīṭṭhikassa putto ‘namo buddhayā’ ti vatvā guḷhaṃ khipanto divase divase jināti. Micchādīṭṭhikassa putto ‘namo brahmuno’ ti vatvā khipanto parājeti,

tato micchādiṭṭhikassa putto niccam jinantaṃ sammādiṭṭhikaṃ kumāraṃ disvā samma tvam niccameva jināsi, kiṃ vatvā guḷaṃ khipasīti pucchi. Sohaṃ samma “namo buddhāyā”ti vatvā khipāmīti āha. Sopi tato paṭṭhāya “namo buddhāyā”ti vatvā khipati, atha te yebhuyyena dūte samasamāva honti. Aparabhāge micchādiṭṭhikassa putto pitarā saddhiṃ dārūnamatthāya vanam gantvā sakaṭena dāruṃ gahetvā āgacchanto nagaradvārasamīpe sakaṭaṃ vissajjetvā tiṇe khādanatthāya goṇe vissajjesi, goṇā tiṇaṃ khādanto aññehi gorūpehi saddhiṃ antonagaraṃ pavisiṃsu. Athassa pitā goṇe pariyesanto sakaṭaṃ olokehīti puttaṃ nivattetvā nagaraṃ pavitṭho ahoṣi, atha sāyaṇhe jāte manussā nagaradvāraṃ pidahiṃsu, tato kumāro bahinagare dārusakaṭassa heṭṭhā sayanto niddūpagato ahoṣi. Atha tassā rattiyaṃ sammādiṭṭhiko ca micchādiṭṭhiko cāti dve yakkhā gocaraṃ pariyesamānā sakaṭassa heṭṭhā nipannaṃ kumāraṃ addasaṃsu, tesu micchādiṭṭhiko imaṃ khādāmīti āha. Athāparo mā eva makāsi, “namo buddhāyā”ti vācako esoti, khādamevetanti vatvā itarena yāvataṭṭhiyaṃ vāriyamānopi gantvā tassa pāde gahetvā ākaḍḍhi. Tasmim̐ khaṇe dārako pubbapariyāyena “namo buddhāyā”ti āha taṃ sutvā yakkho bhayappatto lomahaṭṭho hatthaṃ vissajjetvā paṭikkamma aṭṭhāsi. Aho acchariyaṃ buddhānubhāvaṃ abbhutaṃ, evaṃ attam̐ anīyyātetvā pariyaṇaṃ “namo buddhāyā”ti vuttassapi bhayaṃ chambhitattaṃ upaddavaṃ vā na hoti. Pageva attam̐ nīyyātetvā yāvajīvaṃ buddhaṃ saraṇaṃ gatassāti. Vuttañhi.

1. Yathāpi sikhino nādaṃ, bhujāṅgānaṃ bhayāvahaṃ;
Evaṃ buddhoti vacanaṃ, amanussānaṃ bhayāvahaṃ.
2. Yathā mantassa jappena, vilayaṃ yāti kibbisam̐;
Evaṃ buddhoti vacanena, apayanti [\[pahāyanti itisabbattha\]](#) pisācakā.
3. Aggim̐ disvā yathā sitthaṃ, dūratova vilīyati;
Disvānevaṃ saraṇagataṃ, peṭā pentiva [\[petāpentāva itikatthaci\]](#) dūrato.
4. Pavaraṃ buddhaicceta, makkharadvayamabbhutaṃ;
Sabbo paddavanāsāya, thirapākāra muggataṃ.
5. Sattaratanapāsādaṃ, tameva vajiraṃ guhaṃ;
Tameva nāvaṃ dīpaṃ taṃ, tameva kavacaṃ subhaṃ.
6. Tameva sirasi bhāsantaṃ, kirīṭaṃ ratanāmayam̐;
Lalāṭe tilakaṃ rammaṃ, kappūraṃ nayanadvaye.
7. Tādaṅkaṃ kaṇṇayugale, soṇṇamālā gale subhā;
Ekāvaḷi tārahāra, bhārā jattusu laṅkatā.
8. Aṅgadaṃ bāhumūlassa, karagge valayaṃ tathā;
Aṅgulisvaṅguliyañca, khaggaṃ maṅgalasammaṭaṃ.
9. Soṇṇā tapatta muṇhīsaṃ, sabāṇaṃva sarāsaṇaṃ;
Tameva sabbālaṅkāraṃ, tameva duritāpahaṃ.
10. Tasmā hi paṇḍito poso,
Lokalocanasatthuno;
Saraṇaṃ tassa ganteva,
Guṇanāmaṃ ehipassikaṃ.
11. Namoti vacanaṃ pubbaṃ, buddhāyeti giraṃ tadā;
Supantena kumārena, micchādiṭṭhikasūnuna.
12. Sutvā vuttaṃ pisā cāpi, manussakuṇape ratā;
Na hiṃsanti aho buddha, guṇasāramahantatāti.

Atha sammādiṭṭhikayakkho micchādiṭṭhikassa yakkhassa evamāha, ayuttaṃ bho tayā kataṃ. Buddhaguṇe pahāro dinno, daṇḍakammaṃ tayā kātabbanti, tena kiṃmayā samma kātabbanti vutte bubhukkhitaṃ āhāraṃ dehīti āha. Tato so sādḥūti vatvā yāvāhaṃ āgacchāmi, tvaṃ tāvettha vacchāhīti vatvā bimbisārarañño kañcanaṭṭake vaḍḍhitaṃ rasabhojanaṃ āharitvā kumārassa pītuvaṇṇena dārakaṃ bhojetvā puna kumārena vuttabuddhavacanañca attanā katavāyāmaṃ cāti sabbam taṭṭake likhitvā idaṃ rañño yeva paññāyatūti adhiṭṭhāya agamaṃsu, atha pabhātāya rattiyā rañño bhojanakāle rājapurisā tattha taṭṭakaṃ adisvā nagaraṃ upaparikkhantā sakaṭe dārakañca taṭṭakañca disvā taṭṭakena saddhiṃ taṃ gahetvā rañño dassesuṃ. Rājā taṭṭake akkharādīni disvā vācētvā tassa guṇe pasanno mahantena yasena saddhiṃ seṭṭhiṭṭhānamadāsi.

13. Jinassa nāmaṃ supinena pevaṃ,
Na hoti bhītiṃ lapanena yasmā;
Tasmā munindaṃ satataṃ sarātha,
Guṇe sarantā saraṇaṃca yāthāti.

Micchādiṭṭhikassa vatthum dutiyaṃ.

23. Pādapīṭhikāya vatthumhi ayamānupubbīkathā

Jambudīpe mahābodhito kira dakkhiṇapasse etaṃ paccantanagaraṃ ahosi. Tattha saddhāsammaṃ ratanattayamāmaṃ eko upāsako paṭivasati. Tadā eko khīṇāsavo bhagavatā paribhuttaṃ pādapīṭhaṃ thavikāya pakkipitvā gatagataṭṭhāne pūjento anukkamena taṃ nagaraṃ sampāpuṇitvā sunivattho supāruto pattaṃ gahetvā antaravīthiṃ paṭipajji yugamattadaso pabbajjālīlaya janaṃ paritosento. Atha so upāsako tathā gacchantaṃ theram disvā pasannamānaso upagantvā pañcapaṭiṭṭhitena vanditvā pattaṃ gahetvā bhojetvā nibaddhaṃ mama gehaṃ āgamanamicchāmi, mamānukampāya ettheva vasatha sāmīti yācitvā nagarāsanne ramaṇīye vanasaṇḍe nadīkūle paṇṇasālaṃ katvā therassa taṃ nīyyātetvā catupaccayehi paṭijagganto mānento pūjento vasati. Theropi tattha phāsukaṭṭhāne bhagavatā paribhuttaṃ pādapīṭhadhātum nidhāya vālukāhi thūpaṃ katvā niccaṃ gandhadhūpadīpapupphapūjādīhi pūjayamāno vāsaṃ kappeti. Tasmīṃ samaye tassa pāsakassa anantaragehavāsiko eko issarabhattiko attano devataṃ nibaddhaṃ namassati. Taṃ disvāssa upāsako buddhaguṇe vatvā akhette samma mā viriyaṃ karohi. Pajahetaṃ diṭṭhiṃti āha. Tato so kerāṭiko issarabhattiko ko te satthu guṇānubhāvo, amhākaṃ issarassa guṇova mahantoti vatvā tassa aguṇaṃ guṇanti kathento āha.

1. Tipuraṃ so vināsesi, lalāṭanayanagginā;
Asureca vināsesi, tisūlena mahissaro.
2. Jaṭākālāpamāvattaṃ, naccatī dinasandhiyaṃ;
Vādeti bherivīṇādīṃ, gītaṃcāpi sa gāyati.
3. Bhariyāyo tassa tisso, jaṭāyekaṃ samubbahe;
Ekamekena passena, passamāno carekakaṃ.
4. Hatthicammambaradharo, teneva vāritā tapo;
Asādisehi puttehi, rūpena ca supākaṭo.
5. Ratiyā ca madhupāne ca, byāvaṭo sabbadā ca so;
Manussaṭṭhidharo sīsa, kapālenesa bhuñjaki.
6. Na jāto na bhayaṃ tassa, maraṇaṃ natthi sassato;
Īdiso me mahādevo, natthaññassīdiso guṇoti.

Taṃ sutvā upāsako samma tuyhaṃ issarassa ete guṇā nāma tāva hontu. Agūṇā nāma kittakā hontīti vatvā bhagavato sakalaguṇe saṃharitvā kathento āha.

7. Loke sabbasavantīnaṃ, ādhāro sāgaro yathā;
Sabbesaṃ guṇarāsīnaṃ, ādhārova tathāgato.
8. Carācarānaṃ sabbesaṃ, ādhārāva dharā ayaṃ;
Tathā guṇānaṃ sabbesaṃ, ādhārova tathāgato.
9. Evaṃ santo viyattoca [viyanto itikatthaci], evaṃ so karuṇāparo;
Eva middhividhā tassa, evamevaṃ guṇā iti.
10. Buddhopi sakkoti na yassa vaṇṇe,
Kappampi vatvā khayataṃ gametaṃ;
Pageva ca brahmasurā surehi,
Vattaṃ na hānantaṃ guṇassa vaṇṇanti.

Evaṃ vadantā pana te ubhopi amhākaṃ devo uttamo amhākaṃ devo uttamoti kalahaṃ vaḍḍhetvā rañño santikamaṃgamaṃsu, rājā tesāṃ kathaṃ sutvā tenahi tumhākaṃ devatānaṃ mahantabhāvaṃ iddhipāṭihāriyena jānissāma. Dassettha tehi no iddhiṃti nagare bheriṃ carāpesi. Ito kira sattāhaccayena imesaṃ dvinnaṃ satthārānaṃ pāṭihāriyāni bhavissanti. Sabbe sannipatantūti taṃ sutvā nānādisāsu bahū manussā samāgamaṃsu, atha micchādiṭṭhikā ajja amhākaṃ devassa ānubhāvaṃ passāmāti mahantaṃ pūjaṃ karonto tattha sāraṃ nāddasaṃsu, sammādiṭṭhikāpi ajja amhākaṃ bhagavato ānubhāvaṃ passissāmāti vālukāthūpaṃ gantvā gandhamālādīhi pūjetvā padakkhiṇaṃ katvā añjalimpaggayha aṭṭhaṃsu. Atha rājāpi balavāhanaparivuto ekamante aṭṭhāsi. Nānāsamayavādinopi ajja tesāṃ pāṭihāriyaṃ passissāmāti mañcātimañcaṃ katvā aṭṭhaṃsu. Tesāṃ samāgame sammādiṭṭhikā vālukāthūpa mabhimukhaṃ katvā añjalimpaggayha sāmi amhākaṃ bhagavā sabbabuddhakkicāni niṭṭhāpetvā anupādisesāya nibbānadhātuyā parinibbāyi. Sāriputtamahāmoggallānādayo asītimahāsāvakaṃ parinibbāyīṃsu, natthettha amhākaṃ aññaṃ paṭisaraṇanti vatvā saccakiriyaṃ karontā āhaṃsu.

11. Āpāṇakoṭiṃ buddhassa, saraṇaṃ no gatā yadi;
Tena saccena yaṃ dhātu, dassetu pāṭihāriyaṃ.
12. Āpāṇakoṭiṃ dhammassa, saraṇaṃ no gatā yadi;
Tena saccena yaṃ dhātu, dassetu pāṭihāriyaṃ.
13. Āpāṇakoṭiṃ saṅghassa, saraṇaṃ no gatā yadi;
Tena saccena yaṃ dhātu, dassetu pāṭihāriyaṃ.
14. Rāmakāle munindassa, pādukā cāsi abbhutā;
Tena saccena yaṃ dhātu, dassetu pāṭihāriyaṃ.
15. Chaddantakāle munino, dāṭhā charaṃsirañjitaṃ;
Tena saccenayaṃ dhātu, nicchāretu cha raṃsiyo.
16. Jātamatto tadā buddho, ṭhito paṅkajamuddhani;
Nicchāresāsabhimvācaṃ, aggo seṭṭhotiādinaṃ;
Tena saccenayaṃ dhātu, dassetu pāṭihāriyaṃ.
17. Nimitte caturo disvā, nikkhanto abhinikkhamaṃ;
Tena saccena yaṃ dhātu, dassetu pāṭihāriyaṃ.
18. Mārasenaṃ palāpetvā, nisinno bujji bodhiyaṃ;
Tena saccena yaṃ dhātu dassetu pāṭihāriyaṃ.
19. Dhammacakkaṃ pavattesi, jino sipatane tadā;
Tena saccena yaṃ dhātu, dassetu pāṭihāriyaṃ.

20. Nandopanandabhogindaṃ, nāgaṃ nālāgiriṅghayaṃ;
Ālavakā dayo yakkhe, brahmāno ca bakā dayo.
21. Saccakādinigaṅṭheca, kūṭadantā dayo dvije;
Damesi tena saccena, dassetu pāṭihāriyaṃti.

Evañca pana vatvā upāsakā amhākaṃ anukammaṃ paṭicca mahājanassa micchādīṭṭhibhedanattaṃ pāṭihāriyaṃ dassetha sāmīti ārādhesuṃ. Atha buddhānubhāvañca therānubhāvañca upāsakānaṃ saccakiriyaṃnubhāvañca paṭicca vālukāthūpaṃ dvidhā bhinditvā pādapīṭṭhadhātu ākāsa mabbhuggantvā chabbaṇṇaramsiyo vissajjentī vilāsamānā aṭṭhāsi. Atha mahājanā celukkhepasahassāni pavattentā sādhuṅgīḥaṃ kīlāntā mahānādaṃ pavattentā mahantaṃ pūjamaṃsu. Micchādīṭṭhikāpi imaṃ acchariyaṃ disvā vimhitamānasā micchādīṭṭhiṃ bhinditvā ratanattayaparāyaṇā saraṇa magamaṃsūti.

22. Phuṭṭhopi pādena jinassa evaṃ,
Kaliṅgaro pā si mahānubhāvo;
Lokekanāthassa anāsavassa,
Mahānubhāvo hi acintanīyoti.

Pādapīṭṭhikāya vatthuṃ tatiyaṃ.

24. Uttarasāmaṇerassa vatthumhi ayamānupubbīkathā

So kira purimabuddhesu [purimabuddhe itisabbattha] katādhikāro tattha tattha bhava vivaṭṭūpanissayaṃ puññaṃ upacinanto sumedhassa bhagavato kāle vijjādharo hutvā himavati paṭivasati. Tadā sumedho nāma sammāsambuddho viveka manubrūhanto himavantaṃ gantvā ramaṇīye padese pallaṅkaṃ ābhujitvā nisīdi. Tadā vijjādharo ākāseṇa gacchanto chabbaṇṇaramsihi virājamānaṃ bhagavantaṃ disvā tīhi kaṇikārapupphehi pūjesi, pupphāni buddhānubhāvena satthu upari chattākāreṇa aṭṭhaṃsu, so tena bhīyyoso mattāya pasannacitto hutvā aparabhāge kālaṃkatvā tāvatimsabhavane nibbattitvā ulāraṃ dibbasampattimanubhavanto yāvatāyukaṃ tattha ṭhatvā tato cuto devamanussesu saṃsaranto imasmiṃ buddhuppāde rājagahanagare brāhmaṇamaḥāsālassa putto hutvā nibbatti. Uttaratissa nāmaṃ ahoṣi. So uttamarūpadharo viññutaṃ patto brāhmaṇavijjāsu nipphattiṃ patvā jātiyā rūpeṇa vijjāya sīlācāreṇa ca lokassa mahānīyo jāto, tassa taṃ paññāsampattiṃdisvā vassakāro magadhamahāmatto attano dhītaṃ dātukāmo hutvā attano adhippāyaṃ pavedesi. So nissaraṇajjhāsayatāya taṃ paṭikkhipitvā kālenakālaṃ dhammasenāpatim payirupāsanto tassa santike dhammaṃ sutvā paṭiladdhasaddho pabbajitvā vattasampanno hutvā therāṃ upaṭṭhahati. Tena ca samayena therassa aññataro ābādho uppanno hoti, tassa bhesajjathāya uttarasāmaṇero pātova pattacīvara mādāya vihārato nikkhama antarāmagge taḷākassa tīre pattaṃ ṭhapetvā udakasamīpaṃ gantvā mukhaṃ dhovati, tadā aññataro ummaggacoro katakammo ārakkhapurisehi anubaddho aggadvāreṇeva nagarato nikkhamitvā palāyanto attanā gahitaṃ ratanabhaṅḍikaṃ sāmaṇerassa patte pakkhipitvā palāyi. So sāmaṇeropi pattasamīpaṃ [sattusamīpaṃ itipi katthaci] upagato hoti, coraṃ anubandhantā rājapurisā sāmaṇerassa patte bhaṅḍikaṃ disvā ayaṃ coro, iminā coriyaṃ katanti sāmaṇeraṃ pacchābāhaṃ bandhitvā vassakārassa brāhmaṇassa dassesuṃ. Vassakāro ca tadā rañño vinicchaye niyutto hutvā chejjabhejjaṃ anusāsati. So eso pubbe mama vacanaṃ nādiyi. Suddhapāsaṇḍiyesu pabbajīti ca baddhāghātattā taṃ kammaṃ asodhetvāya jīvantamevetāṃ sūle uttāsethāti āṇā pesi, rājapurisā taṃ nimbasūle uttāsesuṃ. Sāmaṇero sūlagge nisinno upajjhāyassa me ko bhesajjaṃ āharissatīti sārīputtattherāṃ sari. Tato thero taṃ pavattiṃ ṇatvā sammāsambuddhassa kathesi, bhagavāpi mahāsāvakaṃ parivuto tassa ṇāṇaparipākaṃ oloketvā taṃ ṭhānamagamāsi. Tato bhagavato nikkhantabhāvā sakalanagare kolāhalaṃ ahoṣi, mahājanakāyo sannipati. Atha bhagavā vipphurantaṭṭhatale nakhamaṇimayūkhasambhinnapītābhāsātāya paggharantajātihiṅgulakasuvaṇṇarasadhārāviya jālāvaguṇṭhitamudatalunaṅgulaṃ hatthaṃ uttarassa sīse ṭhapetvā uttara idaṃ te pubbe katapāpakammaṃ phalaṃ uppannaṃ, tattha tayā paccavekkhaṇabalena adhiṅāsānā kātabbāti āha. Teneva āha.

1. Atīte kira ekasmiṃ, gāme tva masi dārako;

Dārekehi samāgama, kīlanto keḷimaṇḍale.

2. Gahetvā sukhumam sūkam, tadā tvam nimbajalliyā;
Uttāsesi tattha sūle, jīvamānakamakkhikam.
3. Aparampi te pāpakammaṃ, pavakkhāmi suṇohi me;
Ovadantiṃ hitena tvam, atīte sakamātaram.
4. Jīvasūle nisīdāti, kopenābhisapī tuvaṃ;
Imehi dvīhi pāpehi, saram saṃsārasāgare.
5. Pañcajātisate acchi, jīvasūlamhi nimbaje;
Ayaṃ te carimā jāti, etthāpica vipacci soti.

Evamādinā nayena tassa ajjhāsayanurūpena dhammaṃ desesi, uttaro amatābhisekasadisena satthuno hatthasamphassasañjātapasādasomanassatāya ulāraṃ pītipāmojjaṃ paṭilabhivā yathāparicitaṃ vipassanāmaggaṃ samārūḷho ñāṇassa paripākam gatattā satthu desanāvilāsena maggaṃ paṭipāṭiyā sabbakilese khepetvā chaḷabhiñño ahoṣi. Dhammaṃ sutvā tattha samāgatānaṃ devamanussānaṃ caturāsītipānasahassānaṃ dhammābhisamayo ahoṣīti vadanti. Uttaro pana chaḷabhiñño hutvā sūlato uttāhitvā ākāse thatvā paṭihāriyaṃ dassesi. Mahājanā acchariyabbhutamā jātā ahesuṃ. Tāvadevassa vaṇorundhi, so bhikkhūhi āvuso tādisaṃ dukkhaṃ anubhavanto kathaṃ tvam vipassanaṃ anuyuñjituṃ sakkhīti puṭṭho pageva me āvuso saṃsāre ādīnavo saṅkhārānañca sabhāvo sudiṭṭho. Tasmāhaṃ tādisaṃ dukkhaṃ anubhavantopi asakkhim vipassanaṃ vaḍḍhetvā visesaṃ adhigantuṃti āha. Athāparabhāge so bhikkhusaṅghamajjhe attano pubbacaritā padānaṃ pakāsento imā gāthā abhāsi.

6. Sumedho nāma sambuddho, dvattimsavaralakkhaṇo;
Vivekakāmo sambuddho, himavanta mupāgami.
7. Ajjhogahetvā himavantaṃ, aggo kāruṇiko muni;
Pallaṅkaṃ ābhujitvāna, nisīdi purisuttamo.
8. Vijjādharo tadā āsim, antalikkhacaro ahaṃ;
Tisūlaṃ sukataṃ gayha, gacchāmi ambare tadā.
9. Pabbatagge yathā aggi, puṇṇamāseva candimā;
Vanaṃ obhāsate buddho, sālarājāva phullito.
10. Vanaggā nikkhamitvāna, buddharaṃsī vidhāvare;
Nalaggivaṇṇasānkāsā, disvā cittaṃ pasādayim.
11. Vicinaṃ addasaṃ pupphaṃ, kaṇikāraṃ devagandhikaṃ;
Tīṇi pupphāni ādāya, buddhaseṭṭhaṃ apūjayim.
12. Buddhassa ānubhāvena, tīṇi pupphāni me tadā;
Uddhavaṇṭā adhopattā, chāyaṃ kubbanti satthuno.
13. Tena kammaṃ sukateṇa, cetanāpaṇidhīhica;
Jahitvā mānusaṃ dehaṃ, tāvatimsamagañchahaṃ.
14. Tattha me sukataṃ byamhaṃ, kaṇikārīti ñāyati;
Saṭṭhiyojana mubbedhaṃ, tiṃsayojanavitthatam.
15. Sahassakhaṇḍaṃ satabheṇḍu, dhajālu haritāmayaṃ;
Satasahassāni byūhāni, byamhe pāturaḥamsu me.

16. Soṇṇamayā maṇimayā, lohitaṅkamayā pica;
Phalikā pica pallaṅkā, yadicchaka yadicchakā.
17. Mahārahaṅca sayanaṃ, tūlikaṃ vikatīyakaṃ;
Uddalomikaekantaṃ, bimbohanasamāyutaṃ.
18. Bhavanā nikkhamitvāna, caranto devacārikaṃ;
Yadā icchāmi gamaṇaṃ, devasaṃghapurakkhato.
19. Puppassa heṭṭhā tiṭṭhāmi, uparicchadanaṃ mama;
Samantā yojanasataṃ, kaṇikārehi chāditaṃ.
20. Saṭṭhituriyasahassāni, sāyaṃ pātaṃ upaṭṭhahaṃ;
Parivārenti maṃ niccaṃ, rattindivamatanditā.
21. Tattha naccehi gītehi, tālehi vāditehi ca;
Ramāmi khiḍḍāratiyā, modāmi kāmakāmahaṃ.
22. Tattha bhutvā ca pitvā ca, modāmi tidase tadā;
Nārīgaṇehi sahito, modāmi byamhamuttame.
23. Satānaṃ pañcakkhattuṅca, devarajja makārayiṃ;
Satānaṃ tīṇikkhattuṃca, cakkavattī ahasahaṃ;
Padesarajjaṃ vipulaṃ, gaṇanāto asaṃkhiyaṃ.
24. Bhavābhava saṃsaranto, mahābhogaṃ labhāmahaṃ;
Bhoge me ūnatā natthi, buddhapūjāyi daṃ phalaṃ.
25. Dve me bhava saṃsarāmi, devatte atha mānuse;
Aññaṃ gatiṃ na jānāmi, buddhapūjāyidaṃ phalaṃ.
26. Dve me kule pajānāmi, khattiye cāpi brāhmaṇe;
Nīce kule na jānāmi, buddhapūjāyidaṃ phalaṃ.
27. Hatthiyānaṃ assayānaṃ, sivikaṃ sandamānikaṃ;
Labhāmi sabbameve taṃ, buddhapūjāyidaṃ phalaṃ.
28. Dāsīgaṇaṃ dāsagaṇaṃ, nāriyo ca alaṅkatā;
Labhāmi sabba meve taṃ, buddhapūjāyidaṃ phalaṃ.
29. Koseyyakambaliyāni, khomakappāsikānica;
Labhāmi sabbamevetā, buddhapūjāyidaṃ phalaṃ.
30. Navavatthaṃ navaphalaṃ, navaggarasabhojanaṃ;
Labhāmi sabbamevetā, buddhapūjāyidaṃ phalaṃ.
31. Imaṃ khāda imaṃ bhuñja, imamhi sayane saya;
Labhāmi sabbamevetā, buddhapūjāyidaṃ phalaṃ.
32. Sabbattha pūjito homi, yaso accuggato mama;
Mahesakkho ghadā homi, abhejjapariso sadā;
Ñātīnaṃ uttamo homi, buddhapūjāyidaṃ phalaṃ.
33. Sītaṃ uṇhaṃ na jānāmi, pariḷāho na vijjati;
Atha cetasiṅkaṃ dukkhaṃ, hadaye me na vijjati.

34. Suvanṇavaṇṇo hutvāna, saṃsarāmi bhavābhavē;
Vevaṇṇiyaṃ na jānāmi, buddhapūjāyidaṃ phalaṃ.
35. Devalokā cavitvāna, sukkamūlena codito;
Sāvattiyaṃ pure jāto, mahāsāle suaḍḍhake.
36. Pañcakāmaguṇe hitvā, pabbajjīmanagāriyaṃ;
Jātiyā sattavassohaṃ, arahattamaṃpāpuṇiṃ.
37. Upasampādayī buddho, guṇamaññāya cakkhumā;
Taruṇova pūjanīyo haṃ, buddhapūjāyidaṃ phalaṃ.
38. Dibbacakkhuṃ visuddhaṃ me, samādhikusalo ahaṃ;
Abhiññāpāramippatto, buddhapūjāyidaṃ phalaṃ.
39. Paṭisambhidā anupatto, iddhipādesu kovido;
Saddhamme pāramippatto, buddhapūjāyidaṃ phalaṃ.
40. Tiṃsakappasahassamhi, yaṃ buddhamabhipūjayaṃ;
Duggatiṃ nābhijānāmi, buddhapūjāyidaṃ phalaṃ.
41. Kilesā jhāpitā mayhaṃ, bhavā sabbe samūhatā;
Nāgoṇa bandhanaṃ chetvā, viharāmi anāsavo.
42. Svāgataṃ vata me āsi, buddhaseṭṭhassa santikaṃ;
Tisso vijjā anupatto, kataṃ buddhassa sāsanaṃ.
43. Paṭisambhidā catasso ca, vimekkhā pica aṭṭhime;
Chalābhiññā sacchikatā, kataṃ buddhassa sāsanaṃti;
Taṃ sutvā bahū kusalakammaṃparāyaṇā ahesuṃ.
44. Sahetukā pacchimikāpi sattā,
Pāpaṃ na sakkonti jahātumevaṃ;
Anicchamānehi janehi dukkhaṃ,
Ārāva pāpaṃ parivajjanīyaṃti.

Uttarasāmaṇerassa vatthum catutthaṃ.

25. Kavīrapaṭṭana vatthumhi ayamānupubbīkathā

Jambudīpe kira coḷaraṭṭhe kāvīrapaṭṭanaṃ nāma ahoṣi. Tattha māhissarikā bahū micchādīṭṭhikā vasanti. Tatthekasmiṃ devālaye cittakammaṃ karontā ekasmiṃ phalake issarassa onamītvā vandanākāraṃ bhagavato rūpaṃ akaṃsu. Tasmīṃ samaye tattha bahū upāsakā taṃ devakulaṃ gantvā tattha cittakammāni oloketā tasmīṃ phalake taṃ cittakammaṃ addasaṃsu. Disvāna te aho amhehi apassitabbaṃ passitaṃ. Sadevake loke samārake sabrahmake sassamaṇabrāhmaṇiyāsadevamanussāya pajāya ca aparimāṇesu cakkavāḷesu bhagavato uttaritaraṃ ṭhapetvā samasamopi natthi. Sakalehi sattanikāyehi vandaniyo pūjanīyo bhagavā. Ananurūpaṃ tassa etehi kataṃti rodantā paridevantā rājadvāraṃ gantvā ugghosesuṃ, taṃ sutvā rājā te pakkosāpetvā kasmā tumhe ugghosethāti pucchi, te eva māhaṃsu. Deva amhākaṃ bhagavā devātidevo sakkātisakko brahmātibrahmā meruva acalo sāgaro gambhīro ākāsova ananto pathavīva patthaṭotiādīhi bhagavato guṇaṃ vaṇṇesuṃ. Tena vuttaṃ apadāne.

1. Battīmsalakkhaṇadharo, sunakkhattova candimā;
Anubyañjanasampanno, sālārājāva phullito.

2. Ramsijālaparikkhitto, dittova kanakācalo;
Byāmapabhāparivuto, sataraṃsi divākaro.
3. Soṇṇā nano jinavaro, samaṇīva siluccayo;
Karūṇapuṇṇahadayo, vivaṭṭo viya sāgaro.
4. Lokavissutakittīva, sineruva naguttamo;
Yasasā vitato dhīro, ākāsasadiṣo muni.
5. Asaṅgacitto sabbattha, anilo viya nāyako;
Patiṭṭhā sabbabhūtānaṃ, mahīva munisuttamo.
6. Anūpalitto lokena, toyena padumaṃ yathā;
Kuvādagacchadahano, aggikkhandhova sobhati.
7. Agado viya sabbattha, kilesavisanāsako;
Gandhamādanaselova, guṇagandhavibhūsito.
8. Guṇānaṃ ākaro dhīro, ratanānaṃva sāgaro;
Sindhūva vanarājīnaṃ, kilesamalahārako.
9. Vijayīva mahāyodho, mārasenappamaddano;
Cakkavattīva so rājā, bojhaṅgaratanissaro.
10. Mahābhisakkasāṅkāso, dosabyādhitikicchako;
Sallakatto yathā vejjā, diṭṭhigaṇḍaviphālako.
11. Sattā no bhagavā deva, mahābrahmehi vandito;
Devindasurasiddhehi, vandanīyo sadā darā.
12. Sabbesu cakkavāḷesu, ye aggā ye ca pūjītā;
Tesamaggo mahārāja, bhagavā no patāpavāti.

Ayuttaṃ deva devakulehi kataṃti āhaṃsu. Taṃ sutvā rājā bho sabbepi manussā attano attano devatānaṃ mahantabhāvaṃ kathenti. Tumhākaṃ pana sattuho mahantabhāvaṃ kathaṃ amhākaṃ jānāpethāti, upāsakā na garu tvaṃ mahārāja phalakaṃ āharāpetvā suddhavatthena veṭhetvā taṃ attano muddikāya lañchitvā surakkhitasugopite ekasmiṃ devakule ṭhapetvā sattāhaccayena āharāpetvā taṃ oloketha, tadā no sattuho mahantānubhāvaṃ jānāthāti āhaṃsu, atha rājā tesam vuttaniyāmeneva kārapetvā antodevakule ṭhapetvā sabbadvārāni pidahitvā lañchetvā rakkheyyāthāti niyojesi. Tato te upāsakā sabbe sannipatitvā sattāhaṃ dānaṃ dentā sīlaṃ rakkhantā uposathakammaṃ karontā sabbasattesu mettīm bhāventā sabbasattānaṃ attanā katapuññesu pattīm dentā tiṇṇaṃ ratanānaṃ pūjaṃ karontā evaṃ ugghosesuṃ. Amhākaṃ katakusalanissandena loke mahiddhikā mahānubhāvā sabbe devā ca lokaṃ pālentā cattāro mahārājāno ca amhākaṃ sattuho upaṭṭhānāya [upaṭṭhāya itisabbattha] ṭhitabhāvaṃ dassentūti saccakiriyaṃ akaṃsu. Atha tesam puññānubhāvena tasmiṃ khaṇe sakkassa devaraṅṅo paṇḍukambalasilāsaṃ uṇhākāraṃ dassesi. Tato so manussalokaṃ olokeno micchādīṭṭhīhi kataṃ taṃ vippakāraṃ disvā saṃviggo āgantvā issaraṃ bhagavato pāde vanditvā sayitākāraṃ katvā taṃ pavattīm upāsakānaṃ kathetvā sakaṭṭhānameva agamāsi. Tato sattame divasepātova te sabbepi raṅṅo santikaṃ gantvā vanditvā evamāhaṃsu. Deva issaro amhākaṃ bhagavato pāde sirasā vanditvā nipannotī. Atha rājā tesam kathaṃ sutvā nagare bheriṃ carāpetvā mahājane sannipātetvā tehi parivuto devakulaṃ gantvā lañchaṃ bhindāpetvā dvāraṃ vivaritvā phalakaṃ āharāpetvā veṭhitasātake mocāpesi. Atha rājā ca mahājano ca taṃ mahantaṃ pāṭihāriyaṃ disvā micchādīṭṭhiṃ pahāya sabbe sattuho saraṇa magamaṃsu. Atha rājā taṃ devakulaṃ bhindāpetvā mahantaṃ ramaṇīyaṃ vihāraṃ kārapetvā yāvajīvaṃ puññakammaṃ katvā devaloke nibbatti.

13. Anabbhutaṃ satthu dharīyamāne,
Karonti disvā kusalāni iddhiṃ;
Ye taṃ muninde parinibbutamhi,
Karonti puññāni mahabbhūtaṃ yeti.

Kāvīrapaṭṭānavatthum pañcamaṃ.

26. Coraghātakavatthumhi ayamānupubbīkathā

Ekasmiṃ kira samaye amhākaṃ bhagavā sāvattiyaṃ upanissāya jetavane viharati dhammadesanāya mahājanassa saggamokkhasampadaṃ dadamāno. Tasmimsamaye pañcasatā corā aṭavito nagaraṃ āgantvā rattibhāge corakammaṃ katvā tena puttadāre posenti. Athekadivasam corā corakammattāya nagaraṃ pavisantā nagaradvāre ekaṃ dukkhitaṃ janapadamanussam passitvā hambho kattha vasatīti pucchimsu, so attajanā janapadavāsibhāvaṃ pakāsesi. Athassa te kasmā bho iminā dukkhavāseṇa vasissasi, ehi amhehi saddhiṃ corakammaṃ karonto vatthālaṅkārasampanno puttadāraṃ posehi. Iminā kapaṇavāseṇa na vasāti āhaṃsu. So panime yuttaṃ kathenti tesam vacanaṃ sampaṭicchi. Atha te evaṃ sati amhehi saddhiṃ āgacchāhīti vatvā naṃ gahetvā antonagaraṃ pavitṭhā tattha tattha vilumpantā corakammaṃ akaṃsu. Tadā jānapadiko laddhavibhavo imameva varataranti tehi saddhiṃ corakammaṃ karonto jīvikaṃ kappesi, athekadivasam rājapurisā katakamme te sabbeva gahetvā pacchābhāvaṃ gāḷhaṃ bandhitvā kosalarañño dassesum, rājā te disvā evamāha, bhaṇe tumhākaṃ antare yo etesaṃ māretvā jīvitakkhayaṃ pāpessati, tassa jīvitadānaṃ dammīti, taṃ sutvā te corā sabbe aññamaññañātisuhadasambandhabhāvena taṃ na icchimsu. So pana janapadavāsī manusso ahamete sabbe māressāmīti rañño vatvā tenānuññāto te sabbe māresi. Taṃ disvā tuṭṭho rājā tassa coraghātakammaṃ adāsi. So core ca vajjhappatte ca mārento pañcavīsativassāni vasanto aparabhāge mahallako ahoṣi. Atha so mandabalattā katipayapahārenāpi coraṃ māretum na sakkoti, rājā taṃ ñatvā aññassa coraghātakammaṃ adāsi. Atha so coraghātakammā [\[coraghātakamma itipikatthaci\]](#) parihīno attano gehe vasati. Tadā aññataro manusso mantam parivattetvā nāsāvātena manussamāraṇakamantaṃ jānāti. Tathāhi hatthapādakaṇṇanāsāsīsādīsuyamkiñci chejjabhejjaṃ kattukāmo mantam parivattetvā nāsāvātam vissajjeti. Taṃ taṃ ṭhānaṃ chijjati bhijjati, evaṃ mahānubhāvo so manto, atha so taṃ purisaṃ upaṭṭhahitvā mantam labhitvā rañño sāsanaṃ pesesi. Aham ito pubbe mahallakattā corānaṃ hatthapādādayo dukkhena chejja bhejjaṃ karomi, māretabbepi dukkhena māremi. Idāni pañāhaṃ tathā na karomi, mama mantānubhāvena chejjabhejjakammaṃ karissāmīti. Rājā taṃ sāsanaṃ sutvā sādhiṭi taṃ pakkosāpetvā ṭhānantaram tasseva pākātika makāsi. So tato paṭṭhāya taṃ kammaṃ karonto puna pañcavassāni atikkāmesi. So mahallako khīṇāyuko dubbalo maraṇamañcaparāyaṇo hutvā maraṇavedanādukkhena mahantena bhayānakena saddena vissaraṃ viravanto nimīlitena cakkhunā bhayānakaṃ narakaggijālāpajjalantaayakūṭamuggaradhare nirayapāle ca passanto nipanno hoti, tato tassa paṭivissakagehe manussā tassa bhayānakasaddasavaṇeṇa gehaṃ chaṭṭetvā palāyimsu. Tasmim kira divase mahāsāriputtatthero dibbacakkhunā lokaṃ oloketā taṃ coraghātakam tadaheva kālamkatvā niraye nibbattamānaṃ disvā mayi tattha gate panesa mayi pasādena sagge nibbattatīti ñatvā ajja mayā tassānuggahaṃ kātuṃ vaṭṭatīti pubbaṇhasamayaṃ nivāsetvā tassa gharadvāra magamāsi. Atha so theram disvā kuddho kopena taṭataṭāyamānadeho ajja taṃ vijjhītvā phāletvā māressāmīti nipannova mantam parivattetvā nāsāvātam vissajjesi, therō tasmim khaṇe nirodhasamāpanno nirodhā vuṭṭhāya suriyo viya virocamaṇo aṭṭhāsi, atha so therassa tayo vāre tatheva katvā kiñci kātuṃ asakkonto ativiya vimhitacitto there cittaṃ pasādetvā attano paṭiyattaṃ pāyasaṃ therassa dāpesi, therō maṅgalaṃ vaḍḍhetvā vihārameva agamāsi, coraghātako therassa dinnadānaṃ anussaranto tasmim khaṇe kālam katvā sagge nibbatti. Aho vītarāgānaṃ buddhaputtānaṃ ānubhāvo. Evaṃ narake nibbattamānopissa balena sagge nibbattoti. Tathāhi.

1. Dānaṃ tānaṃ manussānaṃ, dānaṃ duggativāraṇaṃ;
Dānaṃ saggassa sopānaṃ, dānaṃ santikaraṃ paraṃ.
2. Icchiticchitadānena, dānaṃ cintāmaṇī viya;
Kapparukkhova sattānaṃ, dānaṃ bhaddaghaṭoviya.

3. Sīlavantassa dānena, cakkavattisirimpi ca;
Labhanti sakkasampattiṃ, tathā lokuttaraṃ sukhaṃ.
4. Pāpakammesu nirato, ʃhitoyaṃ narakāyane [[narakāvane itipikatthaci](#)];
Sāriputtassa therassa, piṇḍapātassa vāhasā.
5. Apāyaṃ parivajjetvā, nekadukkhasamākulaṃ;
Devasaṅghaparibbūḷho, gato devapuraṃ varaṃ.
6. Tasmā sukhette saddhāya, detha dānāni kāmadaṃ;
Dānaṃ dentehi sīlampi, pālanīyaṃtisundaranti [[pālanamcātisundaram itipikatthaci](#)].

Atha bhikkhū dhammasabhāyaṃ sannipatitvā nisinnā bhagavantaṃ pucchimsu, kiṃbhante so pāpo catūsu apāyesu katarasmim̃ nibbattoti. Atha satthā ajjesa bhikkhave sāriputtassa dinnadānānubhāvena devaloke nibbato, tasseva nissandena anāgate paccekabuddho bhavissatīti byākāsīti.

7. Bho sāriputte nihitappadānaṃ,
Khaṇena pāpeti hi saggamaggaṃ;
Tasmā sukhettesu dadātha dānaṃ,
Kāmattha ce saggamokkhaṃ parattha.

Coraghātakavatthum̃ chaṭṭhamam̃.

27. Saddhopāsakassa vatthumhi ayamānupubbikathā

Atīte kira kassapadasabalassa kāle eko puriso saddho ratanattayesu pasanno ucchuyantakammena jīvikaṃ kappento paṭivasati. Atha so ekaṃ gilānabhikkhum̃ disvā tassa uḷṅkamattaṃ sappim̃ adāsi, tathevekassa bhikkhussa ekaṃ guḷapiṇḍam̃ adāsi, athāparasim̃divase ekaṃ chātajjhattaṃ sunakhaṃ disvā tassa bhattapiṇḍena saṅgha makāsi, athekassa iṇaṭṭhakassa ekaṃ kahāpaṇam̃ adāsi, athekadivasam̃ dhammaṃ suṇamāno dhammadesakassa bhikkhussa sātakaṃ pūjesi, so ettakaṃ puññakammaṃ katvā bhavesu caramānoham̃ samuddapabbatādīsipi yaṃ yaṃ icchāmi. Taṃ taṃ samijjhatūti patthanam̃ akāsi, so aparabhāge kālam̃ katvā teheva kusalamūlehi sutappabuddho viya devaloke nibbattitvā tattha mahantaṃ dibbasampattiṃ anubhavitvā tato cuto amhākaṃ bhagavato kāle sāvattiyaṃ mahaddhane mahāsālakule nibbattitvā tato so viññutaṃ patto kālena kālam̃ dhammaṃ suṇanto gharāvāse ādīnavaṃ pabbajjāya ca ānisaṃsam̃ sutvā pabbajito na cireneva arahattaṃ pāpuṇi. So aparabhāge satthāram̃ vanditvā pañcasatabhikkhuparivāro ugganagaraṃ agamāsi, tattha setṭhino bhariyā saddhā ahosi pasannā. Sā theram̃ pañcahi bhikkhusatehi saddhim̃ bhikkhāya carantaṃ disvā turitaturitā gantvā therassa pattaṃ gahetvā saddhim̃ pañcasatehi bhikkhūhi bhojetvā theram̃ tattha nibaddhavāsattaṃ yācitvā pañcasatakūṭāgārāni kārāpetvā alaṅkaritvā pañcasatabhikkhū tattha vāsenti nibaddham̃ catupaccayehi upaṭṭhānamakāsi. Tato thero taṃ pañcasu sīlesu patiṭṭhāpetvā tattha yathābhirantaṃ viharitvā aññatta gantukāmo anupubbena paṭṭanagāmaṃ agamāsi, tattha vasitvā tato nāvam̃ abhiruyha pañcasatabhikkhūhi parivuto samuddapiṭṭhena gacchati, samuddam̃ tarantassa tassa sāgaramajjhe udaravāto samuṭṭhahitvā pīleti, taṃ disvā bhikkhū bhante idaṃ pubbe kena vūpasamessatīti pucchimsu, thero pubbe me āvuso ulūkamatte sappipīte rogo vūpasammatīti āha, bhikkhū bhante samuddapiṭṭhe kathaṃ sappim̃ labhissāma, adhvāsethāti āham̃su, taṃ sutvā therena [[theronanoāyasmantā itisabbattha](#)] na no āyasmantā sappi dullabhā, mama pattaṃ gahetvā samuddodakaṃ uddharitvā ānethāti vutte bhikkhū tathā akaṃsu. Uddhaṭamattameva taṃudakaṃ parivattetvā sappi ahosi, atha bhikkhū taṃ disvā acchariyabbhutacittā jātā therassa sappim̃ upanāmesum̃, therena sappino [[sappinā itisabbattha](#)] pītamatte so ābādho vūpasami, athassa bhikkhūhi ki metaṃ bhante acchariyaṃ, na no ito pubbe evarūpaṃ diṭṭhapubbaṃti vutte thero tenahi katapuññānaṃ puññavipākaṃ passissathāti vatvā samuddam̃ olokesi idaṃ sappi hotūti. Athassa cakkhupathe samudde sabbodakaṃ parivattetvā sappi ahosi. Athassa bhikkhū abbhutacittā aññampi īdisaṃ puññaṃ atthi bhanteti pucchimsu, tato thero tenahi passathāyasmantā mama puññanti vatvā

samantā tattha tattha ghanaselapabbate olokesi, sabbāni tāni guḷapiṇḍāni ahesuṃ, tato cakkhupathe samantā bhattabhājanāni dassesi sabyañjanaṃ sopakaraṇaṃ. Tato himavantam olokesi, sabbaṃ taṃ suvaṇṇamayam ahoṣi. Athābhikumhaṭṭhāne mahantaṃ vanasaṇḍam olokesi, sakalavansaṇḍamnānāviraḡavattthehi sañchannaṃ ahoṣi, bhikkhū taṃ taṃ pāṭihāriyam disvā atīva vimhitā bhante kena te puññakammena etādisāni pāṭihāriyāni bhavissantīti pucchimsu, thero kassapadasabalassa kāle attanā kataṃ sabbaṃ taṃ kusalam pakāsesi. Tenettha.

1. Imasmiṃ bhaddake kappe, kassapo nāma nāyako;
Sabbalokahitathāya, loke uppajji cakkhumā.
2. Tadāhaṃ ucchuyantamhi, niyutto guḷakāraḡo;
Tena kamma jīvāmi, posento puttadāraḡe.
3. Kilantindriyamaddakkhiṃ, bhikkhuṃ rogāturaṃ tadā;
Bhikkhācāraḡavattena, ghatatthaṃ [\[ghatamattamupāgataṃ itisabbattha\]](#) samupāgataṃ.
4. Uluṅkamattaṃ sappissa, adadaṃ tassa bhikkhuno;
Saddahanto dānaphalaṃ, dayāyu daggamānaṣo.
5. Tena kamma saṃsāre, saṃsaranto bhavābhavē;
Yatthicchāmi ghataṃ tattha, uppajjati anappakaṃ.
6. Icchāmaḡaṃ samuddasmiṃ, phalampi ghatamattano;
Taṃ taṃ sabbaṃ ghataṃ hoti, ghatadānassidaṃ phalaṃ.
7. Suṇātha mayhaṃ aññampi, puññakammaṃ manoramaṃ;
Tadā disvānaḡaṃ bhikkhuṃ, rogena paripīḷitaṃ.
8. Guḷapiṇḍam gaḡetvāna, patte tassa samākirim;
Tena so sukhito āsi, rogaṃ byapagataṃ tadā.
9. Tena me guḷadānena, saṃsaraṃ devamānuse;
Yatthatthosmi guḷenāhaṃ, tattha taṃ sulabhaṃ mama.
10. Selāca vipulā mayhaṃ, honti cittānuvattakā;
Mahantaguḷapiṇḍāva, guḷadāne idaṃ phalaṃ.
11. Athāpi me kataṃ puññaṃ, suṇātha sādhu bhikkhavo;
Chātajjhataṃ phandaṃānaṃ, disvāna sunakhaṃ tadā.
12. Bhattapīṇḍena saṅgaṇhiṃ, tampi dānaṃ phalāvahaṃ;
Tato paṭṭhāya nāhoṣi, annapānena ūnatā.
13. Sulabhannaḡāno sukhito, ahoṣimjātijātiyaṃ;
Ajjāpi yadi icchāmi, bhojanaṃ payojaṇaṃ.
14. Cakkhupathe samantā me, jāyantukkhaliyo bahū;
Athāparampi kusalam, akāsimtaṃ saṇātha me.
15. Iṇaṭṭhakassa posassa, adāsekaṃ kahāpaṇaṃ;
Tena me puññakammena, anomabhavasampadaṃ.
16. Pacuraṃ jātarūpaṅca, labhāmi jātijātiyaṃ;
Sacajja dhanakāmoḡaṃ, ghanaselopi pabbato;
Hoti hemamayaṃ sabbaṃ, iṇato mocane phalaṃ.

17. Aññampi mama puññaṃ bho, suñātha sutisobhanaṃ;
Kassapassa bhagavato, sāsanekaṃ bahussutaṃ.
18. Desentaṃ munino dhammaṃ, sutvā pīṇitamānaso;
Pūjesiṃsātaṃ mayhaṃ, dhammassa dhammasāmino.
19. Tenāhaṃ puññakammena, saṃsaraṃ devamānuse;
Labhāmi pacuraṃ vatthaṃ, yaṃ lokasmiṃ varam param.
20. Icchamāno sace ajja [jānamānopahamaṃjja; jānadhānocahamaṃjja itikatthaci], himavantampi
pabbataṃ;
Nānāviraḡavathehi, chādayissaṃ samantato.
21. Sace icchāmi ajjeva, vatthenacchādayā mite;
Jantavo catudīpasmim, vatthadānassidaṃ phalaṃ.
22. Etesaṃ puññakammānaṃ, vāhasā kāmahūmiyaṃ;
Sampatti manubhutvāna, sāvatthipura muttame.
23. Jāto kule mahābhoge,
Vuddhippatto sukhedhito;
Tassa dhammaṃ suñitvāna,
Pabbajitvāna sāsane.
24. Lokuttaraṃ aggarasaṃ, bhuñcanto munivāhasā;
Kilese pajahitvāna, arahattamaṃpūṇiṃ.
25. Kusalaṃ nā vamaṇtabbaṃ, khuddakanti kadācipi;
Anantaphaladaṃ hoti, nibbāṇampi dadāti taṃ.

Athassa dhammadesanaṃ sutvā bhikkhū ca mahājano ca dānādikusalakammaṃ katvā
yebhuyyena saggaparāyaṇā ahesuṃti.

26. Manopasādenapi appapuññaṃ,
Evaṃ mahantaṃ bhavatīti ñatvā;
Mā appapuññanti pamajjathambho;
Sarātha devim idha lājadāyim.

Saddhopāsakassa vatthum sattamaṃ.

28. Kapaṇassa vatthumhi ayamānupubbikathā

Amhākaṃ bhagavati parinibbute bārāṇasīnagaravāsī eko duggatapurisō paragehe bhatimkatvā
jīvikam kappeti, tasmim samaye nagaravāsino yebhuyyena tasmim tasmim thāne maṇḍapādayo
kārapetvā mahādānaṃ denti, taṃ disvā duggato evaṃ cintesi, ahaṃ pubbe akatapuññattā paragehe
bhatim katvā kicchena kasirena jīvāmi. Nivāsanapārupanampi vasaṭṭhānamattammi dukkhato
labhāmi. Idāni buddhuppādo vattati bhikkhusaṅghopi.

Sabbe ime dānaṃ datvā saggamaggaṃ sodhenti. Mayāpi dānaṃ dātuṃ vaṭṭati. Tamme
dīgharattaṃ hitāya sukhāya bhavissati. Api ca mayhaṃ taṇḍulanālimattampi natthi, akatavīriyena
taṃ matthakaṃ pāpetuṃ na sakkā, etadatthāyāhaṃ uyyogaṃ katvā dānaṃ dassāmīti cintetvā tato
paṭṭhāya bhatim pariyesamāno gantvā tattha tattha bhatim katvā laddhanivāpe ca bhikkhācariyāya
laddhatilataṇḍulādayo ca ekattha saṃharitvā manusse samādāpetvā tasmim maṇḍapaṃ kārapetvā
vanakusamādīhi taṃ alaṅkaritvā bhikkhū nimantetvā maṇḍape nisīdāpetvā sabbesaṃ pāyasaṃ
[pāyasaṃ itisabbattha] paṭiyādetvā bhojesi. Atha so maraṇakāle attanā kataṃ taṃ dānavaraṃ

anussari. So tena kusalakammena suttappabuddho viya devaloke nibbatti. Tasmim̄ tena katapuññānurūpaṃ mahantaṃ kanakavimānaṃ nibbatti. Samantā tigāvutaṭṭhāne devatā nānā vidhāni turiyāni gahetvā upahāraṃ karonti. Niccaṃ devaccharāsahassāni [devaccharāsahassaṃ itisabbattha] taṃ parivāretvā tiṭṭhanti. Evaṃ so mahantaṃ sampattiṃ anubhavati. Athekadivasam̄ suvaṇṇaselavihāravāsī mahāsaṅgharakkhitatthero pattapaṭisambhido devacārikaṃ caramāno taṃ devaputtaṃ anupamāya devasampattiyā virocamaṇaṃ disvā upasaṅkamma ṭhito tena katakammaṃ pucchi. Sopissa yathābhūtaṃ byākāsi, tenattha.

1. Sabbasovaṇṇayo āsi, pāsādo ratanāmayo;
Soṇṇasiṅgasatākiṇṇo, duddikkho ca pabhassaro.
2. Kūṭāgāra satākiṇṇo, soṇṇamālāsamākulo;
Muttākalāpālambanti, tattha tattha manoramā.
3. Nekagabbhasatākiṇṇo, sayanāsanamaṇḍito;
Vibhatto bhabbabhāgehi, puññavaḍḍhakinā kato.
4. Naccanti pamadā tattha, bherimaṇḍalamajjhagā;
Gāyanti kāci kīlanti, vādenti kāci tantiyo.
5. Tato tigāvute ṭhāne, pāsādassa samantato;
Sahaccharā devaputtā, gahetvā ātatādayo.
6. Modanti parivāretvā, naccagītādinā sadā;
Ullaṅghantica selenti, silāghanti samantato.
7. Evaṃ mahiddhiko dāni, tuvaṃ vandova bhāsati;
Pucchāmi taṃ devaputta, kiṃ kammamakarī purā.

Devaputto āha.

8. Ahoṣim̄ duggato pubbe, bārāṇasīpuruttame;
Dānaṃ denti narā tattha, nimantetvāna bhikkhavo.
9. Jīvanto bhatiyā sohaṃ, dānaṃ dente mahājane;
Tuṭṭhahaṭṭhe pamudite, evaṃ cintesahaṃ tadā.
10. Sampannavatthālaṅkāra, dānaṃ denti ime janā;
Paratthapi pahaṭṭhāva, sampattimanubhonti te.
11. Buddhuppādo ayaṃ dāni, dhammo loke pavattati;
Susīlā dāni vattanti, dakkhiṇeyyā jinorasā.
12. Anāvaṭṭhito [avaṭṭhitoca; andhaṭṭhitoca itipikattaci] saṃsāro, apāyā khalu pūritā;
Kalyāṇavimukhā sattā, kāmaṃ gacchanti duggatiṃ.
13. Idāni dukkhito hutvā, jīvāmi kasirenaṃ;
Daliddo kapaṇo dīno, appabhogo anālayo.
14. Idāni bījaṃ ropemi, sukhetta sādhusammate;
Appevanāma tenāhaṃ, parattha sukhito siyā.
15. Iti cintiya bhikkhitvā, bhatiṃ katvāna nekadhā;
Maṇḍapaṃ tattha kāretvā, nimantetvāna bhikkhavo.

16. Āyāsena adāsāhaṃ, pāyasaṃ amatāya so;
Tena kammavipākena, devaloke manorame.
17. Jātomhi dibbakāmehi, modamāno anekadhā;
Dīghāyuko vaṇṇavanto, tejassīca ahosahanti.

Evam devaputto attanā katapuññakammaṃ vittārena kathesi, theropi manussalokaṃ āgantvā manussānaṃ attanā paccakkhato diṭṭhadibbasampattiṃ pakāsesi. Taṃ sutvā mahājano kusalakammaṃ katvā yebhuyyena sagge nibbattoti.

18. Anālayo duggatadīnakopi,
Dānaṃ dadanto dhigato visesaṃ;
Saggā pavaggaṃ yadi patthayavho,
Hantvāna maccheramalaṃ dadāthāti.

Kapaṇassa vatthum aṭṭhamam.

29. Devaputtassa vatthumhi ayamānupubbikathā

Ito pubbe nāradassa kira sammāsambuddhassa kāle ayaṃ dīpo aññatarena nāmena pākaṭo ahoṣi, so panekasmiṃ kāle dubbhikkho ahoṣi dussasso, mahāchātakabhayaṃ satte pīleti. Tasmīṃ samaye nāradassa bhagavato eko sāsāniko sāvako aññatarasmiṃ gāme piṇḍāya caritvā yathā dhotapattova nikkhami. Athaññatarasmiṃ gehe manussā ekaṃ taṇḍulanāḷimpoṭalikāya bandhitvā udake pakkhipitvā pacitvā udakaṃ gahetvā pivanto jīvanti, tadā theram disvā vanditvā pattaṃ gahetvā tena taṇḍulena bhattaṃ pacitvā patte pakkhipitvā therassa adamsu. Atha tesam saddhābalena sā ukkhali bhattena paripunnā ahoṣi, te taṃ abbhutaṃ disvā ayyassa dinnadāne vipāko ajjeva no diṭṭhoti somanassajātā mahājanaṃ sannipātetvā te bhattaṃ bhojetvā pacchā sayam bhuñjimsu. Bhattassa gahitagahitaṭṭhānaṃ pūrateva. Tato paṭṭhāya te sampattamahājanassa dānaṃ dadantā āyupariyosāne devaloke nibbattimsu, atha so thero bhattaṃ ādāya gantvā aññatarasmiṃ rukkhamūle nisīditvā bhuñjitumārati. Tasmīṃ kira rukkhe nibbato eko devaputto āhārena kilanto bhuñjamānaṃ theram disvā attabhāvaṃ vijahitvā mahallakavesena tassa samīpe aṭṭhāsi. Thero anāvajjitvāva bhuñjati. Devaputto carimālopaṃ ṭhapetvā bhuttakāle ukkāsitvā attānaṃ ṭhitabhāvaṃ jānāpesi. Thero taṃ disvā vippaṭṭisāri hutvā carimaṃ bhatthapiṇḍaṃ tassa hatthe ṭhapesi, tato so bhattapiṇḍaṃ gahetvā ṭhito cintesi. Ito kira mayā pubbe samaṇabrāhmaṇānaṃ vā kapaṇaddhikānaṃ vā antamaso kākasunakhā dīnampi āhāraṃ adinnapubbaṃ bhavissati, tenavāhaṃ devo hutvāpi bhattaṃ na labhāmi. Handāhaṃ imaṃ bhattapiṇḍaṃ therasseva dassāmi, taṃ me bhavissati dīgharattaṃ hitāya sukhāya cāti. Evañca pana cintetvā bhattapiṇḍe āsaṃ pahāya theram upasaṅkamma sāmi dāsassa vo alaṃ idha lokena saṅghaṃ. Paralokena me saṅghaṃ karoṭhāti vatvā tassa patte okiri. Athassa bhatthapiṇḍaṃ [bhatthapiṇḍaṃ itisabbattha] patte patitamatteyeva tigāvutaṭṭhāne dibbamayāni bhattabhājanānīpaññāyimsu. Devaputto theram pañcapaṭiṭṭhitena vanditvā tato dibbabhojanaṃ gahetvā pathamaṃ dānaṃ datvā pacchā sayam bhuñci. Tato deputto dutiyadivasato paṭṭhāya therassa ca sampattamahājanassa ca mahādānaṃ dento āyupariyosāne 0 devaloke nibbattitvā chasu kāmasaggesu aparāparaṃ dibbasampatti manubhavamāno padumuttarassa bhagavato kāle tato cuto bārāṇasiyaṃ anekavibhavassa micchādiṭṭhikassa kuṭumbikassa gehe nibbatti. Devotissa nāmaṃ akaṃsu. Aparabhāge viññutaṃ pattassa tassa mātāpitaro kālamakaṃsu. Sovaṇṇamaṇimuttādīpūritakoṭṭhāgārādayo oloketvā mama mātāpitaro micchādiṭṭhikattā ito dānādikiñcikammaṃ akaritvā paralokaṃ gacchantā kākaṇikamattampi agahetvā gatā, ahaṃ pana taṃ gahetvāva gamissāmīti sannīṭṭhānaṃ katvā bheriṃ carāpetvā kapaṇaddhikavanibbake sannipātetvā sattāhabbhantare sabbam sāpateyyaṃ dānamukhena datvā araññaṃ pavisitvā isippabbajjaṃ pabbajitvā kasiṇaparikkammaṃ katvā pañca bhiññā aṭṭha samāpattiyō nibbattetvā ākāsaṅgā ahoṣi. Atha tasmīṃsamaye padumuttaro nāma bhagavā haṃsavatīnagare paṭivasanto devabrahmādi-parivuto catusaccapaṭisaṃyuttaṃ dhammaṃ desento nisinno hoti, tadā so tāpaso ākāsaṅgā gacchanta mahājanasamāgamañca bhagavato sarīrato nikkhantachabbaṇṇaramsiyo ca disvā kimetaṃti vimhito ākāsaṅgā otaritvā mahatiyā buddhalīlāya nisīditvā dhammaṃ desentaṃ bhagavantaṃ disvā pasannaṃnāso parisantare nisinno dhammaṃ sutvā bhagavantaṃ vanditvā attano assameva

agamāsi. Atha so tattha yāvatāyukaṃ thatvā āyupariyosāne tāvatimṣabhavane nibbatto tiṃsakappe dibbasampattimanubhavanto chasu kāmasaggesu aparāpariyavasena saṃsari. Ekapaññāsaattabhāve sakko devarājā ahoṣi, ekakavīsatiattabhāve cakkavatti hutvā manussasampatti manubhavitvā imasmiṃbuddhuppāde bhagavati parinibbute sāvattiyam aññatarasmiṃ kulagehe nibbattitvā sattavassiko ekaṃ bhikkhuṃ dhammaṃ desentaṃ addasa. Disvā taṃ upasaṅkamtivā dhammaṃ sutvā aniccasaññaṃ paṭilabhitvā tattha nisinnova arahattaṃ pāpuṇi, tato so pattapaṭisambhido attanā katapuññakammaṃ olokento taṃ pubbacariyaṃ bhikkhūnaṃ majjhe pakāsentō āha. Tasmā.

1. Nārado kira sambuddho, pubbe āsi naruttamo;
Lokaṃ dukkhā pamocento, dadanto amataṃ padaṃ.
2. Tasmim tu samaye tassa, sāvako chinnabandhano;
Bhikkhitvā dīpake laddha, mähāraṃ paribhuñjituṃ.
3. Rukkhamūla mupā gañchi, tathāsiṃ rukkhadevatā;
Bubhukkhita udikkhantī, aṭṭhāsiṃ tassa santike.
4. Adāsi me bhattapiṇḍaṃ, karuṇāpūritantaro;
Gahetvāna ṭhito piṇḍaṃ, sahamāno khudaṃ tadā.
5. Adinnattā mayā pubbe, kiñci dānaṃ supesale;
Jighacchāpīḷito homi, jātopi devayoniyam.
6. Ajja khettaṃ suladdhamme, deyyadhammopi vijjati;
Bījamaṭṭha ca ropemi, bhavato parimuttiyā.
7. Iti cintiya vanditvā, dāsassa sāmi vo alaṃ;
Saṅghaṃ idha lokasmiṃ, karoṭha pāralokikaṃ.
8. Iti vatvā adāsāhaṃ, bhuñci sopi dayāparo;
Tenāhaṃ puññakammaṃ, sudhannamalabhiṃ khaṇe.
9. Tato cuto chadevesu, vindanto mahatiṃsirim;
Ciraḷālaṃ vasiṃ tattha, deviddhīhi samaṅgitā.
10. Satasahassee ito kappe, padumuttaranāmaḷo;
Uppajji lokanāyako, dhammarājā tathāgato.
11. Mahiddhiko tadā āsiṃ, tāpaso kānane vane;
Sampattapañcā bhiññāṇo, ākāseṇa carāmaḷaṃ.
12. Tadā kāseṇa gacchanto, ramme haṃsavatīpure;
Buddharaṃsipaṭikkhattaṃ, ketumālāvilāsitaṃ.
13. Devasaṅghapariubbūḷhaṃ, desentaṃ addasaṃ jinaṃ;
So taṃ disvāna nabhasā, ṭhitoḷaṃ parisantare.
14. Dhammaṃ sutvā udaggohaṃ, kālaṃ katvāna satthuno;
Tato cuto papannosmi, tāvatimse manorame.
15. Tiṃsakappasahasāni, caranto devamānuse;
Duggatiṃ nābhijānāmi, labhāmi vipulaṃ sukhaṃ.
16. Ekapaññāsatikkhattuṃ, devarajjamakārayim;
Atheḷavīsatiḷkhattuṃ, cakkavattī ahoḷaṃ.

17. Padesarajjam kāsāhaṃ, bahukkhattum tahiṃ tahiṃ;
Imasmim bhaddake kappe, nibbutetu [nibbutesu itisabbattha] tathāgate.
18. Codito puññakammena, sāvatthipuramuttame;
Uppajjitvā kule seṭṭhe, jātiyā sattavassiko.
19. Sutvā dhammaṃ kathentassa, bhikkhussaññatarassahaṃ;
Bhavassantaṃ karitvāna, arahattamaṃpūṇiṃ.
20. Sudinnaṃ me tadā dānaṃ, sussutaṃ dhammamuttamaṃ;
Dukkassantaṃ akāsāhaṃ, tassa kammaṃ vāhasāti.

Evañca pana vatvā bahū jane kusalakamme niyojesīti.

21. Dānenapevaṃ carimāya piṇḍiyā,
Savaṇāya dhammassa muhuttakena;
Labhanti sattā tividhampi sampadaṃ,
Phalaṃ vade ko bahudāyakassa bho.

Devaputtassa vatthum navamaṃ.

30. Sīvalittherassa vatthumhi ayamānupubbīkathā

Ito kira kappasatasahassamatthake padumuttaro nāma satthā loke udapādi dhammadesanāya satte amatamahānibbānaṃ pāpento, tasmim samaye bhagavā haṃsāvatiyaṃ sarājīkāya parisāya majjhe ekaṃ bhikkhum lābhīnaṃ aggaṭṭhāne ṭhapesi. Tadā rājā taṃ disvā taṃ ṭhānaṃ kāmayamāno buddhapamukhassa saṅghassa mahādānaṃ datvā bhagavato pādamūle sirasā nipajji, tadāssa bhagavā anāgate gotamassa bhagavato sāsane taṃ ṭhānaṃ labhissasīti vatvā byākāsi. Taṃ sutvā mudito rājā puññāni katvā devaloke nibbatti. Tato aparabhāge bārāṇasiyaṃ seṭṭhiputto hutvā paccakabuddhasahassaṃ catupaccayadānena yāvajīvaṃ paṭijaggitvā devaloke nibbatta mahantaṃ sampatti manubhavitvā tato cuto vipassissa bhagavato kāle bandhumatīnagare aññatarasmim kulagehe nibbatti. So tasmim samaye senaguttaṭṭhāne ṭhatvā rañño kammaṃ karoti, tadā nagaravāsino upāsakagaṇā vipassīsammāsambuddhaṃ upasaṅkamma vanditvā bhagavā bhante sasāvako amhākaṃ anuggahaṃ karotūti svātanāya nimantevā mahādānaṃ datvā sabbe ekacchanda bhagavanta muddissa mahārahaṃ mahāpariveṇaṃ kārapetvā pariveṇamahe mahādānaṃ dadantā dānagge asukaṃ nāma natthīti na vattabbanti vatvā dānaṃ paṭiyādetvā dānaggaṃ oloketā navadadhiṅca paṭalamadhuṅca apassantā purise pakkosivā sahasaṃ datvā dadhimadhum khippaṃ pariyesivā ānethāti pesesum, te sahasaṃ gahetvā dadhimadhum upadhāretum tattha tattha vicarantā dvārantare aṭṭhaṃsu, tadā ayaṃ senagutto rañño sabhattaṃ dadhimadhum ādāya gacchanta mahādvāraṃ sampāpuṇi, atha te dadhimadhum disvā bho kahāpaṇaṃ gahetvā imaṃ dehīti yāciṃsu. Tena [tenadassāmi itipikattaci] na dassāmīti vutte yāvasahassaṃ vaḍḍhetvā yāciṃsu. Tato senagutto imaṃ appagghaṃ sahasena yācatha, ki manena karoṭhāti pucchi, tehi sambuddhatthāyāti vutte tenahi ahameva dassāmīti jīramaricādīhi sakkharamadhuphāṇitādayo yojetvā dānaggaṃ upanāmesi. Taṃ satthu ānubhāvena buddhapamukhassa aṭṭhasaṭṭhibhikkhusatasahassassa pahoṇakaṃ ahosi. Tato so tena puññakammena devamanussalokesu sampatti manubhavitvā aparabhāge amhākaṃ bhagavato kāle koliyanagare mahālicchavirañño upanissāya suppiyāya nāma aggamaheṣiyā kucchismim paṭisandhim gaṇhi. So sattamāsasattasaṃvaccharāni mātukucchiyaṃ vasitvā sattadivasāni mūlhaḡabbho dukkhamanubhavi. Mātukucchito nikkhamantassa tassa mātāpitaro sīvalīti nāma makamsu. Evaṃ mahāpuññassa ettakaṃ kālaṃ mātukucchimhi dukkhānubhavanaṃ attanāva katena pāpabalena ahosi, so kira atīte rājā hutvā attano sapattaraññā saddhim saṅgāmento mātārā saddhim mantesi. Sā nagaraṃ rundhitvā amitte gaṇhitum sakkāti upāya madāsi, sopi tassā vacanena nagaraṃ rundhitvā sattame divase aggahesi, tena pāpakammabalena mātāputtānaṃ evaṃ mahantaṃ dukkhaṃ ahosīti. Tato sā puttaṃ vijāyanakāle sattame divase bhagavantaṃ anussarivā sukkena bhāraṃ muñci. Tuṭṭhā sā sattame divase buddhapamukhassa bhikkhusaṅghassa mahādānaṃ adāsi, athassā putto sattavassikakāle gehā nikkhamma satthāraṃ disvā pabbajjaṃ yāci. Satthā sārīputtattherassa

niyojesi, tato sārīputtattherena upajjhāyena moggallānamācariyaṃ katvā pabbaji, atha so khuraggeyeva arahattaṃ patvā buddhasāsaṇaṃ sobhesi, so pubbe katapuññānubhāvena mahāpuñño ahosi lābhīnaṃ aggo. Atheskasmīṃ samaye bhagavā revatatttheraṃ dassanāya khadiravanavihāraṃ gacchanto tiṃsabhikkhusahashehi saddhīṃ tiṃsayojanikaṃ chaṭṭitakantāraṃ sampāpuṇi nirūdaṃ appabhakkhaṃ. Yebhuyyena devatā sīvalitthere pasannā. Tasmā bhagavā sīvalittheraṃ purato cārikaṃ katvā devatāhi kārapite vihāre vasanto devatāhi sajjitadānaṃ paribhuñjanto revatatttheraṃ sampāpuṇitvā gatakammaṃ niṭṭhāpetvā jetavanamāgama lābhīnaṃ aggaṭṭhāne taṃ ṭhapesīti. Tena vuttaṃ apadāne.

1. Padumuttaro nāma jino, sabbadhammesu cakkhumā;
Ito satasahassamhi, kappe uppajji nāyako.
2. Sīlaṃ tassa asaṅkhyeyyaṃ, samādhi vajirūpamo [[vajirūpamā itikatthaci](#)];
Asaṅkhiyaṃ ñāṇavaraṃ, vimutti ca anopamā.
3. Manujāmaranāgānaṃ, brahmānaṃca samāgame;
Samaṇabrāhmaṇākiṇṇe, dhammaṃ deseti nāyako.
4. Sasāvakaṃ mahālābhiṃ, puññavantaṃ jutindharaṃ,
Ṭhapesi etadaggamhi, parisāsu visārado.
5. Tadāhaṃ khattiyo āsiṃ, pure haṃsavatīvhaye [[haṃsāvatavhaye itisabbattha](#)];
Sutvā jinassa taṃ vākyāṃ, sāvakassa guṇaṃ bahuṃ.
6. Nimantayitvā sattāhaṃ, bhojayitvā sasāvakaṃ;
Mahādānaṃ daditvāna, taṃ ṭhānamabhipatthayim.
7. Tadā maṃ vinataṃ pāde, disvāna purisāsabho;
So sarena mahāvīro, imaṃ vacanamabravī.
8. Tato jinassa vacanaṃ, sotukāmā mahājanā;
Devadānavagandhabbā, brahmānoca mahiddhikā.
9. Samaṇabrāhmaṇā cāpi, namassisuṃ katañjalī;
Namo te purisājañña, namo te purisuttama.
10. Khattiyena mahādānaṃ, dinnāṃ sattāhakampi [[sattāhakampito itipikatthaci](#)] no;
Sotukāmā phalaṃ tassa, byākarohi mahāmune.
11. Tato avoca bhagavā, suṇoṭha mama bhāsitaṃ;
Appameyyamhi buddhasmiṃ, guṇamhi suppatiṭṭhitā.
12. Dakkhiṇā dāyakaṃ patvā, appameyyaphalāvahā;
Api ce sa mahābhogo, ṭhānaṃ pattheti muttamaṃ.
13. Lābhī vipulalābhīnaṃ, yathā bhikkhu sudassano;
Tathāhaṃpi bhaveyyanti, lacchate taṃ anāgate.
14. Satasahassito kappe, okkākakulasambhavo;
Gotamonāma nāmena, satthā loke bhavissati.
15. Tassa dhammesu dāyādo, oraso dhammanimitto;
Sīvali nāma nāmena, hessati satthusāvako.
16. Tena kammena sukatenā, cetanāpaṇidhīhi ca;
Jahitvā mānusaṃ dehaṃ, tāvatiṃsūpago ahaṃ.

17. Tatoparasmim̐samaye, bārāṇasipuruttame;
Seṭṭhiputto ahaṃ āsiṃ, aḍḍhappatto mahādhano.
18. Sahassamatte pacceka, nāyake ca nimantiya;
Madhurenannapānena, santappesiṃtadādarō.
19. Tato cuto chakāmagge, anubhosim̐mahāyasaṃ;
Devaccharāparivuto, pāsāde ratanāmaye.
20. Evaṃ acintiyā buddhā, buddhadhammā acintiyā;
Acintiyē pasannānaṃ, vipākopi acintiyō.
21. Ekanavutito kappe, vipassīnāma nāyako;
Uppajji cārunayano, sabbadhammavipassako.
22. Tadāhaṃ bandhumatiyā, kulassaññatarassa ca;
Dayito patthito putto, āsiṃ kammantabyāvaṭo.
23. Tadā aññataro pūgo, vipassissa mahesino;
Pariveṇaṃ akāresi, mahanta miti vissutaṃ.
24. Niṭṭhite ca mahādānaṃ, dadaṃ khajjakasaṃyutaṃ;
Navaṃ dadhi madhuñceva, vicinaṃ na ca maddasa.
25. Tadāhaṃ taṃ gahetvāna, navaṃ dadhi madhumpica,
Kammaśāmiḡharaṃ gacchaṃ, tarenaṃ [\[tamesaṃ itisabbattha\]](#) dāna maddasaṃ.
26. Sahassampi ca datvāna, na latim̐su ca taṃ dvayaṃ;
Tato evaṃ vicintesiṃ, netāṃ hessati orakaṃ.
27. Yathā ime janā sabbe, sakkaronti tathāgataṃ;
Ahampi kāraṃ kassāmi, sasaṅghe lokanāyake.
28. Tadāhamevaṃ cintetvā, dadhim̐madhuñca ekato;
Yojetvā lokanāthassa, sasaṅghassa adāsahaṃ.
29. Tena kammaena sukatena, cetanāpaṇidhīhi ca;
Jahitvā mānusaṃ dehaṃ, tāvatiṃsa magañchahaṃ.
30. Punāhaṃ bārāṇasiyaṃ, rājā hutvā mahāyaso;
Sattukassa tadā ruddho, dvārarodhaṃ akārayiṃ.
31. Tato sapattino [\[sapattino; sapattāno iticakathaci\]](#) ruddhā, ekāhaṃ rakkhitā ahuṃ;
Tato tassa vipākena, pāpuṇiṃ nirayaṃ bhusaṃ.
32. Pacchime ca bhava dāni, jātohaṃ koliye pure;
Suppavāsā ca me mātā, mahāli licchavī pitā.
33. Khattiye puññakammaena, dvārarodhassa vāhasā;
Sattamāse sattavasse, vasiṃkucchimhi dukkhito.
34. Sattāhaṃ dvāramūllohaṃ, mahādukkhasamappito;
Mātā me chandadānena, eva māsi sudukkhita.
35. Suvatthitohaṃ nikkhanto, buddhena anukampito;
Nikkhantadivaseyeva, pabbajim̐ anagāriyaṃ.

36. Upajjhā sārīputto me, moggallāno mahiddhiko;
Kese oropayanto me, anusāsi mahāmati.
37. Kesesu chijjamānesu [channamanesu itipikatthaci], arahattamapāpuṇiṃ;
Devo nāgā manussā ca, paccayānu panenti me.
38. Padumuttaranāmañca, vipassimca vināyakam;
Sampūjayiṃ pamudito, paccayehi visesato.
39. Tato tesam vipākena, kammānaṃ vipuluttamaṃ;
Lābham labhāmi sabbattha, vane gāme jale thale.
40. Revataṃ dassanattāya, yadā yāti vināyako;
Tiṃsabhikkhusahashehi, saha lokagganāyako.
41. Tadā devo panītehi [pañītehi itisabbattha], mamattāya mahāmati;
Paccayehi mahāvīro, sasaṅgho lokanāyako.
42. Upaṭṭhito mayā buddho, gantvā revatamaddasa;
Tato jetavanam gantvā, etadagge ṭhapesimam.
43. Lābhīnam sīvali aggo, mama sissesu bhikkhavo;
Sabbelokahito satthā, kittayī parisāsumam.
44. Kilesā jhāpitā mayham, bhavā sabbe samūhatā;
Nāgo va bandhanam chetvā, viharāmi anāsavo.
45. Svāgataṃ vata me āsi, buddhaseṭṭhassa santikam;
Tisso vijjā anupatto, kataṃ buddhassa sāsanaṃ.
46. Paṭisambhidā catassopi, vimokkhā pica aṭṭhime;
Chalabhiññā sacchikatā, kataṃ buddhassa sāsanaṃ.

Ittham sudam āyasmā sīvalitthero imā gāthāyo abhāsithāti.

47. Sutvāna etaṃ caritaṃ mahabbhutaṃ,
Puññānubhāvañca sirim sirimataṃ;
Hitvā kusītaṃ kusalam karoṭṭha,
Kāmāttha kāmam bhavabhoganibbutiṃ.

Sīvalittherassa vatthum dasamaṃ.

Yakkhavañcitavaggo tatiyo.

Mahāsenavaggo

31. Mahāsenarañño vatthumhi ayamānupubbikathā

Bhagavati parinibbute pāṭaliputtanagare mahāseno nāma rājā rajjam kāresi dhammiko dhammarājā. So pana pitupitāmahādīnam dhanarasiṃ oloketvā ime imaṃ sapatteyyam pahāya maccuno mukhamupagatā. Aho saṃsārikānam aññānatā. Dhanam ṭhapetvā attano vināsañca attānam ṭhapetvā dhanavināsañca na jānantīti sampattiyā adhigamañca vināsam cāti sabbam cintetvā dhammañca sutvā paṭiladdhasaddho divase divase dasasahassānam bhikkhūnam madhurena annapānena santappento anekāni puññāni upacinanto ekadivasam raho paṭisallino evam cintesi. Evaṃ rājaniyogena janassa piḷanam katvā dinnadānato sahatthena kammaṃ katvā laddhena

dinnadānaṃ mahapphalaṃ mahānisaṃsaṃ bhavissati, evaṃ mayā kātabbanti so suhadā maccassa rajjaṃ nīyyātetvā attano kaṇiṭṭhikaṃ ādāya kiñci ajānāpetvā aññataravesena nagarā nikkhama uttaramadhuraṃ nāma nagaraṃ agamāsi, tattha mahāvibhavo eko seṭṭhi paṭivasati, te seṭṭhino samīpa mupagamma ṭhitā. Tena kimatthāyāgatāti vutte rājā tava gehe bhatiyā kammaṃ karissāmīti vatvā tenānuññāto tīṇi vassāni kamma makāsi, tato ekadivasaṃ seṭṭhi te disvā pakkositvā atīva tumhe sukhumālarā. Tathāpi imasmiṃ gehe kammakaraṇena ciraṃ vasittha, ettakaṃ kālaṃ kismiñci kammepi kusītattaṃ na paññāyati. Pageva anācārampi, yāgubhattaṃ ṭhapetvā aññaṃ upakārampi mama santikā natthi, kenatthena kammaṃ karoṭhāti pucchi. Rājā tassa vacanaṃ sutvā imasmiṃ janapade sālino manāpabhāvo bahuso sūyati. Tasmā sālīnamatthāya idhā gatamhāti āha, taṃ sutvā tesam tuṭṭho seṭṭhi sālīnaṃ sakaṭasahassaṃ adāsi, rājā sālīmlabhivā seṭṭhino evamāha, bho imaṃ amhākaṃ nagaraṃ pāpethāti, taṃ sutvā seṭṭhi sādhuṭi vatvā sālīparipuṇṇasakaṭasahassaṃ rañño nagaraṃ pāpesi, rājā nagaraṃ gantvā seṭṭhissa nānāvannaṃvatthahiraññasuvaṇṇādīhi sakaṭe pūretvā paṭipesetvā mettiṃ thiraṃ katvā ābhatavihayo rājagehe sannicayamakāsi, atha rājā katipāhaccayena musalaṃ paggayha sahattheneva vīhiṃ koṭṭeti, koṭṭitakoṭṭitaṃ kaṇiṭṭhikā papphoṭeti. Evaṃ ubhopi taṇḍulānaṃ mahantaṃ rāsima katvā dārūdakādayo āharitvā ambulabhattaṃ pacitvā rājagehe pañcasataāsanaṇi paññāpetvā kālaṃ ugghosesuṃ, āgacchantu ayyā anukampaṃ upādāya mama gehe bhuñjantūti. Taṃ sutvā pañcasatā bhikkhū ākāseṇa āgamiṃsu, rājā te yāvadatthaṃ parivisi, tato tesam antare piyaṃgudīpavāsī eko mahāsivatthero nāma bhattaṃ gahetvā ete maṃ passantūti adhiṭṭhahitvā ākāseṇa piyaṃgudīpaṃ gantvā bhattaṃ pañcasatānaṃ bhikkhūnaṃ datvā paribhuñci. Taṃ tassānubhāvena sabbesaṃ yāvadatthaṃ ahosi. Evaṃ appakenāpi deyyadhammena sappurisā dāyakānaṃ manam pasādetvā paṭiṭṭhaṃ karontīti. Vuttañhi.

1. Appakenapi medhāvī, dāyakānaṃ manam pati;
Saddhaṃ vaḍḍhenti candova, raṃsinā khīrasāgaraṃ.
2. Aṭṭhāne na niyojantā, karontā neva sannidhiṃ;
Paribhoga makatvāna, neva nāsenti paccayaṃ.
3. Na pāpentāca theyyassa, na karontā tatheviṇaṃ;
Vibhajanti susīlesu, sayam bhutvāna sīlavāti.

Atha rājā kaṇiṭṭhikāya saddhiṃ thattheva ṭhito piyaṃgudīpe paribhuñjante pañcasatabhikkhū disvā haṭṭho udaggo ahosi. Atha te aparabhāge attanā kataṃ dānavaraṃ anussarantā na cireneva ubhopi sotāpannā ahesuṃti.

4. Na gaṇentāttano dukkhaṃ, vihāya mahatiṃ sirim;
Āyatimbhavamicchantā, sujanevaṃ subhe ratā.
5. Āyāseṇa kataṃ puññaṃ, mahantaphaladāyakaṃ;
Iti mantvāna medhāvī, sahattheneva taṃ kareti.

Mahāsenarañño vatthum pathamaṃ.

32. Suvaṇṇatilakāya vatthumhi ayamānupubbikathā

Laṅkādiṭṭhe kira anurādhapuranaṃ eko mātuḡāmo [ekāmātugāmātivā ekāmātugāmōtivā katthaci] saddhāsammaṇṇā niccaṃ abhayuttaracetiye pupphapūjaṃ karoti, athekadivasaṃ sā attano dhītuyā saddhiṃ tasmiṃ cetiye pupphapūjanatthāya [pupphapūjatthāya itikatthaci] gantvā pupphāsanaṃ udakaṃ apassantī dhītu hatthe pupphacaṅgotakaṃ ṭhapetvā ghaṭa mādāya pokkharaniṃ agamāsi, tato sā dārikā mātari anāgatāyayeva [anāgateyeva itisabbattha] adhotāsane pupphamuṭṭhiṃgahetvā maṇḍalaṃ katvā pūjetvā evaṃ patthanamakāsi. Tathā hi.

1. Mahāvīrassa dhīrassa, sayambhussa mahesino;
Tilokaggassa nāthassa, bhagavantassa satthuno.

2. Ya maham pūjayiṃ pupphaṃ, tassa kammaṃ vāhasā;
Rūpīnaṃ pavarā hessaṃ, ārohapariṇāhavā.
3. Maṃ disvā purisā sabbe, mucchantu kāmamucchitā;
Niccharantu sarīrā me, raṃsimālīva raṃsiyo.
4. Hadayaṅgamā kaṇṇasukhā, mañjubhāṇī subhā mama;
Kinnarānaṃ yathā vāṇī, evameva pavattatūti.

Athassā mātā āgamma adhotāsane pūjitāni pupphāni disvā kasmā caṇḍālī adhotāsane bhagavato pupphāni pūjesi, ayuttaṃ tayā katanti āha, taṃ sutvā sā mātuyā kujjhitvā tvaṃ caṇḍālīti akkosi, sā ettakaṃ puññāpuññaṃ katvā aparabhāge tato cutā jambudīpe uttaramadhurāyaṃ ekassa caṇḍālagandhabbrāhmaṇassa dhītā hutvā nibbatti, uttamarūpadharā ahoṣi, tassā sarīrato meghamukhato vijjullatāviya raṃsiyo niccharanti. Samantā catuhatthāṅhāne sarīrappabhāya andhakāre vidhamati. Mukhato uppalagandho vāyati, kāyato candanagandho, tassā dvinnaṃ thanāna mantare suvaṇṇavaṇṇaṃ ekaṃ tilakaṃ ahoṣi, tena bālasuriyassa viya pabhā niccharati. Diṭṭhaditṭhā yebhuyyena ummattā viya kāmamadena visaññino honti, aho kusalākusalānaṃ ānubhāvo. Tathā hi.

5. Yena sā kodhasāmātu, caṇḍālī iti bhāsītā;
Tena sā āsi caṇḍālī, jegucchā hīnajātikā.
6. Sallakkhetvāna sambuddha, guṇaṃ pūjesi yaṃ tadā;
Tena puññānubhāvena, sā bhirūpī manoramā.
7. Yena yena pakārena, puññapāpāni yo kare;
Tassa tassānurūpena, morova labhate phalaṃ.
8. Pāpena ca tiracchāne, jāyanti kusalena te;
Vaṇṇapokkharatā hoti, morānaṃ kamma mīdisanti.

Tato tassā mātāpitāro suvaṇṇatilakāti nāma makaṃsu. Tasmimkīra nagare manussā tassā rupadassanena savaṇṇena sampattāpi caṇḍāladhītā ayanti paribhavabhayena āvāhaṃ na karonti. Atha tasmim nagare jeṭṭhacaṇḍālabrāhmaṇassa putto etamattāya tassā mātāpitunnaṃ santikaṃ vatthābharāṇagandhamālādayo pesesi suvaṇṇatilakaṃ amhākaṃ dadantūti, te taṃ pavattiṃ tassā ārocesuṃ. Sāssa jigucchantī parihāsa makāsi. Tato brāhmaṇassa putto lajjito rañño santikaṃ gantvā vīṇaṃ muñcetvā gāyamāno evamāha.

9. Lalanā nanānī calalocanānī,
Taruṇā ruṇānī calitādharaṇī;
Manujo hi yo nettapiyaṃ karoti,
Sa tu nīcajātiṃ api no jahāti.

Kimidanti raññā puṭṭho āha.

10. Sameti kiṃ deva chamāya mattikā,
Kadāci cāmīkarajātikāya;
Sigāladhenu api nīcajātikā,
Sameti kiṃsīhavarena devāti.

Evañca pana vatvā deva imasmimnagare suvaṇṇatilakā nāmekā caṇḍāladhītā atthi, sā samānajātikehi pesitapaṇṇākāraṃ na gaṇhāti, kulavanteyeva pattheti, kadā nāma kākī suvaṇṇahaṃsena samāgacchati devāti. Rājā taṃ sutvā tassā pitaraṃ pakkosāpetvā tamatthaṃ vatvā saccaṃ bhaṇeti pucchi, sopi saccaṃ deva, sā jātisampannameva kāmetīti āha. Rājā evaṃ sati bhaṇe pañcamadhuranagare uddālabrāhmaṇo nāma atthi, so jātisampanno mātītoca pitītoca anupakkuṭṭho, jegucchā paṭikkulā etāti mātugāmena saddhiṃ na saṃvasati. Attano gehato rājagehaṃ gacchantoca

āgacchanto ca soḷasakhīrodakaghaṭṭhi magge siñcāpesi. Mātugāme disvā kālakaṇṇī mayā diṭṭhāti khīrodakena mukhaṃ dhovati. Tava dhītā sakkontī tena saddhiṃ saṃvasatu, etamatthaṃ tava dhītaraṃ kathehīti āha, sopi taṃ sutvā gehaṃ gantvā dhītaraṃ pakkositvā rañña vuttaniyāmeneva tassā kathesi. Tāya taṃ sutvā sakkontī ahaṃ uddāḷabrāhmaṇena saddhiṃ vasissāmi, mā tumhe cintetha, papañcāpi mā karotha, pātova gamissāmīti vutte pitā panassā sādhuṭi sahaṃsagghanakacittakambalakañcukena dhītu sarīraṃ pārupāpetvā viñādituriyabhaṇḍāni gāhāpetvā dhītuyā saddhiṃ addhānamaggaṃ paṭipajji. Gacchanto antarāmagge aññatarasmiṃ nagare rañño gandhabbaṃ karonto dhītaraṃ piṭṭhipasse nisīdāpetvā gandhabbamakāsi. Athassa piṭṭhipassanisinnā suvaṇṇatilakā nayanakoṭiyā diṭṭhiṃ pāpentī sarasena taṃ oloketvā pārutakañcukaṃ kiñci apanetvā sarīrappabhaṃ paññāpesi, rājā panassā sarīrappabhaṃca rūpasampadaṃca disvā kāmāturo vigatasañño sammūḷho hutvā muhuttana paṭiladdhassāso tassā sassāmikāssāmikabhāvaṃ pucchitvā caṇḍāladhītāti sutvā paribhavabhayena taṃ ānetu masakkonto evarūpaṃ vaṇṇapokkharasampannaṃ itthiratanāṃ alabhantassa me ko attho jīvitenaṭi socanto paridevanto kāmamucchito kattabbā kattabbaṃ ajānanto asim gahetvā attano sīsaṃ sayameva chinditvā kāla makāsi. Evameva antarāmagge pañcarājāno tassā rūpasampattimadamattā asinā chinnaśīsā jīvitakkhayaṃ pāpuṇiṃsu. Tathā hi sattā hiraññasuvaṇṇadāsīdāsa puttadārādīsu [puttadārādīhi itisabbattha] piyaṃ nissāya kāmēna mucchitā anayabyasanaṃ pāpuṇantīti. Vuttañhettaṃ bhagavatā.

11. Piyato jāyate soko,
Piyato jāyate bhayaṃ;
Piyato vip̄pamuttassa,
Natthi soko kuto bhayaṃ.
12. Pemato jāyate soko,
Pemato jāyate bhayaṃ;
Pemato vip̄pamuttassa,
Natthi soko kuto bhayaṃ.
13. Ratiyā jāyate soko,
Ratiyā jāyate bhayaṃ;
Ratiyā vip̄pamuttassa,
Natthi soko kuto bhayaṃ.
14. Kāmato jāyate soko,
Kāmato jāyate bhayaṃ;
Kāmato vip̄pamuttassa,
Natthi soko kuto bhayaṃ.
15. Taṇhāya jāyate soko,
Taṇhāya jāyate bhayaṃ;
Taṇhāya vip̄pamuttassa,
Natthi soko kuto bhayaṃ.

Tato so anukkamēna pañcamadhuraṇagaraṃ gantvā attano āgatabhāvaṃ rañña kathāpetvā tena anuññāto gantvā rājānaṃ addasa. Tadā uddāḷabrāhmaṇo rañño avidūre kambalabhaddapīṭṭhe nisinnō hoti, gandhabbabrāhmaṇopi dhītuyā saddhiṃ gandhabbaṃ kurumāno nisīdi. Tasmiṃkhaṇe pitu piṭṭhipasse nisinnā suvaṇṇatilakā uddāḷabrāhmaṇo katamoti pucchitvā etasmiṃ bhaddapīṭṭhe nisinnō esoti sutvā nilāmalalocanehi taṃ olokanti dasanaraṃsinā sambhinnaśuraṭṭadharena mandahasitaṃ karontī taṃ oloketvā pārutakañcukaṃ apanetvā sarīrappabhaṃ vissajjesi. Taṃ disvā brāhmaṇo ummatto sokena paridaḍḍhagatto uñhavātena pūritamukhaṇāso assunā kilinnaṇetto visaññī ahoṣi. Tato so muhuttana laddhassāso rogīviya rañño sakāsā apasaranto attano gehaṃ gantvā suhade pakkositvā tesaṃ evamāha. Bhavantettha.

16. Yo āpade samuppanne,
Upaṭiṭṭhati santike;

Sukhadukkhe samo hoti,
So mitto soca ñātako.

17. Yo guṇaṃ bhāsate yassa, aguṇaṇca nigūhati;
Paṭisedhetya [\[paṭisedhetikattabbā itisabbattha\]](#) kattabbā, so mitto soca ñātako.
18. Suvaṇṇatilakānāma, lalanā kāmālālayā;
Nīlakkhicaṇḍakaṇḍehi, vikhaṇḍesi mano mama.
19. Tassā mukhambuje sattā, mama nettamadhubbatā,
Appampina sarantāmaṃ, tatthevā bhiramanti te.
20. Saheva tehi me cittaṃ, gataṃ ullaṃghiyuddhato;
Lajjāgambhīraparikhaṃ, dhitipākāramuggataṃ.
21. Sammuyhāmi pamuyhāmi, sabbā muyhanti me disā;
Tassa me saraṇaṃ hotha, karoṭha mama saṅgahanti.

Taṃ sutvā te evamāhaṃsu.

22. Yaṃ tvamācariya patthesi, caṇḍālī sā asaṅgamā;
Kinnu mīlhenā saṃyogo, candanassa kadā siyā.
23. Agammagamanā yāti, narānaṃ dūrato sirī;
Kitticāyu balaṃ buddhi, ayasaṃca sa gacchatīti.

Atha tesam brahmaṇo āha.

24. Na pariccajati lokoyaṃ, amejjhe maṇimuttamaṃ;
Thīratanaṃ yuvāṇī ca, dukkulā api gāhiyāti.

Evaṇca pana vatvā tassā sassāmikāssāmikabhāvaṃ ñatvā ānethāti āha, te tathā akaṃsu. Tato brāhmaṇo tāya gehaṃ āgatakālato paṭṭhāya cattāro māse rañño upaṭṭhānaṃ neva agamāsi. Tassa pana brahmaṇassa santike pañcasatarājakumārā nānāvidhāni sippāni uggaṇhanti. Te taṃ kāraṇaṃ ñatvā suvaṇṇatilakāya vijjānāya amhākaṃ sippuggahaṇassa antarāyo bhavissati, yena kenaci upāyena etaṃ māretuṃ vaṭṭatīti, cintevā te hatthā cariyaṃ pakkosivā lañjaṃ datvā evamāhaṃsu, hatthiṃ surāya mattaṃ katvā suvaṇṇatilakaṃ mārehīti. Tato te sabbe rājaṅgaṇe sannipatitvā dūtaṃ pāhesuṃ, ācariyaṃ daṭṭhukāmamhāti. Tato brāhmaṇena āgantvā nisinnena paṭisanthāraṃ katvā ācariya ācariyaṇiṃ passitukāmamhāti āhaṃsu. Atha so suvaṇṇatilakaṃ gahetvā āgacchathāti manusse pesesi. Te tathā kariṃsu, atha tassā vīthimajjhaṃ sampattakāle hatthiṃ vissajjāpesuṃ. So soṇḍāya bhūmiyaṃ paharanto [\[paharantoupadhāvitvā itikatthaci\]](#) gacchanto upadhāvitvā soṇḍena taṃ ukkhipitvā kumbhe nisīdāpesi. Tato rājāno tathā taṃ mārāpetu masakkontā puna divase manusse payojetvā rattiyaṃ mārāpesuṃ. Brāhmaṇopi evarūpaṃ itthiṃ alasitvā jīvanato matameva [\[matamemeseyyo itikatthaci\]](#) seyyoti socanto paridevanto rājaṅgaṇe dārucitakaṃ kārāpetvā aggimṃpavisitvā matoti. Evaṃ mātugāmasavaṅgatā mahantaṃ anayabyasanaṇca maraṇaṇca pāpuṇantīti. Vuttañhetam bhagavatā.

25. Māyāvesā [\[māyācesā itikatthaci\]](#) marīcīva,
Soko rogo cupaddavo;
Kharāva bandhanā cesā,
Maccupāso guhāsayo;
Tāsu yo vissase poso,
So naresu narādhamoti.
26. Ayoniso sā purimāya jātiyā,

Puññaṃ karitvā alabhīdisaṃ gatiṃ;
Dhīsampayuttaṃ [dhitisampayuttaṃ itikatthaci] kusalaṃ karontā,
Nibbāṇamevābhimukhaṃ karothāti.

Suvaṇṇatilakāya vatthumaṃ dutiyaṃ.

33. Kapaṇāya vatthumhi ayamānupubbīkathā

Bhagavati parinibbute jambudīpe tattha tattha bhikkhubhikkhuṇiyo ca upāsakaupāsikāyo ca jayamahābodhiṃ vandissāmīti yebhuyyena gantvā vandanti. Athā parabhāge bahū bhikkhū saṅgama mahābodhiṃ vandanatthāya gacchantā aññatarasmiṃ gāmake bhikkhāya caritvā āsanāsālaṃ gantvā katabhattakiccā thokaṃ vissamiṃsu, tadā tattha ekā kapaṇā duggatitthī tathā nisinnabhikkhū disvā upasaṅkamitvā pañcapatitthitena vanditvā ekamante t̥hitā ayyā kuhiṃ gacchantīti pucchi. Bhikkhū taṃ sutvā jayamahābodhissa ānubhāvaṅca taṃ vandanatthāya attānaṃ gamanaṅca kathentā evamāhaṃsu.

1. Yatthāsīno jino jesi, sasenaṃ makaraddhajaṃ;
Hantvā kilesasenaṅca, buddho āsi niruttaro.
2. Yaṃ pūjesi mahāvīro, t̥hito pada makopayaṃ;
Sattarattindivaṃ netta, nīlanīrajaṃsinā.
3. Surāsuranarādīnaṃ, nettāli pālipātanā;
Mecakākārapattehi, sikhaṇḍīviya bhāti yo.
4. Surapādapova sattānaṃ, yaṃ tiṭṭhati mahītale;
Iha loke paratte ca, dadanto icchiticchitaṃ.
5. Yassa purāṇapaṇṇampi, patitaṃ yo naro idha;
Pūjeti tassa so deti, bhavabhogaṃ mahīruho.
6. Gandhamālehi salilehi, yamupāsati sadā naro;
Ajjhattaṅca bahiddhā ca, duritaṃ so nihaññati.
7. Yo deti ihalokatthaṃ,
Yo deti pārālokikaṃ,
Sampadaṃ jayabodhiṃtaṃ,
Bhoti gacchāma vanditumaṃ.

Taṃ sutvā udaggā somanassajātā bhikkhūnaṃ evamāha. Ahaṃ bhante parakule bhātiyā kammaṃ karontī dukkhena kasirena jīvikaṃ kappemi. Svātanāya me taṇḍulanālipi [bhaṇḍulanāmpa itisabbattha] natthi, pageva aññaṃ dhaṇaṃ, imaṃ vinā aññaṃ sātakaṃ natthi, kasmā pubbe akatapuññatā, tasmā imaṃ bhante sātakaṃ mamānuggahāya bodhimhi dhajaṃ bandhathāti yācitvā sātakaṃ dhovitvā tesā adāsi. Bhikkhūpi tassānuggahāya taṃ gahetvā agamaṃsu. Sā sātakaṃ datvā pītipāmojjamānasā gehaṃ gantvā tadaheva rattiyā majjhimayāme satthakavātena upahatā kālaṃ katvā tesā bhikkhūnaṃ gamanamagge ekasmiṃ ramaṇīye vanasaṇḍe bhummadevatā hutvā nibbattī, athassā puññānubhāvena tiyojanike t̥hāne dibbakapparukkā pāturaṃsu, tatta tatta nānāvīraḡadhajapatākā olambanti. Devaputtā ca devadhītarō ca sabbābharaṇavibhūsitā tatheva dhajapatākādayo gahetvā kīlanti. Naccagītādinēkāni acchariyāni payojenti. Atha dutiyādivase tepi bhikkhū bodhimaṇḍalaṃ gacchantā sāyaṅhe taṃ t̥hānaṃ patvā ajja imasmiṃ vanasaṇḍe vasitvā gamissāmīti tattha vāsaṃ upagamīṃsu, tato te rattibhāge nānavaṇṇadhaje ca devatāhi payojiyamānā gītāvādītādayo ca tiyojanaṭṭhāne kapparukkāni ca idaṃ sabbaṃ devissariyaṃ tassānubhāvena nibbattabhāvaṃ disvā vimhitamānasā devadhītaṃ āmantetvā tvaṃ kena kammena idha nibbattāti pucchiṃsu. Sā bhikkhū vanditvā añjaliṃ paggayha t̥hitā bhante maṃ na sañjānitthāti āha. Bhikkhūhi na mayaṃ sañjānāma bhaginīti vutte sā attano sabhāvaṃ kathentī evamāha.

8. Hīyyo āsanasālāya, nisīdittha samāgatā;
Tumhakaṃ santikaṃ gamma, yā varākībhivādayi.
9. Yā bodhiṃ pūjanatthāya, vatthakaṃ paṭipādayi;
Sāhaṃ hīyyo cutā āsiṃ, rattiyaṃ byādhipīlītā.
10. Nānāsampattisaṃyuttā, nānābhūsanabhūsitā;
Vimāne ratanā kiṇṇe, jātāhaṃ ettha kānane.
11. Hīyyo passittha me gattaṃ, rajojallehi saṃkulaṃ;
Aḷja passatha me gattaṃ, vaṇṇavantam pabhassaram.
12. Hīyyo passittha me bhante, nivattham malinambaram;
Aḷja passatha me bhante, dibbamambaramuttamaṃ.
13. Vikiṇṇaphalitaggehi, kesehi viralā kulaṃ;
Ūkāgūthapaṭikkūlam, hīyyo āsisiram mama.
14. Aḷja taṃ parivattitvā, mama puññānubhāvato;
Sunīlamududhammillaṃ, kusumā bharaṇabhūsitam.
15. Purā me sakasīsenā, vahitam dārū dakādikaṃ;
Puññenāham aḷja mālā, bhāram sīse samubbahe.
16. Dhajattthāya mayā hīyyo, padinnaṃ thūlasāṭakaṃ;
Aḷja nibbatti me bhonto, mahantaṃ dibbasampadam.
17. Jānamānena kattabbaṃ, dānādīsu mahapphalaṃ;
Devaloke manussesu, sukhadam dāna muttamanti.

Taṃ sutvā sabbe bhikkhū acchariyabbhutatittā ahesuṃ. Sā devatā tassā rattiyā accayena bhikkhū nimantevā dibbehi khajjabhoyjehi sahatthā santappetvā tehi saddhiṃ āgacchantī antarāmagge dānaṃ dadamānā mahābodhiṃ gantvā sabbehi dhajapatākā dīhi ca nānāvidhavaṇṇagandhasampannapupphehi ca dīpadhūpehi ca bodhiṃ pūjetvā bhikkhūnaṃ cīvaratthāya dibbavatthāni datvā āgamma tasmimyeva vanasaṇḍe vasantī nānāvidhāni puññāni katvā tāvatimsabhavane nibbatti. Bhikkhūpi taṃ acchariyaṃ tattha tattha pakāsenta bahūjane puññakamme niyojesuṃti.

18. Evaṃ vidhāpi kapaṇā jinasāsanamhi,
Katvā pasāda matha thūlakucelakena;
Pūjetva dibbavibhavaṃ alabhīti ñatvā,
Pūjāparā bhavatha vatthusu tīsu sammāti.

Kapaṇāya vatthum tatiyaṃ.

34. Indaguttattherassa vatthumhi ayamānupubbīkathā

Amhākaṃ bhagavato parinibbānato orabhāge jambudīpe kira pāṭaliputtaṃ nāma nagaram ahoṣi. Tattha dhammāsoko nāma mahiddhiko mahānubhāvo āṇācakkavatti rājā rajjaṃ kāreti. Uddham ākāsatō heṭṭhā pathaviyā yojanappamāṇe sakalajambudīpe tassa āṇā pavattati, tadā sakalajambudīpavāsino ca caturāsīti nagarasahassee rājāno ca attano attano balavāhane gahetvā āgamma dhammāsokamahāraṇṇo upaṭṭhānaṃ karontī. Tasmim samaye devaputtanagare devaputto nāma mahārājā attano balavāhanaṃ gahetvā raṇṇo upaṭṭhānaṃ agamāsi. Dhammāsoko devaputtamahārājānaṃ disvā madhurapaṭisaṅghāraṃ katvā tumhākaṃ raṭṭhe bahussutā āgatāgamā mahāguṇavantā ayyā atthīti pucchi. Taṃ sutvā devaputtarājā atthi deva tasmim nagare

sīhakumbhakaṃ nāma mahāvihāraṃ. Tattha anekasahassabhikkhū viharanti sīlavantā appicchā santuṭṭhā vivekakāmino. Tesu sātṭhakathātipīṭakadharo indaguttatthero nāma tesu pāmokkho ahosi. So anekapariyāyena sanarāmarānaṃ bhikkhūnaṃ dhammaṃvaṇṇeti. Guṇavā attano guṇaṃ nissāya loke pākaṭoti. Taṃ sutvā rājā tuṭṭhamānaso therāṃ passitukāmo hutvā samma tvameva gantvā therāṃ yācītvā idhā nehīti āha. Taṃ sutvā devaputtarājā attano hatthassabalavāhanā dimahā senaṅgaparivuto indaguttattherassa santikaṃ gantvā vandītvā ayya ayyaṃ dhammāsokamahārājā daṭṭhukāmoti āha. Therena sādhuṭi sampaṭicchite rājā therena sampaṭicchitabhāvaṃ dhammāsokamahārājino pesesi. Tato dhammāsokamahārājā somanassappatto attano āṇāpavattitaṭṭhāne rājūnaṃ sāsanaṃ pesesi. Sabbeva therāgamanamaggaṃ alaṅkarontūti. Atha te rājāno tuṭṭhapahaṭṭhā attano attano nagare bheriṃ carāpetvā devaputtanagarato yāva pāṭaliputtanagaraṃ etthantare pañcapaṇṇāsayojanikaṃ maggaṃ visamaṃ samaṃ karonto devatānaṃ dibbavīthimiva alaṅkaritvā dhammāsokamahānarindassa evaṃ sāsanaṃ pesesuṃ. Bhavantettha.

1. Indaguttamahāthera, sāmīno gamanāya no;
Maggāṃ alaṅkarontūti, mahārājena pesitaṃ.
2. Tato te apanetvāna, pāsāṇakaṇṭakādikaṃ;
Visamaṃ samaṃ karitvāna, sammajjitvāna sādhuṅkaṃ.
3. Dhotamuttā samābhāsā, okiritvāna vāluka;
Ussāpitā tattha tattha, dussatorañapantiyo.
4. Kaladhotahemarambhādi, nānātorañapantiyo;
Tathā pupphamayā neka, torañūparitorañā.
5. Tesu tesuca ṭhānesu, saṅkhatā kusumagghikā;
Tatheva gandhatelehi, dīpitā dīpapantiyo.
6. Padumuppalasannīra, pupphapallava laṅkatā;
Ṭhapitā ghaṭamālāyo, puṇṇā sogandhavārihi.
7. Nilapītā disambhinna, patākāhi dhajehi ca;
Maggassa ubhato passe, vanamāsī samākulaṃ.
8. Ketavo uggatā tattha, mandamandasamīraṇā;
Avhayantāva sobhanti, brahmoragasurādayo.
9. Nāgacampapunnāga, ketakīvakulādihi;
Padumuppalā dijalajehi, mālatī kusumā dihi.
10. Mālādāmehi nekehi, maggamāsī vicittakaṃ;
Pattharivā pādapaṭe, sittasammattabhūmiyaṃ.
11. Lājādipaṅcapupphāni, vikiriṃsu manoramaṃ;
Alaṅkaritvā hattassā, kusumā bharaṇādihi.
12. Maggālaṅkaraṇatthāya, ṭhapitāsuṃ tato tato;
Tesu tesu ca ṭhānesu, bherimaṇḍalamajjhagā.
13. Naccanti cātūrā nārī, rasabhāvanirantarā;
Kaṃsavaṃsādipaggayha, vajjentānekatantiyo.
14. Gāyanti madhuraṃ gītaṃ, gāyantettha layānvitaṃ;
Maggoso sādhuṃvādehi, bheritantinadehica.

15. Karīnaṃ koñcanādehi, hayānaṃ hesitehi ca;
Nekaviṭṭaṅkasaṅghehi, so karīhi samākulo.
16. Maggassa ubhato passe, devakaññūpamā subhā;
Mālākalāpe paggayha, tiṭṭhanti tuṭṭhamānasā.
17. Tathā puṇṇaghaṭe gayha, padumuppalasaṃkule,
Aṭṭhamaṅgalamuggayha, tiṭṭhanti pamadā tahiṃ.
18. Sītālūdakasampanna, papāhi samalaṅkatā;
Sinānatthaṃ khatā āsuṃ, pokkharāñño tahiṃtahiṃ.
19. Tahiṃtahiṃkatā āsuṃ, dānasālā manoramā;
Nicitāsumanekāni, dānopakaraṇā tahiṃ.
20. Evaṃ nekavidhā pūjā, amhehi paṭipādītā;
Ṭhapetvāna mahāgaṅgaṃ, taṃ jānātu mahīpatīti.

Taṃ sutvā asokamahārājā gaṅgaṃ alaṅkarothāti soḷasayakkhe pesesi, te saparivārā tattha gantvā attano ānubhāvena gaṅgāya anto tigāvutaṭṭhāne udukkhalapāsāṇe ṭhapesuṃ. Ṭhapetvā thambhe ussāpetvā tulāsaṃghāṭe datvā himavantato rattacandanasāre āharitvā padare santharitvā anekehi pūjāvidhānehi alaṅkaritvā rañño evaṃ sāsanaṃ pesesuṃ. Bhavantettha.

21. Yamatthāya mayaṃ sabbe, mahārājena pesitā;
Amhehi dāni taṃ sabbam, katameva suṇoṭha taṃ.
22. Gāvutattayagambhīraṃ, gaṅgaṃ yojanavittataṃ;
Thambhe paṭiṭṭhapetvāna, anaggaṃ rattacandanaṃ.
23. Himavantato haritvāna, setuṃ tattha sumāpitam;
Toraṇā ca ubho passe, ratanehi sunimmitā.
24. Puṇṇakumbhaddhajā ceva, padīpāvaliyo tathā;
Ubho passesu ratanāni, māpetvālanbanānica.
25. Suvaṇṇamaṇimuttādi, dāmehi samalaṅkatā;
Vālukatthāya okiṇṇā, dhotamuttā pabhassarā.
26. Tesu tesu ca ṭhānesu, ṭhapitāsuṃ mahāmaṇī;
Nānārāgavitānehi, sobhitā setuno pari.
27. Olambitāsuṃ tattheva, dibbādikusumādayo;
Niṭṭhitam idha kātabba, yuttaṃ pūjāvidhiṃtu no;
Devotaṃ paṭijānātu, iti vatvāna pesayumti.

Tampi sutvā asoko mahārājā tumheva theram idhānethāti tesameva sāsanaṃ paṭipesesi, te sādhiṭi indaguttattherassa santikaṃ gantvā vanditvā bhante pāṭaliputtanagarassa gamanāya kāloti āhaṃsu, tato thero saṭṭhisahassamattehi bhikkhusaṅghehi parivuto pañcapanṇāsayojanamaggaṃ paṭipajji. Athāparaṃ devaputtanagaravāsino anekavidhamālāgandhavāsacunṇaddhajapatākādīhi anekehi tālavacarehi naccagītavāditehi pūjetvā agamaṃsu. Atha thero mahantena pūjāvidhānena jambudīpavāsīhi pūjīyamāno anukkamena candabhāgāya gaṅgāya setuṃ patvā tattha mahantaṃ pūjāvidhānaṃ olokento evaṃ cintesi, evaṃ uḷāraṃ pūjāvidhānaṃ idāni jambudīpe nāññassa hoti, mayhamevetam kataṃ. Ahamevetta uttamo appaṭimoti evaṃ seyyassa seyyohamasmīti mānaṃ uppādetvā aṭṭhāsi. Tasmīṃ khaṇe eko khīṇāsavathero taṃ mānenupatthaddhacetāsā ṭhitam dibbacakkhunā disvā upasaṅkamitvā vanditvā therassa ovaḍanto evamāha. Tasmā.

28. Mā mānassa vasī hotha, māno bhante vasaṅgataṃ [[mānambhantevasīkataṃ itisabbattha](#)];
Anatthado sadā hoti, pātetvāna bhavā vaṇe.
29. Māno palālito satto, taṇhāpaṭiḡhasaṅgato;
Makkaṭoragasoṇādi, hutvā jāyati jātisū.
30. Mā mānaṃ sāmi pūrehi, attānaṃ parisodhaya;
Aparisuddhā sayo bhikkhu, dāyakaṃ na paritosati.
31. Dadantānaṃ sarantānaṃ, pūjentānaṃ sace tuvaṃ;
Mahapphalaṃ mahābhūtiṃ, kāmattha hotha nibbaṇāti [[nimmanā itikattaci](#)].

Taṃ sutvā thero saṃsāre nibbindo tattheva ṭhito tilakkhaṇaṃ paṭṭhapetvā karajakāyaṃ sammasanto sahaṇāṭi sambhidāhi arahattaṃ patvāva nikkhami. Tato dhammāsokamahārājā balavāhanaparivuto mahantena pūjāvīdhānena paṭimaggāṃ āgama vanditvā tato diguṇaṃ pūjāsakkāraṃ kurumāno mahābhikkhusaṅghena saddhiṃ therāṃ attano nagaraṃ netvā tassa dhammakathaṃ sutvā pasannamānaso pañcasīle paṭiṭṭhāya mahantaṃ vihāraṃ kāretvā therena saḡatānaṃ saṭṭhisahassānaṃ bhikkhūnaṃ catupaccayehi upaṭṭhāna makāsi, atha thero saṭṭhakathaṃ piṭakattayaṃ pakāsentō tasmīṃ ciraṃ vasiṭvā tattheva parinibbāyi. Tato rājā sapaṛiso tassa sarīranikkhepaṃ kāretvā dhātuyo gaḡetvā mahantaṃ cetiyaṃ kārapesīti.

32. Purātanānaṃ bhuvī puñṇakammaṃ,
Guṇānubhāvena mahenti evaṃ;
Sadevakā naṃ manasīkarontā,
Puñṇaṃ karothā yatane sadā darāti.

Indaguttatherassa vatthūṃ catutthaṃ.

35. Sākhamaḡapūjīkāya vatthūmhi ayamānupubbīkathā

Amhākaṃ bhagavā dasapāramiyo pūretvā anukkamena tusitabhavane nibbato devehi ārādḡhito sakkarājakule paṭisandhiṃ gaḡetvā mātukucchito nikkhanto anukkamena paramābhisambodhiṃ patvā tato paṭṭhāya pañcacattālīsasaṃvaccharāni ṭhatvā caturāsītīdhammakhandhasahassāni desetvā gaṇanapathamaṭīte satte bhavakantāro santāretvā sabbabuddhakiccāni niṭṭhāpetvā kusinārāyaṃ upavattane mallānaṃ sālavane yamakasālāna mantare uttarasīsakaṃ pañṇatte mañcake vesākhapūṇṇadivase dakkhiṇena passena sato sampajāno anuṭṭhānaseyyāya nipanno pacchimayāme bhikkhū ovaditvā balavapaccū-sa samaye mahāpathaviṃkampento anupādīsēsāya nibbāṇadhātuyā parinibbāyi, nibbute pana bhagavati lokanāthe ānandatthero mallarājūnaṃ etaṃ pavattiṃ ārocesi. Tato kosinārakā ca devabrahmādayo ca sannipatitvā naccagītavāditehi māḡagandhādīhi ca sakkarontā garukarontā mānentā pūjentā celavitānādayo karontā bhagavato sarīraṃ nagaramajjhe yattha makuṭabandhanaṃ nāma mallānaṃ cetiyaṃ, tattha netvā cakkavattissa sarīraṃ viya ahatena vatthena veṭṭetvā tato vihatena kappāsena veṭṭetvāti evaṃ pañcadussayugasatehi veṭṭetvā āyasāya teladoṇiyā pakkhipitvā añṇissāya āyasāya doṇiyā paṭikujjitvā sabbagandhānaṃ citakaṃ karitvā bhagavato sarīraṃ citakaṃ āropesūṃ. Atha mahākassapattherena bhagavato pāde sirasā vandite devatānubhāvena citako samantā ekappahāreṇeva pajjali. Bhagavato pana sarīre daḡḡhe sumanamakuḡasadisā dhātuyo avasissīṃsu. Tasmīṃ kira samaye kosalarāñño janapade añṇatarā gāmaṃvāsīkā itthī bhagavati parinibbute sādḡhukīḡhaṃ āgacchamānā antarāmagge attano sarīre uppannavātarogena upaddutā sādḡhukīḡhaṃ sampāpūṇitūṃ asakkontī satthu āḡāhanaṃ gantvā bhagavato dhātusarīre tīṇi sākhapupphāni pūjetvā pasannamānasā pañcapaṭiṭṭhitena vanditvā gatā tāya eva rattiyā majjhimayāme kālaṃ katvā tāvatīṃsabhavane tiṃsayojanike kanakavimāne nibbatti. Tassā pubbakammaṃpakāsanatthaṃ cakkamattāni sākhapupphāni tatta tattha olambanti. Teheva sabbaṃ vimānaṃ ekobhāsī [[ekobhāsī tato itisabbattha](#)] ahoṣi. Tato sugandhakarāṇḡakaṃ viya ca ahoṣi, sā pana attano sobhaggappattaṃ atabhāvañca vimānasampadañca parivārasampattiyo ca disvā vimhitamānasā pubbe katena [[pubbekissame. pubbekatename iticakatthaci](#)] kena me puñṇakammenā yaṃ laddhāti olokantī bhagavato dhātusarīrasmiṃ pūjitāni tīṇi sākhapupphāni disvā pasannamānasā

mahācakkappamāṇaṃ sākhamālaṃ hatthena dhārentī dhātupūjanatthāya agamāsi. Tadā tattha sannipatitā manussā tassā rūpasampadañca hatte mahantaṃ sākhamālañca disvā vimhitamānasā amma tvaṃ kattha vāsikā. Kattha panimaṃ pupphaṃ paṭiladdhanti pucchimsu, taṃ sutvā devadhītā attanā bhagavato dhātusarīrassa pūjitasākhamālattayānubhāvena paṭiladdhasampattiyo ca dibbavimānañca pubbe matakalevaram cāti sabbaṃ tesam dassetvā dhammadesanāvasāne āha.

1. Samāgatā bhavantā bho, passantu mama sampadaṃ;
Katamappena kārena, sammāsambuddhadhātuyā.
2. Sākhamālāni tīṇeva, hīyyohaṃ munidhātuyā;
Pūjayitvāna santuṭṭhā, nivattā tāya rattiyā.
3. Marantī kharavātena, tamahaṃ sucaritaṃ sarim;
Tenāhaṃ puññakammena, tāvatimsūpagāhumaṃ.
4. Tattha me āsi pāsādo, tiṃsayojanamuggato;
Kūṭāgāravarākiṇṇo, sākhamālāti [sādhamaḷo itipikatthaci], vissuto.
5. Yathā sabbasugandhehi, karaṇḍaṃ paribhāvitaṃ;
Tathā dibbasugandhehi, gandhitaṃ bhavanaṃ mama.
6. Cakkamattā sākhapupphā, tattha tathūpalambare [tatavatthupalabbare itipikatthaci];
Dibbagandhā pavāyanti, madhubbabhanisevitā.
7. Bhassanti ekapupphasmā, tumbamattā hi reṇavo;
Tehi piñjaritā devā, kiḷanti ca lalantica.
8. Pīlandhitvāna mālādhayā, sudibbā bharaṇānica;
Sahaccharā devaputtā, naccagītādibyāvaṭā.
9. Passathemaṃ bhujāṅgā bho, sattā mohena pārutā;
Hīyyo mataṃ paviddhaṃ me, pūtibhūtaṃ kalevaram.
10. Puḷavehi samākiṇṇaṃ, makkhikāgaṇakīḷitaṃ;
Kākasoṇādisattāna, māhāraṃ kuṇapālayaṃ.
11. Patthenti purisā pubbe, anekopāyanena taṃ;
Daṭṭhumpidāni nicchanti, taṇhāyaññāṇatā aho.
12. Lokapajjotakassāhaṃ, vimalassa yasassino;
Dhātuṃ hīyyo mahiṃ sammā, ajja sagge patitṭhitā.
13. Hitvāne tādisaṃ kāyaṃ, laddhamdāni mamedisaṃ;
Dibbattabhāvaṃ sobhāhi, bhāsamāna mudikkhatha.
14. Bhāsamānāya me vācaṃ, suṇoṭhettha samāgatā;
Natthevākatapuññassa, aṇumattaṃ bhava sukhaṃ.
15. Bindumattampi yo puñña, bījaṃ ropeti sāsane;
Na hā natthaphalaṃ [nahapanantaphalaṃ itipikatthaci] hoti, yāva nibbānapattiyāti.

Evamaṃ sā devatā attanā paṭiladdhadibbavibhavaṃ dassetvā janakāyaṃ ovaditvā dibbasākhapupphehi jinadhātuṃ pūjetvā manussānaṃ passantānaṃyeva saddhiṃ vimānena devalokameva agamāsi. Taṃ disvā mahājano dānādīni puññāni katvā devalokaṃ pūresīti.

16. Evañhi sā pupphamattena dhātuṃ,
Pūjetva devesu alattha bhūtiṃ;
Tumhepi bhonto tidivesu sātāṃ,
Kāmattha ce kattha puññāni sādhuṃti.

Sākhamaḷapūjikāya vatthūṃ pañcamāṃ.

36. Moriyabrahmaṇassa vatthumhi ayamānupubbikathā

Amhākaṃ bhagavati parinibbute magadharatṭhe macalaṃ nāma mahāgāmaṃ ahoṣi. Tattha moriyonāma brāhmaṇo paṭivasati saddho pasanno, tassa senānāme kā bhariyā atthi. Sāpi saddhā pasannā ratanattayesu. Te ubhopi samaggā sammodamānā bhikkhusaṅghaṃ nimantetvā niccaṃ dānaṃ pavattentā cīvarādicatupaccayehi upaṭṭhahantā sīlaṃ rakkhantā uposathakammaṃ karontā divasaṃ vītināmenti. Athassa gehe vibhavaṃ yebhuyyena dānādīsu parikkhayamagamāsi. Tato brāhmaṇī sāmī no gehe dhanāṃ parikkhīṇaṃ. Kathaṃ dānaṃ pavatteyyāmāti brāhmaṇassa ārocesi, tato brāhmaṇo mā bhadde cintesi. Yenakenaci upāyena dānaṃ patiṭṭhapessāmāti vatvā tasmimyeva attano saussāhataṃ pakāsono āha.

1. Jānamāno hi lokasmiṃ, dānassedāṃ phalaṃ iti;
Na dajjā ko susīlesu, appampī divasampati.
2. Saggalokanidānāni, dānāni matimā idha;
Kohināma naro loke, na dadeyya hite ratoti.

Evañca pana vatvā bhadde vanaṃ pavisitvā anekavidhāni paṇṇāni ca phalāni ca pacchīpūraṃ āharitvā vikkiṇitvāpi dānaṃ na upacchindissāmāti vatvā tato paṭṭhāya vanaṃ gantvā paṇṇāni ca phalāni ca āharitvā vikkiṇitvā dānaṃ dento paṭivasati. Athekadivasaṃ brāhmaṇo vanaṃ pavitṭho paṇṇehi ca phalehi ca pacchiṃ pūretvā sīsenā dāya gehaṃ āgacchanto pupphaphalappallavehi vinataṃ nekatarugaṇanicitaṃ sammattānekacātakacatupadanisevitaṃ vipakīṇṇānantapupphapattakiṇṇajakkhacchannavāḷukātalaṃ sandamānasītalā malajalappavāhaṃ akaddamāninnasupatitthehi sundaraṃ kandaraṃ disvā pacchiṃ tīre ṭhapetvā otiṇṇo nahāyati, tasmim khāṇe tattha ekasmiṃ rukkhe adhivattho devaputto taṃ tattha nahāyantaṃ disvā kinno kho esa kalyāṇajjhāsayo vā udāhu pāpajjhāsayo sattoti dibbacakkhunā upadhāranto acchariyapuriso eso duggatopi hutvā attano dānappaveṇiyā upacchijjanabhayena vanaṃ gantvā paṇṇāni ca phalāni ca āharitvā dukkhena kasirena jīvikaṃ kappento dānadhammaṃ na upacchindatīti cintetvā tassa guṇādayo paṭicca pacchiyaṃ ṭhapitapaṇṇāni ca phalāni ca sabbāni suvaṇṇāni hontūti adhiṭṭhāsi. Athassānubhāvena sabbāṃ suvaṇṇāṃ ahobhi, atha so suvaṇṇapupphapacchiyaṃ upari suvaṇṇarāsimatthake sabbakāmadadaṃ mahantaṃ maṇiratanāṃ ṭhapetvā antarahito paṭikkamma aṭṭhāsi, tato brāhmaṇo nahātvā uttiṇṇo pacchiyaṃ sampuṇṇasuvaṇṇavaṇṇaramsinaṃ sambhinnavijjotamānaṃ maṇiratanāṃ disvā kimetaṃti āsaṅkitaparisaṅkito pacchisamīpaṃ gantvā hatthaṃ pasāretuṃ avisahanto aṭṭhāsi. Taṃ disvā devaputto dissamānasarīrena ṭhatvā mā tvaṃ bhāyi brāhmaṇa. Mayā etāni nimmitāni, gahetvā gacchāhīti āha, atha brāhmaṇo devaputtassa kathaṃ sutvā ayaṃ devaputto imaṃ mayā nimmitaṃ, gahetvā gacchāti vadati. Kinno kho so attano ānubhāvena deti, udāhu mayā katapuññenāti pucchissāmi taṃti pañjalikova devaputtaṃ pucchanto āha.

3. Pucchāmi pañjalī dāni, devaputta mahiddhika;
Dadāsi me suvaṇṇaṇca, kāmadaṃ maṇimuttamaṃ.
4. Nāpi ko no tvaṃ nīti,
Na mitto nopakārako;
Kiṃ tvaṃ atthavaṣaṃ disvā,
Mama dajjāsimaṃ dhanāṃ.
5. Kena tapena sīlena, kenācāraguṇena ca;
Yena dajjāsi me deva, kiṃ me sucaritaṃ citaṃ.

6. Kinnu purātaṇaṃ kammaṃ, kena kammena dassasi;
Athavā taviddhiyā desi, taṃ me akkhāhi pucchitoti.

Tato devaputto na kho panāhaṃ brāhmaṇa devoti paresaṃ kiñci dātuṃ sakkomi, tayā pubbe katasucaritānubhāvena nibbattatīti vatvā dibbacakkhunā tassa pubbakammaṃ disvā tassa pakāsentō āha.

7. Kassape lokapajjote, sambuddhe parinibbute;
Sabbattha patthaṅgaṃ āsi, tassa buddhassa sāsanaṃ.
8. Tadā paccantime gāme, tvamāsi kuladārako;
Saddho āsi pasanno ca, dāyako kusale rato.
9. Tadā pabbajito eko, gacchanto antarāpathe;
Corehi anubaddhosi, acchinnapattacīvaro.
10. Sākhābhaṅgaṃ nivāsetvā, pārupitvā tatheva taṃ;
Antogāmaṃ pavitṭhosi, esamāno pilotike.
11. Tato tvaṃ caramānaṃ taṃ, disvā kampitamānaso;
Vatthayugaṃ adāsi tvaṃ, saddahaṃ dānato phalaṃ.
12. Patthodanena taṃ bhikkhuṃ, parivisitvā yathābalaṃ;
Pesesi abhivādetvā, saddhāya suddhamānaso.
13. Imaṃ tvaṃ akarī puññaṃ, tuyhetāṃ caritaṃ imaṃ;
Tassa te puññakammaṃ, amukhyaphala mīdisaṃti.

Evañca pana vatvā idaṃ te brāhmaṇa dhanam rājādīhi mayā anāharaṇīyaṃ kataṃ, tvaṃ aparisaṅkanto gahetvā yathādhippāyaṃ karohi, imaṃ kho pana maṇiratanaṃ icchicchitaṃ pasavati, tenāpi ānubhāvena tava dānaṃ anupacchindanto puttadārādayo posehīti anusāsi, taṃ sutvā brāhmaṇo tena vuttaniyāmeneva bhikkhusaṅghassa mahādānaṃ dadanto sīlaṃ rakkhanto ciraṃ vasitvā aparabhāge tato cuto devaloke nibbattīti.

14. Evaṃ nihīnāpī dhanena santo,
Dānanvayaṃ neva pariccajanti;
Tasmā hi bhonto satī deyyadhamme,
Mā kattha dānesu pamādabhāvaṃti.

Moriyabrāhmaṇassa vatthuṃ chaṭṭhamaṃ.

37. Puttavatthumhi ayamānupubbīkathā

Ekasmiṃ kira samaye laṅkāpavāsino saṭṭhimattā bhikkhū jayamahābodhiṃ vanditukāmā ekato mantetvā mahātīthena nāvaṃ āruya jambudīpaṃ patvā tāmalittipaṭṭhene [tamalittipaṭṭane itikatthaci] otaritvā anukkamena pāṭaliputtanagaraṃ pāpuṇṇimsu. Atha tasmīṃ nagare piṇḍāya carante te bhikkhū eko duggatamanusso disvā cirena [cirenāhamdiṭṭhā itisabbattha] mayā diṭṭhā buddhaputtāti somanasso bhariyaṃ pakkositvā bhadde imesaṃ ayyānaṃ dānaṃ dātukāmomhi, pubbe no akatapuññattā idāni duggatā jātā, imesu puññakkhettesu bījaṃ no ce ropessāma, punapi evameva bhavissāmāti vatvā kiṃ me gehe deyyadhammaṃ atthīti pucchi. Sā taṃ sutvā ghare no sāmī ayyānaṃ kiñci dātabbaṃ na passāmi. Api ca mama puttaṃ māretvā dānaṃ dātuṃ sakkāti. So tassā kathaṃ sutvā bhadde puttaṃ māretvā kiṃ dānaṃ demāti āha. Tāya taṃ sutvā sāmī kiṃ na jānāsi, putte no mate sandiṭṭhasambhattā nītimittasuhajjā ca amhākaṃ santikaṃ āgacchāntā kiñci paṇṇākāraṃ gahetvā āgacchanti. Mayaṃ tena paṇṇākārena dānaṃ dassāmāti vutte upāsako sādhu tathā karohīti mātuyā eva bhāramakāsi, sā puttaṃ māretuṃ avisahantī āha. Tathā hi.

1. Kicchā laddhaṃ piyaṃ puttaṃ, ammammāti piyaṃ vadaṃ;
Sunīlanettaṃ subhamuṃ, ko pakkamitumicchati.
2. Mātarā māriyantopi, mātarameva rodati;
Māretuṃ taṃ na sakkomi, hadayaṃ me pavedhatīti.

Evañca pana vatvā ahaṃ sāmi na sakkomi puttaṃ māretuṃ. Tvaṃ mārehīti puttaṃ pitusantikaṃ pesesi. Atha sopi taṃ māretu masakkonto evamāha. Vuttañhi.

3. Tāyanti pituno dukkhaṃ, puttā puttāti kittitā;
Pitu dukkhaṃ sukhaṃ puttā, dāyādā honti sabbadā.
4. Tasmā me sadisaṃ puttaṃ, pillakaṃ mañjubhāsanam;
Na sakkomi ahaṃ bhadde, jīvitā taṃ viyojituṃ.
5. Ayasañca akittiñca, pappoti puttaghātako;
Pāṇātipātakammampi, kāmaṃ so phusate naroti.

Evañca pana vatvā so tvameva tava puttaṃ mārehīti pesesi, evaṃ tena vutte putthassa mārapāṇūpāyaṃ pariyasantā evamāhaṃsu, amhe panimaṃ māretuṃ na sakkomi, amhākaṃ pacchāgehe mahanto vammiko atthi, tasmim eko nāgarājā paṭivasati. Kumāraṃ tattha pesessāma, so taṃ ḍasitvā māressatīti. Iccete eso kho upāyo evāti cintetvā kumāraṃ pakkositvā añcanā valivalayādīhi maṇḍetvā tassa hatthe geṇḍuṃ [teṇḍuṃ itisabbattha] ṭhapetvā tāta pacchāgehe vammikasamīpaṃ gantvā kīlāti pesesuṃ. Tato dārako gantvā geṇḍukena kīlanto vammikabile geṇḍukaṃ pātesi. Atha so geṇḍukaṃ gaṇhissāmīti vammikasusire hatthaṃ pavesesi. Tato sappo kujjhivā susūtisaddaṃ karonto mahantaṃ phaṇaṃ katvā bilato sīsaṃ ukkhipivā olokeno aṭṭhāsī kumārassa hatthato parigalitapāsaṃviya. Athassa kumāro kiñci ajānanto sappassa gīvaṃ dalhaṃ gaṇhi. Athassa mātāpitunnaṃ saddhābalena nāgarājā kumārassa karatale aṭṭhaṃsaṃ icchādāyakaṃ kaṇṭhamaṇiratanam pātesi. Kumārassa mātāpituro dvāraṃ nissāya ṭhitā tassa kiriyam olokeno taṃ maṇiratanam disvā sīgham gantvā puttaṃ ukkhipivā hatthato maṇiratanam gaṇhiṃsu. Tato te taṃ maṇiratanam parisuddhāsane ṭhapetvā upacāraṃ katvā amhākaṃ idañcidañca dethāti abbhukkiriṃsu. Atha te maṇiratanānubhāvena gehadvāre mahantaṃ maṇḍapaṃ kāretvā vitānādinā maṇḍapaṃ alaṅkaritvā bhikkhūnaṃ āsanāni paññāpetvā te saṭṭhimatte bhikkhū nisīdāpetvā mahādānaṃ adāṃsu. Tato nagaravāsino maṇiratanānubhāvaṃ sutvā sannipatiṃsu. Atha te tesam majjhe attano saddhābalena maṇiratanassa lābhaṃ pakāsetvā imañhi dānatthāyeva pariccajjāmāti ekasmim ṭhāne patiṭṭhāpetvā tenānubhāvena yāvajivaṃ dānaṃ dadantā sīlaṃ rakkhantā āyupariyosāne devaloke nibbattiṃsūti.

6. Chetvāna pemaṃ api atrajesu,
Dadanti dānaṃ idha mānusevaṃ;
Na dadāti ko nāma naro samiddho,
Dānañhi dānassa phalaṃ sarantoti.

Puttavatthuṃ sattamaṃ.

38. Tebhātikamadhuvaṇijakānaṃ vatthumhi ayamānupubbikathā

Atīte kira bārāṇasiyaṃ te bhātikā ekato hutvā madhuṃ vikkiṇantā puttadāre posenti. Tato tesu eko paccantaṃ gantvā malayavāsīnaṃ [malavāsīnaṃ itipikatthaci] hatthato madhuṃ kiṇitvā [vakkiṇitvā itisabbattha] gaṇhāti, eko gahitagahitamadhuṃ nagaraṃ āharati. Eko tena āhaṭāhaṭamadhūni bārāṇasiyaṃ nisīditvā vikkiṇāti. Tasmim samaye gandhamādanapabbate eko paccakabuddho vaṇarogenā turo ahoṣi. Athaññataro paccakabuddho tassa madhunā phāsu bhavissatīti ñatvā gandhamādanapabbateyeva ṭhito cīvaraṃ pārupitvā ākāsenā gantvā nagaradvāre otarivā kattha madhuṃ labhāmīti [labbhati itisabbattha] olokeno aṭṭhāsī, tadā tasmimparakule bhatim katvā jīvamānā ekā ceṭikā ghaṭamādāya udakatthaṃ titthaṃ gacchantī maggā okkamma

ghaṭaṃ ṭhapetvā vanditvā ekamantaṃ aṭṭhāsi, tadā paccekabuddho bhaginī ettha bhikkhāya carantānaṃ katarasmiṃ ṭhāne madhu labbhātīti pucchi. Sā tassa kathaṃ sutvā madhuāpaṇassa paññāyanaṭṭhāne ṭhatvā hatthaṃ pasāretvā esa bhante madhuāpaṇoti dassetvā yajjāyaṃ paccekabuddho āpaṇato madhuṃ na labhati. Mama nivatthavattakaṃ datvāpi madhuṃ dassāmīti cintetvā oloketī tattheva aṭṭhāsi, atha paccekabuddho anupubbena vicaranto [caranto itipikatthaci] madhuāpaṇaṃ sampāpuṇi, tato kuṭimbiko [kuṭimba ko itipikatthaci] taṃ disvā hatthato pattaṃ gahetvā ādhārake ṭhapetvā madhughaṭaṃ ādāya pattassa upanāmento sahasā nikkujji. Tato madhu pattaṃ pūretvā uttaranto puna bhūmiyaṃ pagghari. Taṃ disvā somanasso vāṇijo evaṃ patthanamakāsi.

Vuttañhi mahāvamse.

1. Tattha pattassa buddhassa, vāṇijo so pasādavā;
Vissandayanto mukhato, pattapūraṃ madhuṃ adā.
2. Puṇṇaṅca uppatītaṅca, patitaṅca mahītale;
Disvā madhuṃ pasanno so, evaṃ paṇidahī tadā.
3. Jambudīpe ekarajjaṃ, dānenānena hotu me;
Ākāse yojane āṇā, bhūmiyaṃ yojanepīti.

Evaṅca pana vatvā pattaṃ adāsi, paccekabuddho pattaṃ paṭiggahetvā tattheva ṭhito.

4. Icchitaṃ patthitaṃ tuyhaṃ, khippameva samijjhatu;
Pūrentu cītthasaṃkappā, cando paṇṇaraso yathā.
5. Icchitaṃ patthitaṃ tuyhaṃ, sabbameva samijjhatu;
Pūrentu cittasaṃkappā, maṇijotiraso yathāti.

Vatvā maṅgalaṃ vaḍḍhetvā agamāsi. Athantarāmagge ṭhitā ghaṭacetikā paccekabuddhābhimukhaṃ gantvā madhuṃ labhittha bhanteti pucchi. Tena laddhaṃ bhaginīti vutte kiṃ vatvā so adāsīti pucchi. Paccekabuddho sabbaṃ kathesi. Sā taṃ sutvā thokaṃ bhante idheva hotha dāsiyā anuggahattāyāti sīghaṃ gehaṃ gantvā nivatthapiḷotikā attano sāṭakaṃ dhovitvā āharitvā cumbaṭakaṃ katvā paccekabuddhassa adāsi, yadā so bhante madhudāyako sakalajambudīpe ekarajjaṃ kāreti. Tadāhaṃ tassa aggamaheṣī bhaveyyaṃti vatvā patthanaṃ karontīevamāha.

6. Yadā te madhudo bhante, bhūbhujō hoti bhūtale;
Tassa hessaṃ tadā bhante, piyā aggamaheṣikā.
7. Surūpāca suvāṇica, suyasā subbatā subhā;
Assaṃ tassa piyācātha, manāpā icchadā [icchidā itipikatthaci] sadāti.

Tassāpi tadā paccekabuddho tattheva hotūti maṅgalaṃ vatvā ākāsenā gandhamādanameva agamāsi, athāparabhāge te tayopi ekato hutvā madhulokanaṃ karontā taṃ madhughaṭaṃ kuhiṃti pucchiṃsu, so tenattanaṃ katakammaṃ vatvā sace tumhe tasmim pattiṃ anumodeyyātha, taṃ sādhu. No ce. Madhuagghanakaṃ mama hatthato gaṇhathāti vatvā tehi tato na no attho [nanohattho itisabbattha] madhunā, kīdisassettaṃ adāsīti vutte taṃ sutvā itaro paccekabuddhā nāme te gandhamādane vasanti kāsāvaṃ pārupitvā kule kule bhikkhaṃ caranti, santo ete sīlavantāti kathesi, atha tesu jeṭṭho brāhmaṇaṇaṇḍalakāpi kāsāvaṃ paridahitvā caranti. Nūnāyaṃ caṇḍalakoti maññāmīti āha, majjhimo kujjhivā tava paccekabuddhaṃ parasamudde khipāhīti avoca, atha tesaṃ kathaṃ sutvā madhudāyako mā bho tumhe ariyānaṃ mahesakkhānaṃ mahānubhāvānaṃ paccekabuddhānaṃ pharusāṃ kathetha. Nirayadukkhā na bhāyathātiadinā anekā kārena nivāretvā tesaṃ guṇaṃ pakāsesi, taṃ sutvā te ubhopi sādūti pasannācittā anumodiṃsu, aparabhāge te kālaṃ katvā devamanussesu saṃsarantā tattha tattha mahāsampattiyo anubhavitvā amhākaṃ satthu parinibbāṇato dvinnaṃ vassasātānaṃ accayena attano attano sampattaṭṭhāne nibbattiṃsu. Tena vuttaṃ.

8. Asoko madhudo sandhi, mittādevī tu ceṭikā;
Caṇḍālavādī nigrodho, tisso so pāravādikoti.

Tesu caṇḍālavādī jeṭṭhavāṇijo bindusārarañño jeṭṭhaputtassa sumanarājakumārassa putto hutvā nibbatti. Tassāyamānupubbīkathā. Bindusārarañño kira dubbalakāleyeva asokakumāro attanā laddham ujjeniyā rajjam pahāya āgantvā sabbanagaram attano hatthagatam katvā sumanarājakumāram aggahesi. Tam divasameva sumanassa rājakumārassa sumanā nāma devī paripuṇṇagabbhā ahosi. Sā aññātakavesena nikkhamitvā avidūre aññataram caṇḍālagāmaṃ sandhāya gacchantī jeṭṭhakacaṇḍālassa gehato avidūre nigrodho atthi, tasmim rukkhe adhivatthāya devatāya ito ehi sumaneti vadantiyā saddam sutvā tassā samīpaṃ gatā, devatā attano ānubhāvena ekaṃ sālam nimmiṇitvā ettha vasāhīti pādāsī. Sā tam sālam pāvīsī, gatadivaseyeva sā puttam vijāyī. Sā tassa nigrodhadivatāya pariggahitattā nigrodhotveva nāmaṃ akāsī. Jeṭṭhakacaṇḍālo diṭṭhadivasatoppabhuti tam attano sāmīdhītaram viya maññamāno nibaddhavattam paṭṭhapesi. Rājadhītā tattha sattavassāni vasi, nigrodhakumāropi sattavassiko jāto, tadā mahāvaruṇatthero nāma eko arahā dārakassa hetusampadam disvā viharamāno sattavassiko dāni dārako. Kālo nam pabbājetumti cintetvā rājadhītāya ārocāpetvā nigrodhakumāram pabbājesi, kumāro khuraggeyeva arahattam pāpuṇi. Tena vuttam mahāvaṃse.

9. Tam mahāvaruṇo thero, tadā disvā kumārakam;
Upanissayasampannam, arahā pucchi mātaram;
Pabbājesi khuragge so, arahattamapāpuṇīti.

So kira ekadivasam pātova sarīram paṭijaggitvā ācariyupajjhāyavattam katvā pattacīvara mādāya mātuupāsikāya gehadvāram gacchāmīti nikkhami. Mātunivāsaṭṭhānañcassa dakkhiṇadvārena nagaram pavisitvā nagaramajjhena gantvā pācīnadvārena nikkhamitvā gantabbam hoti. Tena ca samayena asoko dhammarājā pācīnadisābhimukho sīhapañjare caṅkamati. Tam khaṇamyeva nigrodho rājaṅgaṇam sampāpuṇi santindriyo santamānaso yugamattam pekkhamāno, tena vuttam ekadivasam sīhapañjare thito addasa nigrodham sāmaṇeram rājaṅgaṇena gacchantam dantam guttam santindriyam iriyāpathasampannanti. Disvā panassa etadahosi. Ayam jano sabbopi vikkhittacitto bhantamigapaṭibhāgo. Ayam pana daharako avikkhitto ativiyaassa ālokitavilokitam sammiñjanapasāraṇaṅca sobhati. Addhā etassabbhantare lokuttaradhammo bhavissatīti rañño saha dassaneneva sāmaṇere cittam pasīdi, pemaṃ saṅṭhahi, kasmā. Pubbe kira puññakaraṇakāle rañño jeṭṭhakabhātā vāṇijakoyam.

10. Pubbeva [pubbena itikatthaci] sannivāsena, paccuppannahitena vā;
Evam tam jāyate pemaṃ, uppalamva yathodaketi.

Atha rājā sañjātapemo sabahumāno sāmaṇeram pakkosathāti amacce pesesi, te aticirāyantīti puna dve tayo pesesi turitam āgacchatūti. Sāmaṇero attano pakatiyā eva agamāsī. Rājā patirūpāsanam ṇatvā nisīdathāti āha. So itocito ca viloketvā natthi dāni añño bhikkhūti samussitasetacchattam rājapallaṅkam upasaṅkamitvā pattam gaṇhanatthāya rañño ākaram dassesi. Rājā tam pallaṅkasamīpaṃ gacchantam eva disvā cintesi ajjeva dāni ayam sāmaṇero imassa gehassa sāmiko bhavissatīti, sāmaṇero rañño hatthe pattam datvā pallaṅkam abhiruhitvā nisīdi. Rājā attano atthāya sampāditaṃ sabbam yāgukhajjakabhattavikatiṃ upanāmesī. Sāmaṇero attano yāpanamattameva sampatiṅchi. Bhattakiccāvasāne rājā āha satthārā tumhākam dinnaovādam jānāthāti. Jānāmi mahārāja ekadesenāti. Tāta mayhampī nam kathehīti. Sādhu mahārājāti rañño anurūpaṃ dhammapaeda appamādavaggaṃ anumodanattāya abhāsī. Rājā pana appamādo amatapadam, pamādo maccuno padamti sutvāva aññātam tāta, pariyosāpehīti āha. Sāmaṇero anumodanā vasāne dvattiṃsadhuvabhattāni [dvattiṃsadhurabhattāni itisabbattha] labhitvā puna divase dvattiṃsabhikkhū gahetvā rājantopuram pavisitvā bhattakicca makāsī. Rājā aññepi dvattiṃsabhikkhū tumhehi saddhiṃsve bhikkham gaṇhantūti eteneva upāyena divase divase vaḍḍhāpento saṭṭhisahassānam brāhmaṇaparibbājakānam bhattam upacchinditvā antonivesane saṭṭhisahassānam bhikkhūnam niccabbattam paṭṭhapesi nigrodhattheragateneva pasādena. Nigrodhattheropi rājānam saporisaṃ tisu saraṇesu pañcasu sīlesu paṭiṭṭhāpetvā buddhasāsane pothujjanikena pasādena acalappasādam katvā paṭiṭṭhāpesi. Rājāpi asokārāmaṃ nāma mahāvihāram

kārāpetvā saṭṭhisahassānaṃ bhikkhūnaṃ niccabhattaṃ paṭṭhapesi. Sakalajambudīpe caturāsītiyā nagarasahassee caturāsītivihārasahasāni kārāpesi. Tena vuttaṃ.

11. Caṇḍālavādidosena,
Jāto caṇḍālagāmake;
Pattānumodanā pākā,
Āse so [aseso itipikatthaci] hi anāsavoti.

Ayaṃ nigrodhattherassa kathānayo.

Madhudāyako pana vāṇijo devalokato cavitvā pupphapure rājakule uppajjitvā piyadāso nāma kumāro hutvā chattaṃ ussāpetvā sakalajambudīpe ekarajjaṃ akāsi. Kathaṃ.

Bindusārārājassa ekasataputtā ahesuṃ. Te sabbe asoko attanā saddhiṃ ekamātikaṃ tissakumāraṃ ṭhapetvā ghātesi. Ghātento cattāri vassāni anabhisittova rajjaṃ kāretvā catunnaṃ vassānaṃ accayena tathāgatassa parinibbānato dvinnaṃ vassasatanaṃ upari aṭṭhārasame vasse sakalajambudīpe ekarajjābhisekaṃ pāpuṇi. Atha taṃ sakalajambudīpe caturāsītinagarasahassee rājāno āgantvā upaṭṭhahissanti. Tiṇṇaṃ utūnaṃ anucchavikā tayo pāsādā ahesuṃ. Eko mahāsappiko, eko moragīvo, eko maṅgalo nāma, tesu nekanāṭakasahasaparivuto paṭivasati. Yāssa madhuāpanaṃ dassesi, sā asandhimittā nāma devaccharaparibhāgā rājadhītā hutvā saṭṭhisahassānaṃ itthīnaṃ jeṭṭhikā dhammāsokarañño aggamaheśi ahoṣi. Abhisekānantaraṃ tassa imā rājiddhiyo āgatā, pathaviyā ca heṭṭhā yojanappamāṇe āṇā pavattati. Tathā upari ākāse. Anotattadahato aṭṭhahi kājehi soḷasapānīyaghaṭe divase divase devatā āharanti. Yato sāsane uppannasaddho hutvā aṭṭhaghaṭe bhikkhusaṅghassa adāsi. Dve ghaṭe saṭṭhimattānaṃ teṭṭhakaḥhikkhūnaṃ dve ghaṭe aggamaheśiyā asandhimittāya. Cattāro ghaṭe attanā paribhuñci devatā [devatāevaṃ itisabbattha], eva himavantato nāgalatādantakaṭṭhaṃ siniddhaṃ mudukaṃ rasavantaṃ divase divase āharanti, tena rañño ca mahesiyā ca soḷasannaṃ nāṭakasahasānaṃ saṭṭhimattānaṃ bhikkhusahasānaṃ devasikaṃ dantapaṇakiccaṃ nipphajjati. Devasikamevassa devatā agadāmalakaṃ agadaharīṭakaṃ suvaṇṇavaṇṇaṃ gandharasasampannaṃ ambapakkaṃ āharanti. Chaddantadahato pañcavaṇṇaṃ nīvasanapārūpanaṃ pītakaṃ hatthapuñchanakapaṭaṃ [hatthapucchanakapaṭaṃ itisabbattha] dibbaṃ pānaṃ āharanti. Devasikamevassa anulepanagandhaṃ pārūpanatthāya asuttamayikaṃ sumanapupphapaṭaṃ mahārahaṇja añjanaṃ nāgabhanato nāgarājāno āharanti. Chaddantadahato yeva uṭṭhitassa sālino navavāhasahasāni divase divase suvā āharanti. Te mūsikā nitthusakāni karonti. Ekopi khaṇḍataṇḍulo nāhoṣi. Rañño sabbaṭṭhānesu ayameva taṇḍulo paribhogāṃ gacchati. Madhumakkhikā madhuṃ karonti. Kammārasālāsu acchā kūṭaṃ paharanti. Karavīkasakuṇā āgantvā madhurassaraṃ vikūjentaṃ rañño balikammaṃ karonti. Imāhi iddhīhi samannāgato rājā ekadivasaṃ suvaṇṇasaṅkhalikabandhanaṃ pesetvā catunnaṃ buddhānaṃ adhigatarūpadassanaṃ kappā yukā mahākālanāgarājānaṃ ānaitvā setacchattassa heṭṭhā mahārahe pallaṅke nisīdāpetvā anekasata vaṇṇehi jalajathalajapupphehi suvaṇṇapupphehi ca pūjaṃ katvā sabbā laṅkārapatimaṇḍitehi soḷasahi nāṭakasahasseehi samantato parikkhipitvā anantañāssa tāva me saddhammavaracakkavattino sammāsambuddhasa [sammāsambuddharūpaṃ itisabbattha] rūpaṃ imesaṃ akkhīnaṃ āpāthaṃ karohīti vatvā tena nimmitaṃ sakalasarīre vippakiṇṇapuñṇappabhāvanibbattāsīti anubyañjanapatimaṇḍita dvattiṃsa mahāpurisalakkhaṇa sassirikatāya vikacakamaluppapūṇḍarīkatimaṇḍitamiva salilatalaṃ tārāgaṇaramsijālavisaravipphuritasobhāsamujjalāmiva gaganatalaṃ nīlapītalohitā dibhedā vicittavaṇṇaramsivinaddhabyāmapabhāparikkhepavilāsītāya sañcyāppabhānurāgainadhanuvijjullatāparikkhittamiva kaṇakagirisikharaṃ nānāvīragavimalaketumālāsamujjalitacārumatthakasobhanaṃ nayanarasāyanamiva ca brahmadevamanujanāgayakkhagaṇānaṃ buddharūpaṃ passanto sattadivāsāni akkhipūjaṃ nāma akāsi. Rājā kira abhisekaṃ pāpuṇitvā tiṇṇiyeva saṃvaccharāni bāhirakapāsaṇḍaṃ parigaṇhi, catutthe saṃvacchare buddhasāsane pasīdi, tassa pana pitā bindusāro brāhmaṇabhatto ahoṣi. So brāhmaṇānaṃ brāhmaṇajātipāsaṇḍānaṃ paṇḍaraṅgaparibbājānaṃ saṭṭhisahasamattānaṃ niccabhattaṃ paṭṭhapesi. Asokopi pitarā pavattitaṃ dānaṃ attano antopure [antepure itisabbattha] tatheva dadamāno ekadivasaṃ sīhapañjare ṭhito te upasamaparibāhirena ācārena bhuñjamāne asaṃyatindriye avinītaiyāpathe disvā cintesi, īdisaṃ dānaṃ upaparikkhitvā yuttaṭṭhāne dātum

vaṭṭatīti. Evaṃ cintetvā amacce āha, gacchatha bhāṇe attano attano sādhusammate samaṇabrāhmaṇe antopuraṃ abhiharatha dānaṃ dassāmīti, amaccā sādhu devāti rañño paṭissutvā te te paṇḍaraṅgaparibbājakā jīvaka nigaṇṭhādayo ānetvā ime mahārāja amhākaṃ arahantoti āhaṃsu, atha rājā antopure uccāvacaṇi āsanāni paññāpetvā āgacchantūti vatvā āgatāgate āha attano anurūpe āsane nisīdathāti, ekacce bhaddapīṭhakesu ekacce phalakapīṭhakesu nisīdiṃsu, taṃ disvā rājā natthi etesaṃ anto sāroti ñatvā tesāṃ anurūpaṃ khādaniyabhojanīyaṃ datvā uyyojesi. Evaṃ gacchante kāle ekadivasaṃ sīhapañjare t̥hito nigrodhasāmaṇeraṃ disvā tasmim̐ gatena pasādena buddhasāsane pasanno saṭṭhisahassamatte pāsāṇḍiye apanetvā saṭṭhisahassamatte bhikkhū bhojento buddhasāsane pasīditvā asokārāmaṃ kāretvā tattha te vasāpento ekadivasaṃ asokārāme saṭṭhisahassabhikkhūnaṃ dānaṃ datvā tesāṃ majjhe nisajja saṅghaṃ catūhi paccayehi pavāretvā imaṃ pañhaṃ pucchi, bhante bhagavatā desitadhammo nāma kittako hotīti, mahārāja nava aṅgāni, khandhato caturāsītīdhammakhandhasahassānīti. Rājā dhamme pasīditvā ekekaṃ dhammakhandhaṃ ekekavihārena pūjessāmīti ekadivasaṃ eva channavutikoṭikhaṇaṃ vissajjetvā amacce āṇāpesi, ekamekaṃ nagare ekamekaṃ vihāraṃ kārentā caturāsītīyā nagarasahassesu caturāsītīvihārasahassāni kārapethāti, sayañca asokārāme asokamahāvihāratthāya [\[sayamcaasokahoviharatthāya itipikatthaci\]](#) kammaṃ paṭṭhapesi, saṅgho indaguttattheraṃ nāma mahiddhikaṃ mahānubhāvaṃ khīṇāsavaṃ navakammādhiṭṭhāyakaṃ adāsi, thero yaṃ yaṃ na niṭṭhāti, taṃ taṃ attano ānubhāvena niṭṭhāpesi, evaṃpitthi saṃvaccharehi vihārakammaṃ niṭṭhāpesi, ekadivasaṃ eva sabbanaṅgarehi paṇṇāni āgamim̐su, amaccā rañño ārocesuṃ niṭṭhitāni deva caturāsītīmahāvihārasahassānīti. Atha rājā bhikkhusaṅghaṃ upasaṅkamitvā bhante mayā caturāsītīvihārasahassāni kāritāni, dhātuyo kuto lacchāmīti pucchi, mahārāja dhātunidhānaṃ nāma atthīti suṇoma, na pana paññāyati asukaṭṭhāneti. Rājā rājagahe cetiyaṃ bhindāpetvā dhātuṃ apassanto paṭipākatikaṃ kārapetvā bhikkhubhikkhuṇiyo upāsakaupāsikāyoti catasso parisā gahetvā vesāliyaṃ gato. Tatrāpi alabhitvā kapilavatthūṃ gato, tatrāpi alabhitvā rāmagāmaṃ gato, rāmagāme nāgā cetiyaṃ bhinditūṃ nādaṃsu. Cetiye nipatitakuddālo khaṇḍāvaṇḍaṃ hoti, evaṃ tatrāpi alabhitvā allakappaṃ pāvaṃ kusiṇāraṃti sabbacetiyaṃ bhinditvā dhātuṃ alabhitvā paṭipākatikāni katvā rājagahaṃ gantvā catasso parisā sannipātāpetvā atthi kenaci sutapubbaṃ asukaṭṭhāne dhātunidhānaṃti pucchi. Tattheko vīsaṃvassa satiko thero asukaṭṭhāne dhātunidhānaṃti na jānāmi, mayhaṃ pana pitāmahatthero mayi sattavassikāle mālācaṅgoṭakaṃ gāhāpetvā ehi sāmaṇera asukagacchantare pāsāṇathūpo atthi. Tattha gacchāmāti gantvā pūjetvā imaṃ t̥hānaṃ upadhāretuṃ vaṭṭati sāmaṇerāti āha. Ahaṃ etameva jānāmi mahārājāti āha. Rājā etadeva t̥hānaṃti vatvā gacche harāpetvā pāsāṇathūpaṃ paṃsuṃca apanetvā heṭṭhā sudhābhūmim̐ addasa, tato sudhā ca iṭṭhakāyo ca harāpetvā anupubbena pariveṇaṃ oruyha sattaratanavālikaṃ asihatthāni ca kaṭṭharūpakāni samparivattantāni addasa, so yakkhadāsake pakkosāpetvā balikammaṃ kārapetvāpi neva antaṃ passanto devatā namassamāno ahaṃ imā dhātuyo gahetvā caturāsītīvihārasahassee nidahitvā sakkāraṃ karomi. Mā me devatā antarāyaṃ karontūti āha, sakko devarājā cārikaṃ caranto taṃ disvā vissakammaṃ āmantetvā tāta asokadhammarājā dhātuyo nīharissāmīti pariveṇaṃ otiṇṇo. Gantvā kaṭṭharūpāni nīharāpehīti. So pañcacūlakagāmadārakavesena gantvā rañño purato dhanukahattho t̥hatvā hāremi mahārājāti āha, hara tātāti saraṃ gahetvā sandhimhiyeva vijjhi, sabbhaṃ vippakiriyittha, atha rājā āviñjane [\[aviñcine itipikatthaci\]](#) bandhakuñcikaṃ muddikaṃ gaṇhi, mañikkhandhaṃ passitvā anāgate daḷiddarājāno imaṃ mañim̐ gahetvā dhātūnaṃ sakkāraṃ karontūti paṇṇe akkharāni disvā kujjhitvā mādisānaṃ pana rājūnaṃ [\[rājānaṃ itisabbattha\]](#) daḷiddarājāti vattuṃ ayuttam̐ti punappunaṃ ghaṭetvā dvāraṃ vivaritvā antogehaṃ pavitṭho aṭṭhārasavassādhikānaṃ dvinnāṃ vassasatānaṃ upari āropitadīpā tatheva pajjalanti, nīluppalapupphāni taṃkhaṇaṃyeva āharitvā āropitāni viya pupphasanthāro taṃ khaṇaṃ santhato viya gandhā taṃ muhuttaṃ piṃsitvā t̥hapitā viya ahesuṃ. Rājā suvaṇṇapaṭṭaṃ gahetvā anāgate piyadāso nāma kumāro chattaṃ ussāpetvā asoko nāma dhammarājā bhavissati, so imā dhātuyo vitthāritā karissatīti vācetvā diṭṭhohaṃ ayyena mahākassapattherenāti vatvā vāmahatthaṃ ābhujitvā dakkhiṇahatthena apphoṭesi. So tasmim̐ t̥hāne paricaraṇakadhātumattameva t̥hapetvā sesadhātuyo sabbā gahetvā dhātugharaṃ pubbe pihitanayeneva pidahitvā sabbā yathā pakatiyāyeva kāretvā uparipāsāṇacetiyaṃ patiṭṭhāpetvā caturāsītīyā vihārasahassesu dhātuyo patiṭṭhāpesi. Athekadivasaṃ rājā vihāraṃ gantvā bhikkhusaṅghaṃ vanditvā ekamante nisinno yadi bhante channavutikoṭidhanaṃ vissajjetvā caturāsītīvihārasahassānisacetiyaṃ kārapetvāpi ahaṃ na dāyādo. Añño ko dāyādoti, paccayadāyako nāma tvaṃ mahārāja, yo pana attano puttañca dhītarāñca pabbājeti, ayaṃ sāsane dāyādo nāmāti evaṃ vutte asoko rājā sāsane dāyādabhāvaṃ patthayamāno avidūre t̥hitaṃ mahindakumāraṃ disvā

sakkhissasi tāta tvam pabbajitumti āha. Kumāro pakatiyā pabbajitukāmo rañño vacanam sutvā ativiya pāmojjajāto pubbajāmi [pabbajjāmi itisabbattha] deva. Maṃ pabbājetvā sāsane dāyādo hothāti āha. Tena ca samayena rājadhītā saṅghamittāpi tasmim ṭhāne ṭhitā hoti. Taṃ disvā āha tvampi amma pabbajitum sakkhissasīti, sādhu tātāti sampaṭicchi. Rājā puttānam manam labhitvā pahaṭṭhacitto bhikkhusamgham upasaṅkamitvā bhante ime dārake pabbājetvā maṃ sāsane dāyādam karothāti. Saṅgho rañño vacanam sampaṭicchitvā kumāram moggaliputtatissattherena upajjhāyena mahādevattherena ācariyena pabbajāpesi [pabbajjāpesi itisabbattha]. Majjhantikattherena ācariyena upasampādesi, so upasampadāmālakeyeva saha paṭisambhidāhi arahattam pāpuṇi. Saṅghamittāyapi rājadhītāya ācariyāṇi āyupālattherī nāma [acāriyā āyupālattherīnāma itisabbattha]. Upajjhāyā dhammapālattherī nāma ahoṣi. Rājā pana anekākārena buddhasāsanam sobhetvā moggaliputtatissattherassa sahāyena [sahayyena. sāhāyena. sāhayyena itipikatthaci] saṭṭhisahassamatte dussīle titthiye buddhasāsanā uppabbājetvā tatiyadhammasamgītiṃ niṭṭhāpesi. Tasmim kira samāgame bhikkhubhikkhuṇiyo kittakāti [kittakānīti itisabbattha], vuttañhi.

12. Tasmim samāgame āsum, asītibhikkhukoṭiyo;
Ahesum satasahassāni, tesu khīṇāsavā yatī.

13. Navutisatasahassāni, ahū bhikkhuṇiyo tahiṃ;
Khīṇāsavā sikkhuṇiyo, sahasam āsu tāsū cāti.

Evaṃ so asoko dhammarājā sakalajambudīpe aggarājā hutvā buddhasāsanam sobhento vihāsi. Ayaṃ panettha saṅkhepo, vitthāro pana mahāvaṃse vuttoti. Vuttañhi.

14. Sampuṇṇatā ayaṃ tisso, cetanāyo madhuppado;
Sabbattha sabbadā sabba, sampattimabhisambhuṇīti.

Majjhimo pana vāṇiyo attano pāravādidosena parasamudde laṅkāyaṃ nibbatti. Tassevaṃ kathāpaṭipāṭi veditabbā. Tambapaṇṇidīpe kira muṭasīvo nāma rājā saṭṭhivassāni rajjam kāresi, tassa puṇṇapaṇṇāguṇopetā aññamaññaṃ hitesino dasa puttā ahesum. Dve ca dhītarō. Sabbe te samaggā sammodamānā vasanti. Athāparasmim samaye amaccā muṭasīvaraṇṇe kālakate devānaṃpiyatissakumāram abhisīṅciṃsu, abhisekasamakāramevassa anekāni acchariyāni ahesum. Tāni pakāsentā mahāvaṃsakathācariyā āhaṃsu.

15. Devānaṃpiyatissoti, vissuto dutiyo suto;
Tesu [ahosimuṭasīvassa, dasaputtēsupuṇṇāvā itikatthaci] bhātusu sabbesu,
puṇṇapaṇṇādhiko ahu.

16. Devānaṃpiyatisso so, rājāsi pituaccaye;
Tassābhisekena samam, bahūnacchariyānahū.

17. Laṅkādīpamhi sakale, nidhayo ratanānica;
Antoṭhitāni uggantvā, pathavītamāruhum.

18. Laṅkādīpasamīpamhi, bhinnanāvā gatāni ca;
Tatra jātāni ca thalam, ratanāni samāruhum.

19. Chātapabbatapādāmi, tisso ca veḷuyatthiyo;
Jātā rathapatodena, samānā parimānato.

20. Tāsū ekā latāyatthi, rajatābhā tahiṃ latā;
Suvaṇṇavaṇṇā rucirā; Dissantetā manoramā.

21. Ekā kusumayatthītu; Kusumāni tahiṃpana;
Nānāni nānāvaṇṇāni; Dissantetiphuṭāni ca.

22. Ekā sakunayaṭṭhī tu, tahiṃpakkhimigā bahū;
Nānā ca nānāvaṇṇā ca, saḷvāvīya dissare.
23. Hayagajarathā malakyā, valayaṅguliveṭhakā ceva;
Kakudhaphalā pākatikā, icce tā aṭṭha jātiyā.
24. Muttā samuddā uggantvā; Tīre vaṭṭiviyatṭhitā;
Devānaṃpiyatissassa; Sabbamaṃ puñṇāvijambhitam.
25. Indanīlam veḷuriyam, lohitaṅkamaṇī ci me;
Ratanāni pane tāni, muttā tā tāca yaṭṭhiyo;
Sattāhabbhantareyeva, rañño santikamāharuṃti.

Tena ca samayena devānaṃpiyatissamahārājā ca asoko dhammarājā ca addiṭṭhasahāyā honti. Tasmā so etāni ratanāni ca aññāni bahūni upāyanāni mama sahāyassa dethāti dhammāsokamahānarindassa paṇṇākāratthāya pesesi. Sopi taṃ disvā pasīditvā pañcarājakakudhabhaṇḍāni ca aññaṅca bahupaṇṇākāraṅca abhisekatthāya pesesi. Mayham sahāyam abhisekam karontūti. Na kevalañcetaṃ āmisapaṇṇākāram. Imam kira dhammapaṇṇākārampi pesesi.

26. Aham buddhamca dhammamca; Saṃghamca saraṇam gato;
Upasakattam vedesiṃ; Sakyaputtassa sāsane.
27. Imesu tīsu vatthūsu; Uttamesu naruttama;
Cittam pasādayitvāna, saddhāya saraṇam vajāti.

Amaccā puna laṅkamāgamma rājānam abhisīnciṃsu, tena kho pana samayena moggaliputtatissatthero kattha nukho anāgate sāsanaṃ suppatiṭṭhitam bhaveyyāti upaparikkhanto paccantime suppatiṭṭhitam bhavissatīti nīatvā te te there tattha tattha pesetvā mahāmahindattheram gantvā tambapaṇṇidīpaṃ pasādehīti niyojesi, sakko ca devānamindo mahāmahindattheram upasaṃkamitvā kālakato bhante muṭasīvo rājā. Idāni devānaṃpiyatissamahārājā rajjam kāreti. Sammāsambuddhena ca tumhe byākatā anāgate mahindo nāma bhikkhu tambapaṇṇidīpaṃ pasādessatīti. Tasmā tiha kho bhante kālo dīpavaram gamanāya, ahampi sahāyo bhavissāmīti, thero tassa vacanam sampaṭicchitvā attasattamo cetiyapabbatavihārato vehāsam uppatitvā anurādhapurassa puratthimadisāya missakapabbate patiṭṭhahi, imam etarahi cetiyapabbatotipi sañjānanti. Tadā tambapaṇṇiyam ussavadivaso hoti, rājā chaṇam karothāti amacce āṇāpetvā cattāḷīsapurisasahassapurisehi parivārito nagaramhā nikkhamitvā missakapabbatam pāyāsi migavam kīḷitukāmo. Atha tasmim pabbate adhivatthā ekā devatā rañño there dassessāmīti rohitamīgavaṇṇena avidūre tiṇapaṇṇāni khādamānā viya carati, rājā ayuttaṃ dāni pamattaṃ vijjhituṃti jiyam poṭhesi, migo ambatthalamaggaṃ gahetvā palāyituṃ ārabhi, rājā taṃ anubandhanto ambatthalameva abhiruhi, migopi therānam avidūre antaradhāyi, mahindatthero rājānam avidūre āgacchanta maṃyeva rājā passatu, mā itareti adhiṭṭhahitvā tissa tissa ito ehīti āha, rājā taṃ sutvā cintesi. Imasmim tambapaṇṇidīpe jāto maṃ tissoti nāmam gahetvā ālapituṃ samattho nāma natthi. Ayam pana chinnabhinnapaṭadharo bhaṇḍukāsāva vasano maṃ nāmenā lapati, ko nukho yaṃ bhavissati manusso amanusso vāti. Thero āha.

28. Samaṇā mayam mahārāja, dhammarājassa sāvakā;
Taveva anukampāya, jambudīpā idhāgatāti.

Rājā dhammāsokanarindena pesitasāsanānusārena anussaramāno ayyā nukho āgatāti tāvadeva āyudham nikkhipitvā ekamantaṃ nisīdi sammodanīyam katham kathayamāno sāraṇīyam [sammodanīyam-itisabbattha] katham kurumāno. Tasmim tānipi cattāḷīsapurisasahassāni āgantvā taṃ parivāresuṃ, tadā thero itarepi jane dassesi, rājā disvā ime kadā āgatāti pucchi, mayā saddhiṃyeva mahārājāti. Idāni pana jambudīpe aññepi evarūpā samaṇā santīti. Mahārāja etarahi jambudīpo kāsāvapajjoto isivātaṭṭhāvato, tasmim.

29. Tevijjā iddhippattā ca, cetopariññakovidā;
Khīṇāsavā arahanto, bahū buddhassa sāvakāti.

Rājā taṃ sutvā pasanno ahosi, atha thero rukkhopamādinā tassa paññāveyyattiyam̐ ñatvā dhammam̐ desesi sanarāmarehi sādhuḥkāram̐ kārayamāno. Tena vuttham̐.

30. Paṇḍitoti viditvāna, cullahatthipadopamam̐;
Suttantaṃ desayī thero, mahīpassa mahāmati [[mahīmatī itipikatthaci](#)].

Desanāpariyosāne so saddhiṃ tehi narehi cattālīsasahashehi saraṇesu paṭiṭṭhahīti. Athassa rājā sve bhante mama gehe bhikkham̐ gaṇhāthāti yācitvā gantvā nagarañca rājagehañca alankarivā there nisīdāpetvā paṇītenāhārena parivisitvā anuḷādevippamukhāhi pañcasataitthīhi saddhiṃ ekamantaṃ nisīdi. Atha thero dhammaratana vassaṃ vassāpesi. Tato tā pañcasataitthiyo sotāpattiphalaṃ pāpuṇṇimsu. Tato hatthisālāyaṃ sahasam̐, nandanavane sahasam̐ti evaṃ dutiyadivase aḍḍhateyyāni pānasahassāni sotāpattiphale paṭiṭṭhāpesi. Tatiyadivase aḍḍhanavappamāṇam̐ pānasahassam̐ti evaṃ anekasatānaṃ anekasahassānaṃ anekasata sahasānaṃ dhammā mataṃ pāyesi. Vuttañhi.

31. Mahāmahindasuriyo, laṅkāvehāsamajjhago;
Bodhaneyyambuḥje kāsi, vikāsaṃ dhammaraṃsinā.
32. Mahāmahindacando so, laṅkāvehāsamajjhago;
Bodhesi dhammaraṃsīhi, veneyyakumudākare.
33. Mahāmahindamegho so, vassaṃ dhammambuvuṭṭhiyā;
Sādhuṇam̐ cittabjjesu, janesi kusalaṅkureti.

Atha rājā sumanasāmaṇerena dhammāsokassa hatthato sammāsambuddhaparibhuttapattapūrādhātuyo ca sakkassa santikā dakkhiṇakkhadhātum̐ca āharāpetvā [[āharitvā-itisabbattha](#)] cetiyapabbate thūpaṃ ādimkatvā sakalalaṅkādiḥpe yojane yojane thūpāni kāretvā dakkhiṇakkhadhātum̐ nidahitvā thūpārāmathūpañca paṭiṭṭhāpesi. Atha saṅghamittāya theriyā ānītam̐ jayamahābodhino dakkhiṇamahāsākhāṃ paṭiṭṭhāpetvā pūjaṃ kāresi. Sabbo panettha kathāvittharo mahāvamsato veditabbo.

34. Pāravādikadosena, jātevaṃ parasāgare;
Pattānumodanā evaṃ, laṅkāyaṃ āsi issaro.
35. Pāpampi evaṃ phalatīti mantvā,
Ñatvāna puññassa phalaṃ idanti;
Bho yoniso kubbatha puññakamme,
Gantvāna ye yattha na socayantīti.

Tebhātikamadhuvāṇijakānaṃ vatthum̐ aṭṭhamam̐.

39. Bodhirājadhītuyā [[bodhirājadhītāya itisabbattha](#)] vatthumhi ayamānupubbīkathā

Bhagavati parinibbute laṅkāyaṃ sāsane suppaṭiṭṭhite tattha hakureḷīti eko gāmo ahosi, tattheḥkā dārikā gāmādārikāhi saddhiṃ tattha tattha kīḷantī viharati, tadā gāmasamīpe mahāsobbham̐ hoti. Tattheḥko maruttharukkho sabbadā pāliphullova tiṭṭhati. Manussā buddhapūjanattham̐ pupphāni vicīnantā udakaṃ ogahetvā rukkhamaḥhiruyha pupphāni ociṇanti, kumārikā te disvā manussā sukkena gantvā pupphāni ociṇantūti ekaṃ sukkhapālibhaddadaṇḍakaṃ āharitvā setum̐ katvā ṭhapesi, tato paṭṭhāya manussā tenagantvā pupphāni ociṇanti. Atha sā tato cutā teneva kusalakammena jambudīpe pāḷaliputtanagare somadattarañño dhītā hutvā nibbatti, uttamarūpadharā devaccharapaṭibhāgā ahosi. Mātāpitaro panassā bodhirājakumārikāti vohariṃsu. Pubbe katasetuānubhāvena tassā suvīrako nāmeko ākāśagāmī sindhavapotako nibbatti. Rājadhītuyā pana pitā buddhamāmakō dhammamāmakō saṅghamāmakō hutvā mahantaṃ puññaṃ pasavanto

sindhavapotakaṃ disvā puññakaraṇassa me sahāyo laddhoti tuṭṭhamānaso assaṃ abhiruhitvā divasassa tikkhattuṃ gantvā mahābodhiṃ vandati. Rājadhītā naṃ disvā pitusantikaṃ gantvā abhiṇhaṃ tāta kuhiṃ gacchasīti pucchi. Rājā na kiñci kathesi, atha sā punappunaṃ pitaraṃ nibandhantī pucchi. Tato rājā tassāvi karonto evamāha.

1. Amhākaṃ bhagavā pubbe, pūrento dasapāramī;
Adāsi sīsarattakkhi, maṃsaṃ jīvītameva ca.
2. Puttadāre ca rajje ca, patvā [datvā itipikatthaci] pāramimatthakaṃ;
Anappakappaḥṇaṃ, khepetvā kapilavuye.
3. Sakkarājakule jāto, loke appaṭipuggalo;
Sampattacakkavattitaṃ, pahantvāna narādhipo.
4. Disvā nimitte caturō, nikkhamma abhinikkhamaṃ;
Bodhimūlamupāgama, nisīno vajirāsane.
5. Sahassabāhuṃ māpetvā, nānāyudhasamākulaṃ [nānāvudhasamākulaṃ-itisabbattha];
Mahābhītikaraṃ vesam, kāḷapabbatasādisam.
6. Māpetvāna samāruya, girimekhalavāraṇaṃ;
Mārasenaṃ samānetvā, āgataṃ makaraddhajaṃ.
7. Pāramitābalena taṃ, mārasenaṃ palāpiya;
Yatthāsīno kilesāri, sahassaṃ ghātayī jino.
8. Nayaṇaṃ sujalasekehi, sattāhaṃ jinasevitaṃ;
Pūjitaṃ devabrahmehi, siddhoraganarādihi;
Vanditūṃ jayabodhiṃtaṃ, gacchāmi satataṃ ahaṃ.
9. Upāsati sadā gantvā, yo naro bodhipādapaṃ;
Gandhodadīpadhūpādi, nānāpūjāhi sādhukaṃ.
10. Sa naro nirāmayo hoti, paccatte ca parattha ca;
Pūjito mānito hoti, dīghāyu balavā sukhī.
11. Tadatthaṃ patthayantena, atthakāmena jantunā;
Upāsānīyaṃ saddhāya, niccaṃ taṃ bodhipādapaṃti.

Taṃ sutvā kumārikā pītiyā phuṭasarīrā pitaraṃ vanditvā ahampi tāta gacchāmīti āha. Rājā panassā upaddavabhayena gamaṇaṃ na icchī. Tato sā yāvattiyāṃ pitaraṃ yācitvā rañña anuññātā. Tato paṭṭhāya pitarā saddhiṃ sindhavamāruya bodhiṃ vanditūṃ satataṃ gacchati. Athāparabhāge rājā maraṇamañce nipanno cintesi. Dhītā me nīrantaraṃ bodhiupaṭṭhānaṃ gacchati, etissā anāgate yaṃkiñci bhayaṃ uppajjamānaṃ tato uppajjati. Tattha me kiṃ kātabbanti. Tato sindhavaṃ pakkosāpetvā tassa kaṇṇamūle mantento evamāha, tāta mama dhītā abhiṇhaṃ tava sahāyaṃ katvā bodhiṃ vanditūṃ gacchati. Tatthassā yaṃkiñci bhayaṃ bhavēyya. Taṃ nappatirūpaṃ. Tattha gamaṇāgamaṇe mama dhītaraṃ rakkheyyāsīti tassa dhītaraṃ paṭipādetvā kālamakāsi. Tato rājadhītā pitusarīrakiccaṃ kāretvā divasassa tikkhattuṃ assamabhiruyha bodhiupaṭṭhānaṃ gacchati. Manussā panassā rūpasampattiṃ disvā vimhitamānasā rājārahaṃ vata no idaṃ paṇṇākāraṃ diṭṭhaṃ. Gantvā rañño ācikkhissāma. Appeva nāma rājā so kiñci no dadeyyāti cintetvā rañño santikaṃ gantvā vanditvā ṭhitā evamāhaṃsu.

12. Bodhimaṇḍaṃ samāgama, abhiṇhaṃ tuṭṭhamānasā;
Vandantī yāti kaññekā, vijjūva siriyā jalaṃ.

13. Nīladhampillabhārā sā, visālāyatalocanā;
Soṇṇadolābhasavaṇā, sāmā subhapayodharā.
14. Sataraṃsīhi sammissa, sañcyāmbudasamādharā;
Tuṅganāsā nīlabhamu, hāsabhāsā manoramā.
15. Īdisaṃ no mahārājā [[mahārājadiṭṭhapubba itipikatthaci](#)], diṭṭhapubbaṃ kudācanaṃ;
Ehi tassā sirimdeva, bodhimaṇḍamhi dakkhasīti.

Taṃ sutvā rājā savaṇasaṃsaggeneva tāya paṭibaddhacitto caturaṅginimṣenaṃ gahetvā rājadhītaṃ bodhivandanatthāya āgatakāle bahipākāre senaṃ parikkhipāpetvā gaṇhathetanti manusse niyojesi. Tato senāpi taṃ gahaṇasajjā aṭṭhāsi. Rājadhītā te disvā sīghaṃ sindhavaṃ upasaṅkamtivā tassa piṭṭhiyaṃ nisinnā paṇhiyā saññaṃ adāsi. So taṃ gahetvā vegena ākāsaṃ pakkhandi. Sā pana dunnisinnabhāvena assassa vegāṃ sandhāretumasakkontī assapiṭṭhito parigali. Sindhavo rājadhītaṃ patamānaṃ disvā rājovādaṃ saramāno vegenāgantvā tassā kese ḍamsitvā ukkhipitvā patamānāya tassā piṭṭhimdatvā nisīdāpetvā ākāseṇa taṃ netvā pāṭaliputtanagareyeva patiṭṭhāpesi [[pāṭaliputtanagareyevataṃ pavīṭṭhāpesiitipikatthaci](#)].

16. Tiracchānagatāpevaṃ, sarantā upakārakaṃ;
Na jahantīti mantvāna, kataññū hontu [[hontipāṇino-itipikatthaci](#)] pāṇinoti.

Tato paṭṭhāya sā puññakammaṃ katvā saggaparāyanā ahosīti.

17. Yo yaṃ dumindaṃyatinandanena;
Sampūjitaṃ pūjayate sa pañño;
Sa bhogavā hoti anīṭiko ca,
Sabbattha so hoti pasattharūpo.

Bodhirājadhītuyā vatthum navamaṃ.

40. Kuṇḍaliyā vatthumhi ayamānupubbīkathā

Laṅkādiṭṭhe rohaṇajapade mahāgāmo nāma ahoṣi, tattha tissavihāraṃ nāma anekasatabhikkhūhi samākiṇṇaṃ anekapariveṇapatimaṇḍitaṃ vihāraṃ ahoṣi. Tattheko tisso nāma sāmaṇero paṭivasati. So ekasmiṃsamaye janapadacārikaṃ caranto pāsānavāpigāme bhikkhaṃ caritvā yāpanamattaṃ bhattaṃ sappinā saddhiṃ labhitvā nikkhama gāmadvāraṃ patvā mahāgāmābhimukho gacchanto manusse udakaphāsukatṭhānaṃ pucchi. Tehi bhante tumhākaṃ abhimukhe avidūratṭhāne kakubandakandaraṃ nāma sandamānasītalodakaṃ dhavalavālūkātalaṃ tattha tumhe gantvā nahātvā sītalacchāyāya vālūkātale nisinnā bhattakiccaṃ katvā gacchathāti vutte sāmaṇero sādḥūti vatvā tattha gantvā phāsukatṭhāne nisinnā bhattaṃ bhuñjitumārabhi. Tadā ekena vanakammikena saddhimaraññaṃ gatā ekā sunakhī tasmimṃ kandare ekasmiṃ pabbhāratṭhāne dārake vijāyitvā chātājhattā pavedhamānagattā dāraḍānaṃ samīpenipannā sāmaṇerassa patte āhāragandhaṃ ghāyitvā nipannaṭṭhānato vuṭṭhāya pavedhamānā tassa samīpaṃ āgamma naṅgutṭhaṃ cālentī aṭṭhāsi, sāmaṇero taṃ disvā kampitamānaso attano bhojanatthāya vaṭṭitaṃ pathamālopaṃ tassā purato ṭhapesi, tato sā somanassā taṃ bhuñji. Taṃ disvā tuṭṭho punappaṇaṃ ālopaṃ karonto tassā bhattaṃ datvā pattāṃ dhovitvā thavikāya pakkhipitvā agamāsi. Tato sā sunakhī sāmaṇeragatena pasādena tato cutā jambudīpe devaputtanagare rājānaṃ paṭicca tassa mahesiyā kucchimhi paṭisandhiṃ gaṇhitvā dasamāsaccayena mātukucchito nikkhama, athassā sikhāmaṅgaladivase sampatte mātāpitaro panassā kuṇḍalāvattakesattā kuṇḍalāti nāma makamsu. Sā anukkamaṇa soḷasavassuddesikā ahoṣi, tasmimṃ kira samaye tisso sāmaṇero mahābodhiṃ vandissāmīti nāvaṃ abhiruyha jambudīpaṃ gantvā anupubbena devaputtanagaraṃ patvā sunivattho supāruto yugamattadaso bhikkhāya caranto mahāvīthimṃ sampāpuṇi. Rājadhītā sīhapañjaraṃ ugghātetvā antaravīthimṃ oloketī bhikkhantaṃ sāmaṇeraṃ disvā pubbasinehaṃ paṭilabhi, tasmimṃkhaṇe tassā jātissaraññaṃ ahoṣi. Sā kira pubbe bhikkhuṇi hutvā paṇṇasūciyā saddhiṃ potthakañca padīpiyatelañca datvā jātissarā bhavēyyamti patthanaṃ ṭhapesi, tato sājātimṃ anussarantī sāmaṇerena attano katūpakāraṃ dītvā somanassā naṃ

pakkosāpetvā rājagehe āsanam paññāpetvā tattha nisinnam nānaggarasa bhojanena parivisitvā onītapattapāṇim sāmaṇeram upasankamitvā vanditvā ekamantaṃ nisinnā tena saddhim sallapantī evamāha.

1. Na sañjānāsi maṃ dhīra, pubbehaṃ tava dāsikā;
Tenāhaṃ sukhitā āsiṃ, tasmā tvamasi issaroti.

Taṃ sutvā sāmaṇero āha.

2. Natthi me tādīsī dāsī, na sañjānāmi taṃ ahaṃ;
Kāsi tvaṃ kassa vā dhītā, taṃ me akkhāhi pucchitāti.

Tato sā taṃ sārāpentī āha.

3. Sārāpemi tuvaṃ ajja, yathā jānāsimaṃ ise;
Bujjhassu bodhito dāni, mayā jātiṃsarantiyā.
4. Pāsānavāpigāmamhi, tambapaṇṇimhi rohaṇe;
Bhikkhitvāna tuvaṃ bhante, yaḍā kakubandakandare.
5. Nisīditvāna tvaṃ bhattaṃ, bhuttakālaṃ sarissasi;
Tadāhaṃ sunakhī āsiṃ, vijātā laddhagocarā.
6. Dārake khādituṃ mayha, māsannā khudapīlitā;
Pavedhamānasabbaṅgā, aṭṭhāsiṃ tava santike.
7. Disvā taṃ maṃ tadā bhante, vedhamānaṃ bubhukkhitaṃ;
Chinnabhatto tuvaṃ hutvā, mamaṃ bhattena tosayī.
8. Tadāhaṃ muducittena, cittaṃ tayi pasādayiṃ;
Tenāhaṃ puññakammena, dutiye attasambhave.
9. Idha rājakule jātā, sabbakāmasamiddhinī;
Cittappasādamattena, lokanāthassa sāsane.
10. Tadahupabbajitassāpi, īdisā honti sampadā;
Kīdisaṃ hoti sambuddhe, pasādena phalaṃ aho.
11. Aññāni pana kiccāni, pahāyāttahite rato;
Atandito divārattiṃ, sarātu ratanattayaṃti.

Evam sāmaṇerena katūpakāraṃ sārāpetvā bhante tava dāsiyā anuggahaṃ paṭicca idheva vasathāti nimantitvā tena sampaṭicchite mahantaṃ vihāraṃ kārapetvā sāmaṇeram ādiṃ katvā anekabhikkhusate nimantetvā vihāre vasāpetvā sulabhaṃ katvā catupaccayehi upaṭṭhāsi. Sāmaṇeropi sunakhiyā dinnadānaṃ anussaritvā tuṭṭho buddhānussatiṃ manasikaronto na cirenava arahattaṃ patvā tasmimyeva vihāre vasanto āyupariyosāne tattheva parinibbāyīti.

12. Tiyaddhesu tilokasmiṃ, natthi vatthuttayaṃ vinā;
Sattāna mañña micchattha, dāyakaṃ surapādapaṃ.

Kuṇḍaliyā vatthuṃ dasamaṃ.

Mahāsenavaggo catuttho.

Ettāvata jambudīpuppattikathā samattā.